



ИТВЫВ ЮДЗУВ

4

АПРЕЛЬ

1980



Ленинскöй партияса ветеранъяс том йöзкöд.

Снимайтис В. Вещицкий.



ТАЙО НОМЕРЫН

В. И. ЛЕНИН ЧУЖАН ЛУНСЯНЬ — 110 ВО

Серафим ПОПОВ. Миян Медыджыд Закон. Сибирын эм уна Зыряновск (кывбурьяс)	3
Геннадий ЮШКОВ. Ленин йылысь (кывбур)	5
Владимир ТИМИН. Коммунистон вермас лоны сийö (кывбур)	6
Александр МАЛЬЦЕВ. Чужан мулы (кывбур)	7
И. Г. КОЮШЕВ. Ильич век менам сьолöмын	8
В. П. ПОДОПЛЕЛОВ. Югыд олана му	13
Г. А. МИХАЙЛОВ. Шедöдöм вылын ог сувтöй	18
Николай ЩУКИН. Корся ассьым кодзув (кывбур)	22
Александр НЕКРАСОВ. Он сувтöд воястö (кывбур)	22
Альбина АНУФРИЕВА. Полярной кöч (висьт)	23
Иван ИСТОМИН. Медводдза жоньяс	28

КОМИЫН КАРЕЛИЯЛÖН КУЛЬТУРА ЛУНЬЯС КЕЖЛÖ

Антти ТИМОНЕН. Ты дорын (висьт)	38
Евгений УЛЯШЕВ. Кералöм койт (кывбур)	44
Елена КОЗЛОВА. Нывлы (кывбур)	44

ВЕЛИКÖЙ ПОБЕДАЛЫ — 35 ВО

Петр МАРКОВ. Найö дорйисны олöм	45
---	----

КРИТИКА ДА БИБЛИОГРАФИЯ

Иван ИЗЪЮРОВ. Нöшта Ичöt Иван йылысь	51
А. ТУРУБАНОВ. Книгäсын — предприятие-лön история	54
«ВОЙВЫВ КОДЗУВЛÖН» ПОЧТА	55

СЕРАМБАНА ГИЖÖДЬЯС

Леонид ОГНЕВ. Пöсь көлöбьяс	57
ЧЕЛЯДЬЛЫ	59

ЛИТЕРАТУРНО-
ХУДОЖЕСТВЕННОЙ
ДА ОБЩЕСТВЕННО-
ПОЛИТИЧЕСКОЙ
ЖУРНАЛ

ЛЭДЗÖ КОМИ АССР-са
ПИСАТЕЛЬСЛÖН СОЮЗ

ПЕТÖ 1926 ВОСЯНЬ

4

АПРЕЛЬ

1980

СЫКТЫВКАР

СЕВЕРНАЯ ЗВЕЗДА



ЕЖЕМЕСЯЧНЫЙ
ЛИТЕРАТУРНО-ХУДОЖЕСТВЕННЫЙ
И
ОБЩЕСТВЕННО-ПОЛИТИЧЕСКИЙ
ЖУРНАЛ



ОРГАН
СОЮЗА ПИСАТЕЛЕЙ
КОМИ АССР

Главный редактор П. Шахов

РЕДАКЦИОННАЯ КОЛЛЕГИЯ:

*А. Ванеев, М. Игнатов, Н. Куратова, В. Попов, С. Попов,
С. Раевский, И. Торопов (зам. главного редактора),
Г. Юшков.*

«Сторожевской» совхозлөн Нёбдін отделенияса фермаын. Шуйгавывсянь: доярка Н. В. Латкина, библиотекарь В. С. Попова, доярка М. А. Латкина.

Снимаітс В. Вежев.



Серафим ПОПОВ

Миян Медыджыд Закон

Эм уна-уна мича гижöd,
но медся мича тайö-й эм,
мый ставлы сьöлөмөдзыс йиджö
да индö медся шуда нэм.

Морт важөн-важөн сійöс корсис
да сы вöсна и нуис тыш,
но нартитысьяс плетьөн-орсөн,
мед ланьтас, пöвсавлісны мыш.

Но шонді сувтіс му шар весьтö,
кор гымыштіс Октябрлөн гым.
Быд сьöлөм биён сійö пестіс,
мед лои мудзлывтөм да пым.

Ме кута зарни гижöd кийн —
ас мулысь Медыджыд Закон.
Быд кыв сэн зарниысь да сійөн
ог вермы сылы корсьны дон.

Быд кыв, быд строчка лыддя дасысь
да аслам радлунөн ог пöt:
кötь ставыс син водзын да ясыд,
но, век жö, кажитчö, кыз вöt

тыр шудлун вылö мортлөн право
и сійöс видзөм кузя мог,
мед кага нюм вылö оз равöст
лөк бушков этшөн шöйтись шог.

А зарни гижöd ставлы восьса,
оз кедзовт некодöс да пайк,
и войтырлы вир кисьтан косьяс —
мед му пыр мунасны! — оз вай.

Сюрс аттö сылы, коді гижис
выль олөм сөвмөдан Закон.
И сылөн лист боқыс оз вижöd,
и некор дзик оз вошты дон.

Сибирын эм уна Зыряновск

Сибирын эм уна Зыряновск —
посёлокъяс, сиктъяс, да-й кар.
Кор карталань сувтлан тэ паньд,—
он весьшөрö пель саяд гарт,
мый казътыштас тэныд быд гижöd
да сёлöмлы зэв матыс ним,
а сэтчöдзсö мыйкö кö йиджас,
дерт, некор оз кельдöd да сiм;
пыр вöйтчан важ нэмъясö мөвпнад,
мед аддзыны, кыз коми морт
став колуйсö дадь вылö сөвтлiс
да эновтлiс кодзалöм горт...
Сьöd тшыглуныс сийöс и вөтлiс
Урал сайысь корсьлыны шуд
да öтчыд кöть шомöс тыр кöтны
сэсь аддзыны пызь тыра куд.
А мукöдöс катарга туйöd
скор стражниклөн колльöдiс син,
мед кутшöмкö выль Аккатуйын
пыр казътылiсны Сыктивдiн.
Эз налөн ло сы вöсна мыжыс,
мый вөвлi Зыряновъяс ов...
Зiль войтыркöд кывтлiсны пыжас
и асьныс Ермак да Дежнёв,
и зэв ылыс Шушенскöй сиктын
бур бать аслас пиыслы моз
Зырянов жö Ленинлы ликтiс
эз кодлыськö,— асьыс бур поз.
Роч войтыркöд öтвылысь пöльяс
пыр кисьтiсны пöсьсö и вир,
а пиянлөн дружба оз гöльмы,
кыз тэнад выль слава,
Сибирь!

Ленин йылысь

Эз эськө озыр котыр сійӧс сукляв-саав,
Виж лӧгӧн пу да ӧнӧдз на век увт,
Эз ковмы дзебсясьны, эз вӧйлы йиа ваӧ,—
Эз тайӧ туй вылас кӧ сійӧ сувт.

Но ыръян сьӧлӧмыс эз лэпты сэтшӧм олӧм,
Кӧн уджсӧ мыркысь помся пыкӧ шог.
И вылӧ пунктис сӧмын лов-вир сетысь колӧм,—
Важ мирсӧ мӧдар путкыль вӧчан мог.

И биа туйӧ ёся чукӧстӧмсӧ сылысь
Эз кывтӧг овны, кодлысь пычкылісны сӧз.
И ӧні тайӧ зумыд, веськыд Мир туй вылас
Пыр унджык петӧ Му пасьтасьыс йӧз.

Коммунистөн вермас лоны сійö

Коммунистөн вермас лоны сійö,
Коді некор сетом кыв оз вудж,
Коді аслас вежөрөн и киён
Зильö вöчны куим пыдди удж.

Коммунистөн вермас лоны сійö,
Коді лөнътас олöмын оз корсь,
Коді лёклы паньд уна пиьсь
Медводдзаён заводитö кось.

Коммунистөн вермас лоны сійö,
Коді дорйö му шар вылын мир.
Медым эз вöв шенасьысьыс биён,
Медым енэж койис шондi дзирд.

Коммунистөн вермас лоны сійö,
Кодлы муса вöльнöй светлөн мич,
Коммунист став олём асьыс сийö
Моглы, кодöс сувтöдiс Ильич.



Чужан мулы

Тэ кодь мелісö аддзыны кытысь?
Тэ кодь зумышыс көнкө мөй эм?
Эськө чужны кө тані көть кыкысь,
Эськө овны кө тані кык нэм...

Кыпыд ыбъясыд, дзоридза виддзыд
Лөня вөзйöны мичлунсö мем,—
Найöс сьөлөмын йөзыслы видза,
Наөн асьым тшөтш мичмөда нэм.

И кор ветлөдла вөръясті, сөнті,
Кодыр кияся пипукөд,— пыр
Менсьым лолөс тэ асвийөн шонтан,
Ловлөн шоньдлун медым оз быр.

Пувъя яг вывсö кодыр ме аддза,
Кодыр петкөдчас пелысьлөн роз,
Гөгөрвоа сэк, лэбачыс татчө
Мыйла локтө да лөсьөдө поз.

Тэ кодь мелісö аддзыны кытысь?
Тэ кодь зумышыс көнкө мөй эм?
Эськө чужны кө тані көть кыкысь!
Эськө овны кө тані кык нэм!



И. Г. КОЮШЕВ,

1918 восянь КПСС-са член, Коми
облисполкома вöвлöм председатель,
ВЦИК-са да СССР-ысь ЦИК-са вö-
влöм член

ИЛЬИЧ ВЕК МЕНАМ СЬÖЛÖМЫН

Ленинлөн нимыс му шарвывса уджалысь йöзлы медся дона да матыса. Ленин олö оз сöмын войтырлөн паметын,— сийö пыр мянкöд, мян делöясн, мян уджын, коммунизм вöсна мян тышын. Ми пыр сöветуйтчам Ильичкöд, велöдчам сылысь. В. И. Ленинлөн трудясыс босьтöны первой места мирын мукöд кывъяс вылö вуджöдöм да тиражъяс кузя.

Революцияöдз Усть-Сысольскын вöли уна политссылнöй, на лыдын и социал-демократъяс, кодъяс мунисны Ленин дор. Ми паныдасывлём накöд, кывзылём налысь сёрнияс да вензьöмъяс, лыддывлём царскöй властьöн тупкöм революционнöй литература, на лыдын и Ленинлысь произведениеяс. Политссылнöйяс чужтисны мянлысь политика динö интерес, эскöдисны, мый лоасны революционнöй вежсьöмъяс. Сьöлöмсянь сывлём öтвылысь «Смело, товарищи, в ногу», «Варшавянка» да мукöд сыланкывъяс, царöс серавлан частушкаяс. Но сэки ми унатор на эгö гөгөрволöй партияслөн уджысь. Сöмын февральса революция бöрын лои ясыд, мый разнöй партияслөн видзöдласъясныс абу öткодöсь. Быд партия ошкывлис асьыс программа, кулитлис мукöдлысь велöдöмсö.

1917 вося март 19 лунö Усть-Сысольскын вöли уна йöза демонстрация, кодöс сийма царскöй самодержавиеöс путкыльтöмлы. Карса дума дорын митинг вылын сёрнитис политссылнöй Николай Ладыгин, кодi нимтис асьсö социалист-революционерөн. Рытнас Народнöй домын учитель Виталий Галахов лыддис лекция демократия да государствоөн веськöдлöм йылысь. Учителясыс кызвыннас вöлины эсеръяс. Гимназистъяс — купечьяслөн, кулакъяслөн, попъяслөн да царскöй чиновникъяслөн пияныс — öшöдисны морöсаныс гöрд бантикъяс да шуисны асьнысö социалист-революционеръясөн жö. Но мянлы, гöль крестьяналөн челядьлы, эз вöв кивыв мунны коми буржуазиялөн ныв-пикöд. Ми накöд пыр вензьывлём, весиг воывлём тышкöдз.

1917 вося майын ме помалi Усть-Сысольскса высшöй начальнöй училище и заводитi уджавны ас овмöсын — Кörtкерöсскöй вöлöстьса

Додз сиктын. Бать вöлі Германияын пленын. Семьяын көкъямыс морт, ме — медся ыджыдыс. Велöдчигөн земство мынтис меным стипендия. Мамлы вöлі сетöны неыджыд пособие, но деньга воштис нин сэки донсö и ньöбны вöлі пöшти нинöм он вермы. Семья тшыгъявлис. Пöчö да ичöt чой кулисны тшыгла.

Царöс путкыльтöм бöрын ми чайтим, мый помасяс война и салдатыяс локтасны гортас. Но война эз помась. Фронтъяс вывсынь пыр воалисны усьöм йылысь юöрьяс. Салдатыяс асланыс письмöясын ёрисны выль правительясöс и медыджыд надея кутисны Ленин да большевикъяслөн партия вылö. А эсеръяс, кодъяс кыин вöлі властыс, эскöдлисны, мый чукöртчас Учредительной собрание, примитас выль законъяс и лоö решитöма став вопросьяссö.

1917 вося августын, Всероссийской Учредительной собраниеö бöрийсыгысөн, воис мян сиктö сусед, матрос-артиллерист, большевикъяслөн партияса член, рабочöй да салдатской депутатъяс Кронштадтской Советса член Яков Федорович Потапов (Педöр Як). Бöрынджык сийö вöвлі Усть-Сысольской укомса, сэсся РКП(б) Коми обкомса секретарөн. Я. Ф. Потаповлы воинской частыянь вöлі сетöма тöлысьджынся отпуск, медым сийö нуöдис коми йöз пöвстын агитация Учредительной собраниеö большевикъясöс бöрийöм могысь.

Я. Ф. Потапов да сылөн Александр вокыс войнаöдз на уна сезон уджавлисны Уралса заводьясын, вöлі йитчöмаöсь политссылнойяскöд, сиктын да вöлöсть пасытаын гöль йöз пöвстын нималисны ыджыд авторитетөн. 1909—1914 воясö Александр оліс Уралын мöд ним-овөн, дзебсясис полициясы. Яков выступайтис Кöрткерöс вöлöстьса крестьяналөн собраниеяс вылын, эрдöдалис эсерьяслысь политикасö, висыталис большевикъяс да Ленин йылысь, чуксалис сетны гөлöсьяс 1904 восянь ленинской партияса членъяс И. М. Шумилов да М. К. Ветошкин вöсна. Потаповъяслөн керкаыс вöлі большевистской агитпункт кодьөн. Кор көзяиныс эз вöв гортас, ме да менам ёрт Вася Шешуков лыддывлім чукöртчöм войтырлы Потаповөн вайöм большевистской газетъяс. Кор Яковлөн помасис отпускыс, став вайöм литературасö сийö колис меным.

Усть-Сысольскса уездной земство дугöдис уездын разöдны большевистской печать. Но салдатыяслөн письмöясысь крестьяна регыдөн тöдмалисны Октябрьской революция йылысь да кыпыдлунөн примитисны Мир йылысь да Му йылысь декретъяс, кодъясöс кырымалис В. И. Ленин.

1918 воын Коми крайö бöр воисны вöвлöм царской армияса матö комын тысяча салдат. На пöвстысь унджыкыс участвуйтисны Россияса революционной событиясын. Найö и кутисны тöдмöдны йöзöс Ленинлөн идеясөн, котырталисны партиялысь ячейкаяс, Советьясысь вöтлалисны кулакъясöс да торговецьясöс. Ленинлөн матыса соратник Р. С. Землячка шулис, мый Усть-Сысольской уезд лоис Войвылын Советской власть котыртан крепостьөн.

1918 вося январын Костромской военно-революционной отрядсынь воис гортас Яковлөн вокыс — Александр. Сыкöд ми заводитим котыртны сиктын большевистской организация. Март тöлысьын, кор сиктö бергöдчисны салдатыяс, котыртим РКП(б)-лысь комын морта ячейка. 1918 вося гожöмын ячейка содис кык пöв. Александр Потаповöс бöрийсны ячейкаса председателён, менö секретарөн и öттшöтш клубөн веськöдлысьөн. Клубсö восьтим купеч Тима Иванлөн овтöм керкаын. Заводитчис выль олöм.

1918 вося сентябрын вöлі коммунистыяслөн первой Северо-Двинской губернской съезд, коді бöрийис губком. Вöлі тшöктöма уездной центрьясса горкомьяслы босытны учёт вылö РКП(б)-лысь став ячей-

каяс. Миянлысь ячейкаос (52 член да 10 кандидат) сувтөдісны учёт выло Усть-Сысольскса горкомын 1918 вося сентябрь 9 лунö. Сійö кадсяныс ми официальной лоим партияса членьясөн.

Путкыльтөм эксплуататорской классьяс эз кöсйыны миритчыны власть воштöмкөд и панісны гражданской война. Налы отсöг выло воисны вынйöра капиталистической государствояс. Найö кöсйисны пöдтыны том Советской республикаос. Торъя нин сьöкыд вöлі 1919 вося тулысын. В. И. Ленин да РКП(б)-лөн ЦК шыöдчисны партия да народ дінö, чукöстисны чукöртны став вынъяс контрреволюцияос пасьвартөм могысь.

1919 вося майын мукөд коммунистьяскөд тшöтш ме муні Красной Армияö, воюиті Асыввыв фронт вылын В. К. Блюхерлөн нималысь дивизияын. Вöвлі пулемётчикөн да нештатной агитаторөн Сибырын контрреволюция пöдтытöдз. Ранитчөм бöрын куйлі Омскса госпиталыын. Сэтысь петөм бöрын уджалі агитаторөн Омской да Тюменской губерниясын, выступайталі крестьяналөн собраниеяс вылын, висьтавлі Ленин да Коммунистической партия йылысь, Советской власть да Красной Армия йылысь.

1921 во заводитчигөн висьми тифөн и бара веськалі Омскса госпитальö. Февральын вои чужан муö. Первойсö уджалі асланым вöлөстын парторганизаторөн, сэсся РКП(б) Усть-Сысольской укомса секретарос вежысьөн.

1922 вося январын РКП(б) Коми обком мөдөдіс менö велөдчыны Москваö Я. М. Свердлов нима Коммунистической университетö. Сійö сэки лыддыссис куйм вося высшой партийной школаөн. Сэки эз на тырмыны профессорьяс и общественной дисциплинаяс кузя лекцияссьö лыддисны партияөн да государствоөн веськөдлысьяс, РКП(б) ЦК-са членьяс, народной комиссарьяс да найос вежысьяс. Миянөдз лыддывлөма государство да право йылысь лекцияс и В. И. Ленин. Но 1922 воын здоровье омөльтчөм вöсна лекцияссьö сійö эз нин лыдды. Миян корөм серти университетса веськөдлысьяс кутісны новлөдлыны сійö собраниеяс выло, көні выступайтліс Ильич. Медводдзаысь В. И. Ленинöс ми аддзылім 1922 вося март 27 лунö партиялөн XI съезд вылын. Сэтчö нуөдіс миянөс университетса ректор М. Лядов. Ми, дерт, төдім нин Ленинöс фотографияяс да йöзлөн висьталөмьяс серти, кодьяс аддзысьлісны Ильичкөд. А öні аддзим Владимир Ильичос асланым синьясөн, кывзім сылысь выступлениесö. Сылөн сёрниыс колис вежөрö нэм кежлө. Ленин сёрнитіс выль экономической политика йылысь, сувтөдіс партия водзö выль могьяс. Мөдысь ми кывзім Ленинос ВЦИК-лөн нельөд сессия вылын, көні В. И. Ленин выступитіс речөн. Сэтчö университетсянь судзөдлісны миянлы гостевой билетьяс. Ленин юөртіс, мый Дальной Востокос мездöма интервентьясысь да белогвардеецьясысь. И таын зэв ыджыд пайыс Красной Армиялөн да том советской дипломатиялөн. Сэсся сёрнитіс Удж да Му законьяс йылысь.

1922 вося ноябрь 5 лунö Петроградын воссис Коминтернлөн нельөд конгресс. А ноябрь 9 лунö сійö вуджис Москваö да уджаліс декабрь 5 лунөдз. Ноябрь 13 лун кежлө миянлы бара жö судзөдлісны гостевой билетьяс. Сійö лунас Ленин выступитіс Конгресслөн 8-өд заседание вылын Кремльса Андреевской залын. Коммунистической партияса делегатьясысь öтдор сэні унаөн вöліны и гостьяс. Ленинос встретитісны дыр нюжалысь аплодисментьясөн. Сувтöны и сьылöны Интернационал, быдөн ас кыв вылас. Ленин сёрнитіс немецкой кыв вылын, а сэсся речсö лыддисны речөн.

Ленин сёрнитіс сы йылысь, мый сетіс РКП(б)-лөн выль экономической политика, социалистической строительстволөн выль могьяс йылысь. Висьталіс и уджын лоөм öшыбкаяс йылысь. Ильич чуксаліс став

странаясса коммунистьясёс велодны роч коммунистьяслысь опыт. Ленинлысь докладсё вёлі йёзодёма «Правдаын» 1922 вося ноябрь 15 лунё.

Бөрьяысь ми, комвузын велодчысыя, аддзылім да кывзім В. И. Ленинёс 1922 вося ноябрь 20 лунё Большой театрын Моссоветлөн пленум вылын, кодёс вёлі сёма Сөветьясё бөрйысьомьяслы. Ми пукалім квайтёд судгаса балконын. Пыр виччысим Ленинлысь выступление, а сійё пыр абу и абу. Чайтім, мый висьмис. Пленум кутіс нин помасьны, председателялысь лёсьодчө тупкыны заседание. И сэки партерын кутісны кывны аплодисментьяс да «Ура!» горзёмьяс. Ленин сцена вылын чолёмасьё президиумса членьяскөд. Оркестр ворсё Интернационал. Ленин сёрнитіс эз дыр, но ярыюгда да эскөдана. Онөдз кыла сьён шуом кывьяссө: «Нэповскөй Россия лоас социалистическөй Россияён». Тайё вёлі Владимир Ильичлөн йёз водзын бөрья выступлениеён. 1922 вося декабрь 12 лунё сійё бөрья лун уджаліс Кремльса кабинетын.

Висигас нин Ленин диктуйтис уна статья — «Странички из дневника», «О кооперации», «О нашей революции», «Как нам реорганизовать Рабкрин», «Лучше меньше, да лучше» да мукөдыяс.

1923 вося гожёмын, каникуляс дырйи, мукөд студентьяскөд тшөтш ме уджалі видз-му овмөс кузя первой Всесоюзной выставка вылын инструкторён. Выставкасё вёлі котыртёма В. И. Ленинлөн водзмөстчөм серти. Миянлы юөртісны, мый октябрь 19 лунё выставка вылө воас Ленин. Сэк жө и шуисны тупкыны выставкасё. Чайтім, мый Владимир Ильич выступитас нейджыд речөн. Но висьом вёсна эз выступит. Главвыставкомса председатель Лацис да сылы отсасьысыяс виччысисны Ленинёс да Крупскаяёс выставкалөн ворота дорын. Чолёмасьём бөрын Ленин корис петкөдлыны павильоньяссө. Вёлі 137 павильон и став экспонатьясён төдмасьны, дерт, эз вермыны. Ильич медсясё интересуйтчис видз-му овмөс техникаён. Ловья Ленинёс ме аддзылі витөдысь и медбөрьяысь.

1924 вося январь 21 лунё став мирсё шызьөдіс шог юөр, мый Горкиын 18 час 50 минутын кувсис миян радейтана вождь да учитель, Коммунистическөй партия да Сөветскөй государство котыртысь Владимир Ильич Ленин. Став народлысь шоглунсө юөртіс партиялөн ЦК «Партия дінө, став уджалысь йёз дінө» шыөдчөмын.

Кызди сөмын кувсис Ленин кувсьөм йылысь, Москваса предприятиясын да учреждениясын пыр жө мунісны траурной митингьяс. Ми, Я. М. Свердлов нима комвузса студентьяс, волім Краснопресненскөй районса траурной митингьяс вылө.

Январь 23 лунё В. И. Ленин телёөн гортсө вайисны Горкиысь Москваө да сувтөдісны Союзьяс Керкалөн Колонной залө. Январь 23—27 луньясө уна сё тысяча рабочөй, крестьяна, красноармеец, служащөй, Сөветскөй Союз пасьтаысь да мукөд странаясысь уджалысь йөзлөн делегацияяс лун и вой прөщайтчисны Ленинкөд. Но сөветскөй народ эз усь сьөлөмнас, сійё ещө на топөдчис партия да ленинскөй ЦК гөгөр. Январь 27 лунё В. И. Ленинлысь гортсө сувтөдісны временной мавзолейө. ЦК-лөн шыөдчөм вылө Коммунистическөй партияө регыдөн пырисны 240 тысяча морт.

РКП(б) ЦК-са Генеральной секретарь И. В. Сталин 1924 вося апрельын лыддис миянлы ленинизмлөн подувьяс да В. И. Ленинлөн заветьяс йылысь өкмыс лекция. Ми кывзім сійёс зэв сьөлөмсянь. Лекцияяс вылын вёлі зэв лөнь. Студентьяслөн юалөмьяс вылө вочавидзліс ясыда. Да и мукөдыяслөн лекцияяс вөліны лөсьыдөсь. Ыджыд отсөг сетліс лекторьяслы 1903 восянь партияса член, марксист-теоретик Владимир Григорьевич Юдовский. Медводдза высшөй партийной школа котыртөм бөрын сійёс индісны педагогическөй удж вылө. В. Г. Юдов-

ский революцияӧдз овлӧма политссылкаын Коми крайын, пыр юасьліс коми войтыр йылысь. Юдовскийлӧн индӧд серти партия ЦК-лӧн агит-пропотдел тшӧктіс менӧ гижны коми школаяслы, партийнӧй да комсомольскӧй политобразованиелӧн кружокъяслы политграмота. Книгаыс («Йӧз кост оланног») петіс комиӧн 1924 воын Москваын.

Комвуз ме помалі 1925 вося майын. Сійӧ кадсяньыс уджавлі партийнӧй, сӧветскӧй да хозяйственнӧй органъясын Коми АССР-ын, Архангельскын, Горьковскӧй да Пермскӧй областъясын, Украинаын, Сибириын. Ковмыліс венны уна сьӧкыдлун. Но та дырйи ме пыр шыӧдчывлі Ленинлӧн учение дорӧ.

Коммунистическӧй партия веськӧдлӧм улын сӧветскӧй йӧз регыдӧн бырӧдісны нэмӧвӧйся кольччӧм, нуӧдісны индустриализация, видз-му овмӧсын коллективизация, культурнӧй революция. Ленинскӧй партия веськӧдлӧм улын сӧветскӧй йӧз ыджыд мужество да героизм петкӧдісны Великӧй Отечественнӧй войнаын. Сьӧкыда шедіс победа: ми воштім 20 миллион мортӧс, фашистъяс жугӧдісны 1710 кар, сотісны 70 тысяча сикт. Социализмлӧн врагыс радлісны, мый СССР вынтӧммис и ковмасны уна вояс жугӧдӧмсӧ лӧсьӧдӧм могысь. Но социалистическӧй страна регыдӧн бурдӧдіс дойяссӧ и лоис нӧшта на вынӧбрэджыкӧн.

Ленинизм знамя улын котыртчис мирӧвӧй социалистическӧй содружество. Сійӧ лоис ыджыд экономическӧй да политическӧй вынӧн. Пыр унджык народъяс сувтӧны социализм туй вылӧ.

Сӧветскӧй власть воясӧ ӧдйӧ сӧвмис мяян республика. Сійӧ лоис ыджыд промышленнӧй да культурнӧй крайӧн. Трудӧвӧй Краснӧй Знамя ордена Сыктывкарлӧн медгажа площадь вылын сулалӧ В. И. Ленинлы памятник. Асланыс шуда олӧмысь коми йӧз пыр кутасны висьтавны пӧсь аттӧ Владимир Ильичлы, кодлӧн велӧдӧмыс кутас овны нэмъяс чӧж.

В. П. ПОДОПЛЕЛОВ,
СССР-са наукаяс Академиялөн Коми филиал Президиумса председатель, экономическӧй наукаяс доктор

ЮГЫД ОЛАНА МУ

Удж радейтысь да таланта йӧзлӧн му — татшӧмӧн сувтӧ миян синьяс водзӧ талунья Коми республика, кодлӧн Знамя вылын ӧнӧ дзирдалӧны Рӧдиналӧн куим орден. Край пыр лоӧ озырджыкӧн аслас ныв-пилӧн героическӧй уджӧн, став советскӧй республикаяскӧд вок сяма ӧртасьӧмӧн. Советскӧй власть воясӧ коми му лоис ыджыд промышленнӧй районӧн. Парма шӧрын и тундраын чужисны талунья карьяс, рабочӧй посёлокьяс, промышленнӧй предприятияс да совхозьяс. Да и природаяс лышкыда козьналіс миянлысь республикаӧс мичлунӧн да мупытшкӧсса озырлуньясӧн: из шомӧн, нефтьӧн, газӧн, титанӧвӧй рудаясӧн, шоча паныдасьлысь металльясӧн. Нималӧ миян крайным вынӧра юясӧн, помтӧм-дортӧм пармаӧн, уна сикас животнӧй мирӧн.

Парма пыр и мунны позьтӧм нюрьяс вывтӧ, тундраӧд и горнӧй кряжьяс вомӧн нюжалісны кӧрт туйяс, нефте- да газопроводьяс. Большеземельскӧй тундраын енежлань кыпалісны нефть перьян ажурнӧй вышкаяс. Полярнӧй кытшайса Воркутаӧс гӧгортісны из шом перьян шахтаяслӧн копёрьяс. Сыктывкар, Ухта, Печора, Инта — ставныслӧн налӧн аслыспӧлӧс чужӧмбан, быд кар нималӧ аслыспӧлӧс озырлунӧн. Коми АССР-лӧн экономическӧй историяс яръюгыда петкодлӧ сійӧс, кызди коркӧя кольччысь юкӧньяс быдмисны странаса вынӧра промышленнӧй районьясӧдз. Революцияӧдз миян крайным пӧшти некутшӧма эз сӧвмы. Чӧла и гӧля оліс царскӧй империялӧн тайӧ ылысь пельӧсыс. Эз жӧ весьшӧрӧ вӧв сер-

пасалӧма коми мулӧн гербын гуын узьысь ош.

Коммунистическӧй партия веськодлӧм улын советскӧй йӧз шонтісны тайӧ кодзыд да эндӧдӧм крайсӧ. Республикас выль стройкаяс вылӧ да предприятиясӧ странаса промышленнӧй центрьяс мӧдӧдісны инженерьясӧс, техникьясӧс, квалицированнӧй рабочӧйясӧс. Москваын, Ленинградын, Пермын, Кировын да мукӧд карьясын дасьтісны республикалӧн народнӧй овмӧслы национальнӧй кадрьяс.

Россияса окраинаясын производітельнӧй выньяс сӧвмӧдӧм вӧсна пыр тӧждысьліс В. И. Ленин. 1919 воын нин сьлӧн индӧд серти Главнӧй нефтянӧй комитет мӧдӧдӧ Ухтаӧ экспедиция. Но экспедиция Ухтаӧдз сэки эз во: войвылын пансис англо-американскӧй интервентьяскӧд тыш. Таысь на водзджык Ленин сетӧ индӧдьяс и сы кузя, позьӧӧ стрӧитны Котлассянь Ухтаӧдз кӧрт туй.

1921 воын профессор А. А. Чернов веськодлӧм улын Печораӧ воис медводдза геологическӧй отряд. Сы водзын сулаліс мог — тӧдмавны тайӧ районын из шомлысь запасьяс. Ухто-Печорскӧй экспедиция подув вылын сӧрӧнджык котыртчӧ татшӧм жӧ нима трест. Коми крайын ыджыд ӧдьясӧн босьтчӧ сӧвмыны экономика, бурмӧ уджалысь йӧзлӧн олӧм.

Лои вӧчӧма медводдза воськовьяс народнӧй образование да здравоохранение бурмӧдӧм кузя. Вӧлі кстыртӧма учительскӧй курсьяс, Усть-Сысольскын да Усть-Вымын воссисны педтехникумьяс. 1924—25 воясӧ кӧ народнӧй образование да

культура сѡвмѡдѡм вылѡ вѡлі тор-йѡдѡма 700 тысяча шайт, 1926—27 воясѡ — 1102,8 тысяча шайт нин. Областьын уджалісны сельскохозяй-ственнѡй техникум, кык совпарт-школа, кык профессионально-тех-нической школа, землеустроитель-нѡй курсяс. Сѡветской властълѡн дас воѡн лѡдзѡма комиѡн сѡ нима книга, петісны «Коми сикт» газет да «Ордым» журнал, рѡчѡн петліс-ны «Югыд туй» да «Красная Печо-ра» газетяс, «Коми му» да «Коми просвещение» журналяс. Ыджыд удж нуѡдсис верстѡ йѡз пѡвстын неграмотность бырѡдѡм кузя.

Великой Октябрлы дас во тырѡм-сѡ торжественнѡя пасйиѡн область-са уджалысь йѡз сѡлѡмсяныс ош-кисны экономикаын да культураын социалистической вежсѡмъяссѡ. «Ми быдмам, ми ѡнмам, ми стрѡи-там социализм!» — татшѡм лозунгъ-яс позѡ вѡлі аддзыны Усть-Сысо-льскын праздничнѡй демонстрацияс дырйи.

Бѡръяджык воясѡ уджалысь кол-лективяс пѡвстын ѡна паськалѡ со-циалистической ордысьѡм. Сезон чѡжѡн — тысяча кубометр вѡр! — татшѡм водзмѡстчѡм первойѡн петкѡд-ліс Палаузса вѡр лѡдзысь Антон Васильевич Карманов. Та мында кубометрсѡ сійѡ сетіс 1931 воын, а сѡрѡнджык воѡдчис и 2—3 тысяча кубометрѡдз. А. В. Кармановлѡн пример серти бѡсьтчисны уджавны областьса уна вѡр лѡдзысьяс.

Ѳдйѡ сѡвмис вѡр обработайтѡм. 1928—30 воясѡ вѡлі выльмѡдѡма Сыктывкарса вѡр пилитан завод и во чѡжѡн сійѡ кутіс сетны 50 тысяча сайѡ кубометр тѡс да плака.

Мѡд пятилеткаын пыр ыджыд-джык места кутісны бѡсьтны из шом да нефть перйѡм. Пятилетка пом кежлѡ валѡвой продукциялысь 75 процентсѡ сетіс нин промышлен-ность. Тайѡ жѡ кад кежлас 90 сайѡ процент крестьянской ѡвмѡсьяс ѡтутчисны колхозясѡ. Коллекти-визация бѡрын видз-му ѡвмѡсын ло-исны гырысь вежсѡмъяс. 1936 во кежлѡ кѡдза муяс паськалісны 1913 воын серти 2,3 пѡв. Град выв пук-тасяс да картофель сдایتѡм содіс ѡкмыс пѡв. Тѡдчымѡн содіс скѡтлѡн

юр лыд. Медводдза кык пятилетка-ѡн кольччысь аграрнѡй область лоис индустриально-аграрнѡй кра-йѡн.

Комынѡд воясѡ геологоразвед-чикяс восьтѡны Ухта ю районнн Чибьюса да Ярегаса нефть, Сѡдъ-ѡльса газ. Таѡн лои дасѡтѡма газѡ-вой индустриялы подув. 1937 во по-мын заводитісны уджавны кык неф-тепромысел, асфальтѡвой рудник, нефть переработайтан да ремонтно-механической заводяс. Рытыввыв Тѡбукса, Джьерса да Пашняса мес-торождениеяс восьтѡм бѡрын рес-публикаын тѡдчымѡн содіс нефть перйѡм. Ѳкмысѡд пятилетка воясѡ кизѡр ломтас заводитісны сетны Усинск да Возей. Найѡс уджѡ пыр-тѡм бѡрын нефтьсѡ кутім перйыны вонас 17 миллион сайѡ тонна.

Ыджыд вермѡмѡн лоис Вуктылса газоконденсатнѡй месторождение восьтѡм. Бѡръя воясѡ газ перйѡм воѡдчис 19,3 миллиард кубометр-рѡдз. Республикаса нефтегазѡвой промышленность срокысь водз тыр-тіс пятилеткалысь нѡль вося план да заданиеысь вывті иналіс продук-циясѡ 45 миллион шайт дон. Пяти-летка заводитчѡмсянь Вуктылсянь мѡдѡдѡма страналѡн центрѡ 150 миллиард кубометр газ. Кольѡм во миян республика сетіс 2,2 пѡв ун-джык нефть 1975 воын серти.

Ѳні Коми АССР пырѡ страна-са газ перьян медгырысь районьяс лыдѡ. Водзѡ вылѡ индысьсѡ стрѡит-ны Ямал — Ухта газопровод.

Ухтасаяс талун вермасны гордит-чыны сыѡн, мый найѡ медводдзаясѡн заводитісны стрѡитны да уджѡдны нефтешахтаяс, газопромысляс, сы-нѡдті мунысь магистральнѡй газо-проводяс, 1220 миллиметр пасьята трубаясысь газопровод-гигантяс, скважинаясѡн веськѡдлан телемеха-нической системаяс. Ухтаса пред-приятиеяс мѡдѡдѡны страналы сѡ-тшѡм колана продукция, кыдзи тер-мической са, лакѡвой битум.

Первой пятилетка помын Печо-раса из шом бассейнын вѡлі сувтѡ-дѡма медводдза разведочно-эксплу-атационнѡй шахта. Удж да Оборона кузя Сѡвет 1932 воын примитіс «Печора вожын из шом перьян про-

мышленность сѡвмѡдѡм да геологическѡй уджъяс паськѡдѡм йылысь» постановление. Та бѡрын уджъясыс тані ёна ѡддзисны.

1937 воын заводитісны стрѡитны Коноша — Котлас — Воркута кѡрт туй. Тайѡ сетіс гырысь позянлунъяс, медым нѡшта на паськѡдны Печора вожын из шом корсян да перъян уджъяссѡ. И Воркутаын стрѡитсѡ медводдза ыджыд шахта. 1940 воын заводитѡ кыптыны нѡшта куим шахта.

Выль шахтаяс уджѡ пыртѡм отсаліс содтыны ломтас перйѡм. 1940 воын кѡ ставсѡ вѡлі перйѡма 300 тысяча тонна, то 1945 воын — 3,3 миллион тонна нин. Печора вожса из шом вылын уджалісны СССР-са Европа Войвывлѡн став промышленность да транспорт. Великѡй Отечественнѡй война воясѡ Воркутаса горнякъяс мѡдѡдісны Ленинградлы из шом тыра 200 тысяча вагон. 1944 вося декабрын «Ленинградская правда» газет гижліс: «Ми, ленинградсяс, сѡкыд блокада луньяскѡд тшѡтш помнитам сійѡ кыпыд лунсѡ, кор Ладога вомѡн воисны миянлы из шом тыра медводдза эшелонъяс. Найѡс мѡдѡдісны Воркутаса горнякъяс, кодъяс личлѡдзлытѡг видзѡдісны миян тыш бѡрся. Тайѡ из шомыс вывті дона вѡлі миянлы».

Уна сѡ миллион шайт видзис государство Воркутаѡс сѡвмѡдѡм вылѡ бѡръя дас воѡн. Печора бассейнын, кодлѡн ыдждаыс 90 тысяча квадратнѡй километр, комынысь унджык из шом месторождение. Геологъяслѡн артыштѡм серти, тані артавсѡ ломтасыс 200 миллиард тонна.

Полярнѡй кытшайса Воркута ѡні мѡдѡдѡ из шомсѡ Эстонияѡ, Литваѡ, Латвияѡ, Карелияѡ, Ленинградѡ, Архангельскѡ, Мурманскѡ, Вологдаѡ, Череповецѡ, Ново-Липецкѡй металлургическѡй комбинатѡ, Москваса коксо-газѡвѡй заводѡ. Воркутаса из шом мунѡ и рубеж сайѡ — Болгарияѡ, Венгрияѡ, Швецияѡ, Финляндияѡ. Кар, коді быдмис 67 параллель сайын Большеземельскѡй тундралѡн паськыд эрдъяс вылын, дасѡд пятилеткаын быд лун

сетѡ 78 тысяча тонна из шом, матѡ 3 миллион киловатт-час электро-энергия, вѡчѡ цемент, кѡрт конструкцияс, промышленнѡй предприятияслы оборудование да мукѡ продукция. Дасѡд пятилетка воясѡ ломтас перйѡмсѡ Воркута содтіс 5 миллион тонна вылѡ. Тайѡ содѡмыс лои сы тшѡт весѡтѡ, мый воѡн всдзджык проектнѡй вынйѡр серти заводитіс уджавны «Воргашорскѡй» шахта.

Печораса из шом бассейнѡ паськыда пыртсѡны наукаын да техникаын шедѡдѡмторъяс. Став ломтаслысь 93 процентсѡ тані перйѡны механизируйтѡм комплексъясѡн. Талунья шахта — сійѡ муувса быдса завод.

Миян республикаын матѡ 37 миллион гектар быдмѡ вѡр. Тайѡ — Европейскѡй Войвылын вѡрлѡн 20 процентыс. Микунь — Кослан — Ертом да Сосногорск — Троицко-Печорск кѡрт туйяс стрѡитѡм бѡрын лои позянлун пѡрѡдны вѡрсѡ и Печора да Мезень вожъясын. Вѡр промышленность первой пятилетка вояссянь нин лыддысьсѡ народнѡй овмѡслѡн тѡдчана юкѡнѡн. Сѡні уджалѡны вынйѡра машинаяс да механизмъяс, вылын производительностья техника. Вѡр лѡдзысьяслы сетѡма нѡль тысяча сайѡ трактор, 1,4 тысяча автомашина, пуяс чинталан 60 полуавтоматическѡй линия, 900 сѡвтчан агрегат. Уджѡ паськыда пыртсѡ бригаднѡй подряд да вѡр кыскан бригадаяслѡн куим сменаа удж. Пыр содѡ тѡс-плака, мебель, фанера, древесно-волоконистѡй да древесно-стружечнѡй плитаяс лѡдзѡм, целлюлоза да бумага вѡчѡм. Став республикаяс отсалісны да отсалѡны стрѡитны Сыктывкарса лесопромышленнѡй комплекс. И странаса став республикаясѡ, да и рубеж сайѡ мунѡ Эжва вывса гигантлѡн продукцияыс. Вѡр обработайтан да целлюлозно-бумажнѡй промышленность продукция лѡдзѡмсѡ содтісны 1975 воын серти 18,2 процент вылѡ.

Республикаса уджалысь йѡз гордитчѡны асланыс ЛПК-ѡн, сылѡн уна сикас продукцияѡн. Но медся ыджыд озырлуныс — ассыныс делѡсѡ тѡдысь йѡз, кодъяс быдмисны

тані. Сыктывкарскöй ЛПК-са коллективлөн водзмöстчöм серти страна-наса квайт целлюлозно-бумажнöй предприятие панісны социалистиче-скöй ордысьöм. Тайö ыджыд пред-приятиеыслөн ордысьöмыс отса-лас водзö сöвмöдны целлюлозно-бу-мажнöй промышленность.

Гырысь могъяс сувтöдсьöны дас öтиöд пятилеткаын. 1985 во кежлö Сыктывкарса ЛПК кутас лэдзны 820 тысяча тонна бумага. Мöд ног кө, Сыктывкар кутас вöчны бумага-сö унджык сы серти, мыйта вöчліс-ны странаын дасöд пятилеткалөн первой воын.

Пятилеткаысь пятилеткаö содöны республикалөн производительнöй вынъяс. Та йылысь висьталö и капи-тальнöй строителъстволөн ыждаыс. Бөръя дас вит воөн пыртöма уджö сэтшöмгырысь предприятиеыс да объектъяс, кызди Сыктывкарса лесопромышленнöй комплекс, «Вор-гашорскöй» шахта, древесно-воло-книстöй плитаяс вöчан Княжпогостса завод, Сыктывкарса мебельнöй фабрика, Эжваса птицефабрика, Сыктывкарса тепличнöй комбинат, Ухта — Торжок да Пунга — Вук-тыл — Ухта газопроводъяс, Усинск-сянь да Возейсянь Ярославльöдз нефтепровод. Миянлысь республи-каöс збыльысь позьö шуны ыджыд строительнöй площадкаөн. Пятилет-калөн нель воөн экономика да куль-тура сöвмöдöмö видзöма 4,5 мил-лиард шайт. Тайö — унджык сы сер-ти, мыйта вöлі видзöма государст-веннöй средствояссö республикаöс сöвмöдöм вылö Сöветскöй властьлөн 47 во чöжөн. Дасöд пятилетка заво-дитчöмсянь стрöйтöма пöшти кык миллион квадратнöй метр оланін, уна школа, ясли-сад, мукöд куль-турно-бытöвöй объект.

Коми АССР-ын медся ыджыд строительнöй организация — «Коми-тяжстрой» объединение. Сылысь коллективöс наградитöма Трудöвöй Краснöй Знамя орденөн. Строи-тельяслөн профессияыс пыдди пук-тана да почётнöй. Öд налөн киясөн томмö-мичаммö миян республика-лөн чужöмбаныс.

«Абу сэтшöм му, коді Сöветскöй власть дырйи кужысь киясын эз эськö кут служитны мортлы пöльза вылö, — шуліс С. М. Киров. — Ми воöдчим нин Полярнöй кытш сайö и сэні заводитам пöкөритны кыммöм мусö». Да, весиг медся көдзыдъяс дырйи Воркутаын да Ухтаын вуза-лöны лук турун, редис, мукöд овощи, кодъясöс быдтöны асьныс. Эм мый висьтавыны талун войвывса му вöди-тысьяслы да скöт видзысьяслы. Рес-публикаын уджалö видз-му овмöс министерстволөн 49 совхоз, вит пти-цефабрика, союзнöй министерство-яслөн да ведомствояслөн уна совхоз. Став көдза муяс 1928 воын серти паськалісны кык пöв. Бурмис видз-му культураяс вöдитан агротехника, содöны урожайяс, кыптö скöтлөн продуктивность. Совхозъяслөн, видз-му овмöсса мукöд предприятиеыслөн да организацияыслөн основнöй фондьясыс вевтыртісны 457,5 мил-лион шайт.

Миян партия ыджыд тöдчанлун сетö выль районъяслысь озырлунъ-яссö тöдмалöмлы. СССР-са наукаяс Академиялөн Коми филиал сизим-дасöд воясö нин босьтчис уджавны страна-наса Европа Асыв-Войвылын территориально - производственнöй комплекс лöсьöдöм вылын. Бөрйö-ма комплекслысь медбур вариант, көні артыштöма Асыв-Войвывлысь став топливно-энергетиче-скöй озыр-лунъяссö. Тайö комплексыс шусьö Тимано-Печорскöйөн. Сы кодь озыр-районыс страналөн Европаын абу сэсса мöд. Сэні шуöма сöвмöдны горноруднöй да химиче-скöй про-мышленность, цветнöй металлургия, промышленностьлысь выль юкөнъяс.

КПСС-лысь ленинскöй нацио-нальнöй политика олöмö пöртöмөн, коми народлөн дзордзалö содержа-ние серти социалистиче-скöй да фор-ма серти национальнöй культура. СССР Министръяс Сöветса Председа-тель А. Н. Косыгин, коді воліс Сыктывкарö 1975 воын, универси-тетлы козыналöм книгаын гижис: «Сыктывкарскöй государственнöй университетса преподавательяс-лөн да студентъяслөн коллективлы сиа ыджыд вермöмъяс уджын и велöд-чöмын. Коркöя кольчысь Коми рес-

публика лоис зэв нималанаён советской народьяслон семьяын. Республикаса йоз — рабочёйяс, крестьяна, студентьяс — стрóитоны выль олóm. Ми эскам тiян республикаса вылын культураа, зэв бур йозлы. Тайö — социалистической стройлön ыджыд вермóm».

Талун республикаса вузьяс да техникумьяс лэдзöны народной овмóсса уна специалистöс. Общеобразовательной школаясын велöдчöны 192 тысяча ныв да зон. Пыр содöны челядьлы учрежденияс, ыджыд воськов вöчис здравоохранение. Карьясын да районьясын уджалöны 3,8 тысяча врач, 15,2 тысяча средней медицинской работник. Республикаын быд боксянь сöвмö наука. СССР-са наукаяс Академиялön Коми филиалса учёнöйяс тöдчана пай пунктöны народной овмöс да культура сöвмöдöмö.

Уджалысь йозлы восьтöма уна культурно-просветительной учреждение — клубьяс, культура керкаяс да дворецьяс, кык драматической да öти музыкальной театр, музейяс, кинотеатрьяс да библиотекаяс. Коми искусство тöдöны странаса уна карын да и рубеж сайын. Паськыда нималö сьылöм да йöктöм кузя Коми государственной ансамбль «Асья кыа». Коми писательяслысь пыр унджык гижöдьяс вуджöдöны роч да мукöд кывьяс вылö. Водзö сöвмöны живопись, скульптура, графика, прикладной искусство. Уджалö республикаса композиторьяслön Союз. Писательяс, художникьяс да артистьяс частö выступайтöны уджалысь йоз водзын творческой отчётьясөн. Традицияён лоисны карьяслön да районьяслön культура луньяс, кодьяс нуöдсьöны Сыктывкарын; литература да искусство луньяс, фольклорлы да хорöвöй музыкалы сiём праздникяс. Öти кыв-

йöн кө, республикаса уджалысь йоз олöны озыр духовной олómön.

Ми эскам асланым вынъяслы, эскам, мый аския луныс лоö нöшта на шудаджык. Быд выль пятилетка, быд во нимкодöдö мянöс выль вермómьясөн. Медбур коллективьяслön, медбур войтырлön нимьясныс тöдсаöсь страна пасьта. Ставсоюзса социалистической ордйысьöмын ыджыд вермómьясысь СССР-са Государственной премияс 1979 воын сетöма Петр Иванович Власовлы — Сыктывкарса ЛПК-ысь картон вöчан машинаса машинистлы, Геннадий Степанович Мальцевлы — Ухтинской авиационной отрядысь вертолётса командирлы, Ашот Борисович Дельянылы — «Северная» шахтаса горнорабочёйяслön бригадирлы («Воркутауголь»), Евгений Федорович Булдаковлы — «Ухталес» объединениеса операторлы, Николай Иванович Чепурныхлы — «Печорстрой» управлениеса монтерьяслön бригадирлы.

Неважөн ми тöдмалím нöшта öти нимкодö юөр: хозяйственной да культурной строительствоын вермómьясысь, Сыктывкарлы 200 во тырёмкөд йитöдын, республикалысь столицаос наградитöма Трудöвöй Красной Знамя орденön. Пятилеткалön нельöд воын сыктывкарсяс планысь вывти сетисны 2,2 тысяча тонна бумага, 25 тысяча кубометр тьöс да плака, 6 тысяча кубометр технологической чаг, 700 тысяча шайт дон мебель. Кольöм во комын сикас изделие аттестуйтöма качествомön Государственной знак вылö.

Республикаса уна коллектив талун ордйысьö пятилеткалысь могьяс срукысь водз олómö пöртöм вöсна. Ленинской партия веськөдлём улын советской йоз шедодасны выль вермómьяс коммунистической строительстволön став юкөньясын.



Г. А. МИХАЙЛОВ,
«Сторожевской совхоза директор,
Социалистической Уджывса Герой

ШЕДӨДӨМ ВЫЛЫН ОГ СУВТӨЙ

Тавося апрель 1 луно «Сторожевской» совхоз котыртөмянь тырис кызь во. Овмөсса коллективлы, партийной, профсоюзной да комсомольской организацияслы тайо вöлины кыв кутана да уна тöжд пуктан во-ясөн.

Совхоз котыртигөн сылөн зэв на жеб вöли экономикаыс, öд сэтчö пырисны дас нейджыд да öта-мөдсыс торьялом колхозьяс, кодьяс босьт-лисны ичöt урожайяс: картофелысь — 125, овощилысь — 151, силоснойяслысь — 60 центнерысь этшаджыкөн быд гектар вылысь. Немторийөн вöли ошйысьны и скöt видзысьяслы: быд мөслысь лысьтылисны 1500—1600 килограмм йöv, а яй вылö быдтан куканьяс содлисны суткинас 400 грамм вылö.

Буретш тайо кадö колхозьясöс совхозьясö вуджодан политикаыс партиялөн вöли зэв колана. Но öтпырысьөн вөрзöдны, кыпöдны ставсö вынъясным эз на тырмыны. Öд сьökыд уджьяс комплексной механизируйтöм йылысь сэки эз на позь и сёрнитны. 1965 во заводитчигөн совхоз лоис уджйöза государственлы 380 тысяча шайт. Татшөмөсь вöлины мян итогьясыс сизимöд пятилетка воясö.

Мөд серпасыс öни. КПСС ЦК-лөн мартовской (1965 во) Пленум да «РСФСР-са Нечерноземье зонаын видз-му овмөс водзö сөвмөдан ме-

раяс йылысь» КПСС ЦК-лөн да СССР Министръяс Сöветлөн постановление (1972 во) бöрын сиктын лоисны гырысь вежсьöмьяс. Кып-тис видз-му овмөс культураяслөн урожайыс, содис продуктивность. Сидз, дасöд пятилеткалөн медбөрья во заводитчигежлö лои босьтöма картофель — 1,9, йöv — 2,8, яй — 2,1 пöv унджык 1968 во серти. Ыджыд площадь вылысь картофелсьö быд во идралам шөркодья 220—300 центнерөн гектар вылысь, быд мөслысь шөркодья лысьтöны йövсö 2900 килограммөн. Колö казтыштны, мый видз-му овмөс продукция вöчöм да вузалöм кузя планьяс лои тыртöма да вевтыртöма и көкьямысöд да öкмысöд пятилетка воясö.

Эг омöля уджалöй и дасöд пятилеткалөн кольöм нель во чöжөн. Государстволы вузалим картофель 15 630 тонна (план динö 112,4 процент), овощи — 2269 тонна (109,3%), йöv — 15 279 тонна (102,8%), яй — 3057 тонна (124,2%).

1979 воын видз-му овмөс продукция ми вузалим 3,6 миллион шайт дон, либö 1961 во серти 7,9 пöv унджык. Тайö отсалис водзö паськөдны овмөс, ньöбны унджык техника, а сидз жö бурмөдны йöзлысь олөмсö. Öд 1967 воянь овмөс лоис рентабельнойөн да сетис государственлы 4,8 миллион шайт прибыль. Вичмис таысь и сийöс шедöдысьяслы. Сидз,

1967 во серти удждоныс содіс: дояр-каяслон — 2,3 пөв, кукань видзсыяслон — 2,4, механизаторьяслон — 1,9 пөв. Скот видзсыяс они босьтны удждонсо 200 шайтысь унджыкөн быдөн, механизаторьяс — 200 шайтөдз. Ставсо ко совхозса уджалысыяслы сэки вөлі мынтөма 55 тысяча шайт, то кольөм во — 314 тысяча шайт, либө 5 пөв унджык.

Зэв кокни вайөдны лыдпасьястө. А кызди, кутшөм вынъясон, кутшөм медпервой могьяс олөмө пөртөмөн шедөдөма ставсо? Кызди ачыс олөмыс, сідз и овмөсыд, производствоыд зэв уна сикас шыбея, изья да чукыля туй кузя восьлалө. И сәти мунигөн ставсо колө кутны төд вылын, ставсо артыштны. Удж производительность, эффективность, качество бурмөдөм — тайө абу сомын сөрни, тайө быд лунья төжд. А видзөдлыны кө бара жө лыдпасьяс вылө, со кутшөм артмө серпасыс. Вояс сайын кө яй вылө куканьясөс ми сдایتлім государстволы 300 килограмм сьөктаөн, то они пунктөма мог — сдایتны этша вылө 400 килограммөн. Сідз, 1979 воын шөркодь сьөктаыс сдایتан скөтлөн лоис 411 килограмм. Бурмө и йөвлөн качество. Кольөм во первой сортөн сдایتөма став йөвлысь 85,3 процент мындасө. 2—3 во мысти став йөвсө кутам инавны первой сортөн. А вылын качествоа продукциядлөн и доныс ыджыдджык. Со мый вөсна 1979 воын овмөс босьтис 592 тысяча шайт прибыль.

Шедөдөм вермөмьяссө некызд оз позь торйөдны партиялөн да правительстволөн видз-му овмөс сөвмөдөм вөсна быд лунся төждлунысь да отсөгысь. Колө төдчөдны, мый 1961 во серти основнөй производственной фондьяс совхозлөн содісны 6,5 пөв да они лоины 9 миллион шайт дон. Овмөсын они эм вынйөра техника. Стрөитөма 4 тысяча душ вылө скот видзан фермаяс, 4 тысяча квадратнөй метр оланіньяс да мукөд производственной, социальной да бытөвөй объектьяс. Бур сийө, мый стрөитам они ставсо збыль вылө капитальнөя, дыр кежлө.

Медым водзө сөвмөдны видз-му овмөс, колө нөшта на паськыдджыка пыртны уджө механизация. Нинөм соссыны, көрым заптигөн и они на ыджыд пай усьө коса гөрбуш вылө. А татшөм уджыд, кызди төдса, абу эффективнөй и сиктса мортлы абу нин зэв и муса да колана. Ыджыд отсөг ми виччысям и мелиораторьяссянь. Сідз, бөрья нель во чөжөн Пезмөгскөй ПМК бурмөдіс 920 гектар видзьяс, 720 гектар видз содіс нюрьяс косьтөм тшөт весьтө. Тайө сетис позянлун, торья нин Сторожевскөй, Вомынскөй, Нёбдинскөй да Важкурскөй отделенияяслы, ёна кыпөдны көрымлысь урожайсө, заптыны сийөс унджык, а сідзкө и вештыны видз-му бурмөдөм вылө видзөм рөскодьяссө.

Овны ми кутім озырджыка, долыдджык лоис и сьөлөм вылын. А мортдылысь зильөмтө миян странаын пыр аддзөны да пыдди пунктөны. Социалистическөй ордысьөмын миян коллектив эз отчыдысь петав республикаын медводдза местаө. Унаысь сетлисны миянлы и КПСС ЦК-лысь, СССР Министрьяс Советлысь, ВЦСПС-лысь да ВЛКСМ ЦК-лысь переходящөй Гөрд знамяяс. А Советскөй властылы 50 во тырөм пасйгөн овмөсөс наградитисны КПСС ЦК-лөн, СССР Верховнөй Совет Президиумлөн, Министрьяс Советлөн да ВЦСПС-лөн юбилейнөй Почётнөй Знакөн. Совхозөс наградитөма и ВДНХ-лөн Дипломьясөн, уна водзмөстчысь войтырөс — выставкаыввса медальясөн.

Совхозса веськөдлысыяс, партийнөй, профсоюзнөй да комсомольскөй организацияяс пыр төждысьөны коллективьясын удж дисциплина бурмөдөм вөсна. Ыджыд отсөгөн миянлы лоис «Трудөвөй кодекс» примитөм. Тайө документас индөма, кызди доньявсьө уджыс коллективса быд мортлөн, кутшөм ошкана мераяс позьө примитны водзмөстчысыяслы, мый колө вөчны, мед этшаджык вөлі удж вылын да олөмын дисциплина торкалөм. Фермаясса гөрд пельөсыясын тыдаланінын өшалөны скот видзсыяслөн социалистическөй обязательстваяс, быд морт төдө, кызди сийө уджалис тө-

рыт — та йылысь пасйодъясыс сідз жё йёз син водзын.

Отделениеяс, бригадаяс костын социалистическёй ордысьомыс абу сёмын бумага вылын. Кадысь кадö öта-модлысь уджсö прöверяйтöны сы вылö индöм йёз. Татшöм прöверкаясыс овлöны и «Кöрткерöсскёй» совхозкöд, кодкöд ми ордысыам. Дзик на неважөн кöрткерöссаяс волісны мянö, кежалісны быд отделениеö, быд фермаö. Татшöм прöверкаяс бöрын коллективьяс öтвылысь советуйтчöны бурторъяссö паськöдöм да нелючкияссö бырöдöм кузя.

Ме тани ог кöсйы паськыда висьтавны сідз шусяна бальнöй система йылысь. Та йылысь мян специалистьяс унаысь нин гижлісны газетьясын. Шуа сёмын, мый уджлөн тайö системаыс öні пыдöдз нин вужьясис мян олöмö и сетö ыджыд пöльза. Сідз, сёмын кольöм во прöгульяс чинісны 167 морта-лун вылö.

Видз-му овмöсса веськöдлысьяссянь тшöкыда на кывлан, йёзыс сиктысь мунöны и уджалысьяссыс öні оз тырмыны: ни специалистьяс, ни рабочöйяс. Эм ветлöм-мунöмыс и мян овмöсын. Но кызд специалистьяс, сідз и рабочöйяс кызвын-нас мян öти и сійö жö. 1978 воын кö мунысьыс вöлі 2 мортөн унджык локтысь серти, то кольöм во нин локтысьыс вöлі 17 мортөн унджык. Сідзкö, йёзыс кöсйöны уджавны совхозын.

Овмöс сöвмöмкöд тшöтш быдмöны и йёзыс.

Быдөн тöдöны да пыдди пуктöны совхозса главнöй агроном В. В. Даньшиковöс, гл. зоотехник М. А. Латкинаöс, Подбельскöй отделение-са управляющöй Ф. А. Королевöс, Нёбдинса да Вомынса бригадирьяс М. М. Гашинаöс да Г. В. Каракчиеваöс, РСФСР-са заслуженнöй зоотехник А. И. Худоеваöс, агроном М. Г. Королеваöс да производствоса мукöд специалистьясöс.

Удж дорö творческöй да коммунистическöй видзöдласөн матыстчöны радöвöй труженикьяс. На пöвстын механизируйтöм звеноясөн веськöдлысьяс В. А. Мишарин, Н. С. Лоба-

нов, В. В. Моторин, дояркаяс Р. Ф. Ветошкина, Э. К. Макарова, А. А. Каракчиева, Н. А. Ветошкина, Э. А. Ширяева, кукань видзысьяс А. С. Канева, А. М. Макарова, Г. П. Шелепанова, порсь видзысь Г. Н. Королева, ЦРМ-са слесарь М. И. Ветошкин, видз-му вöдитысьяс А. А. Панюкова, Н. А. Зюзев, Л. С. Иванова, лаборант Т. Г. Кеммет да унаöн мукöд. На пöвстысь быдөнлөн эмöсь правительственнöй наградаяс. Куим мортлы сетöма Ленин орден, нельлы — Октябрьскöй Революция, сизимлы — Трудöвöй Краснöй Знамя, дас мортлы — «Знак Почёта» да кумимлы — Трудöвöй Слава орденьяс. Коми АССР-ысь народнöй овмöсса заслуженнöй работниклысь почётнöй ним сетöма отделениеясөн веськöдлысьяс Ф. А. Королевлы да Д. В. Даньшиковлы, механизаторьяс В. И. Каневлы да Н. С. Лобановлы, механической мастерскöйса заве-дующöй А. Р. Ветошкиналы.

Бурторсö овмöсын шедöдöма абу этша. Но и нелючкиясыс на талун кежлö зэв уна. Быд отделениеын условиясыс öткодьöсь, но урожайяс, йёв да яй сдایتöны оз öтмоза. Та вöсна продукция вöчöмыс совхоз пасьтаын сувтö дона.

Позянлуньяс серти ёна тырмытöме коллектив уджаліс кольöм во. Быд мöслысь йёвсö лысьтöма 61 килограммөн этшаджык воддза во серти. Эз ло тыртöма планьяс град выв пуктасьяс сдایتöм да кöрым заптöм кузя. Абу на колана ног котыртöма племеннöй удж. Сідзкö, эм мый вылын уджавны совхозлөн дирекциялы, специалистьяслы, став коллективлы.

Овмöс водзö сöвмöдöм могысь колö специализируйтны да концентрируйтны производство, основнöй юкөнъяссö вуджöдны промышленнöй подув вылö. Но тайö уджыс мунö вывті ньöжйö, и падмöдö ставсö капитальнöй стрöительство. «Комисельстрой» трестлөн ПМК-са стрöительяс оз вермыны видзны сійö средствояссö, мыйта сетöма налы. Помкаыс сын, мый оз тырмыны стрöитчан материальяс, колана техника, уджалан вын. Сідз, кольöм во стрöительяслы уджьяссö

колё вёлі вёчны 267 тысяча шайт дон, а вёчисны сёмын 37 тысяча шайт дон.

Стрöитны колё уна, бура да мичаа. Республикаса мукöд овмöсьяс-лөн пример серти ыджыд стрöительство кутас нуöдсыны совхозлөн шөр усадьба вылын. И öнисянь колё думайтны стрöительной организациалысь вынйöрсö ёна содтöм йылысь.

Медым ёнмöдны совхозöс кадрьясөн, налы колёны бур оланіньяс. Öнi мян чукöрмис уна шыöдчöм, кöни рабочöйяс, служащöйяс да специалистьяс корöны могмöдны квартираясөн. Оланіньяс стрöитöм — талунья могьясысь öти. Ми унджык том йöзöс виччысям сиктö, торья нин фермаясö. И налы колё тырвыйö лöсьöдны культурно-бытöвöй условияс. Татöг нинöм и думайтны сиктлөн аскиа лун йылысь.

Ми воысь-во содтам пемöсьяс-лысь юр лыд. Но омöль кöрым база вöсна огö вермöй содтыны скöтлысь продуктивность. Петан туйыс öти — ёна бурмöдны видзяс да муяс. Медым быд гектар сетис ыджыд урожайяс! И тайö могсö олöмö пöртны вермасны отсавны сöмын мелиораторьяс. Бурмöдöм видзяс да пöскöтинаяс оз сетны колана эффектсö, оз кö лоны минеральной удобрениеяс. Та кузя ми виччысям ыджыд-

джык отсöг «Госкомсельхозтехникасянь».

Миян совхозлөн кызь вося юбилейыс лöсялис В. И. Ленин чужан лунсянь 110 во тырöмкöд. Тайö чуксалö уджавны коллективöс ударнöя, ленинскöя. Ми öнi пуктам ставын сыö, медым дасöд пятилеткалөн бöрья воын бура тыртны овмöс совмöдан социально-экономической планьяс. Водзö паськалö социалистической ордйысьöм «Орчöн — ни öти кольччысь!» пас улын.

Таво кежлö босьтöм обязательствоясын совхозса коллектив сувтöдис гырысь могьяс. Шуöма идравны картофель 9 процент вылö да град выв пуктасьяс кык пöв унджык колём во серти. Быд мöслысь йöвсö индöма лысьтыны 2950 килограмм, либö 82 килограмм вылö унджык. Итогьяс петкöдлöны, мый скöтöс тöвйöдöм таво мунö бурджыка.

Матысмö гöра-кöдза. Сы кежлö мян тырвыйö лöö дасьтöма став сикас техника, кöйдысьяс да удобрениеяс. Бура мунö механизаторьяс-лөн велöдчöм. Быд механизируйтöм отрядö да звеноö лöö индöма тырмымөн техника да йöзöс.


Ми пуктам став выньяс, медым бура пöртны олöмö сийö гырысь могьяссö, кодьясöс сувтöдö партия видз-му овмöсын уджалысьяс водзö.

Корся ассъым кодзув

Көсйиссьё зэв уна быд бурсё вöчны:
Мичмöдны мусö и козьнавны долыд.
Тöдам, öд му вылас олам дзик öтчюд,
Вылі мед лэбаліс, гажъяліс лолыд.

Ола и радла — став збыльмöны мөвпъяс:
Чужан му шуда и шуда ме ачым,
Тöлысьöдз лэбзьöмтö шулім кө вöчны,
Сылысь ми гуг и бан аддзылім асьным.

Аддзылім асьным, а олöмыс водзö
Ключ ва моз визула тюрö да тюрö...
Мудзлытöг корсьеся шуд ваян кодзув,
Эска, мый коркö мен быть сійö сюрö.



Александр НЕКРАСОВ

Он сувтöд воястö

Он сувтöд воястö,
Кыз вöвъясöс,
Кор найö гөнитöны скач!
Эг некор аддзыв
Ассъым пöльясöс,
А мыйла артмис эськö тадз?..

Öд налön
Ловьяöсь на гöтыръяс:
Кык Ольга — менам кык бур пöч.
На йылысь он шу:

Чукля мöтыръяс,
Кöть кадыс накöд
Мый эз вöч...

Гöрд кодзувъяса
Джуджыд керöсьяс
Россия пасьта сэн и тан.
Сэн дона пöчöяслön
Верöсьяс,
Сэн менам дедъяс —
Кык Иван.



ДИКСОН ПОСЁЛОКЛӨН өти джынйыс паськөдчөма татшөм жө нима ділөн лунвыв берег вылын, а мөдыс воськовтөма векньыдик пролив вомөн материкө. Сэни сулалөны морской портлөн стрөйбаяс, төргөвөй базаяс, олан керкаяс, районной учрежденнеяс.

Ді вылын медшөр организацияыс радиометеоцентр, дженьыдика РМЦ. Татчө дугдывтөг, лун көть вой, морзянкалөн дзиньган шыяс чукөртөны саридз пасьта шыблалөм уна лыда дяс вылысь поводдя йылысь юөрьяс. Оз өд весьшөрө Арктикасө шуны поводдялөн кухняөн.

РМЦ-лөн еджыд кузь керкаын, улыс судтаас, веськыд ки вылад медводз өдзөс весьтын өшалө табличка: «Отдел кадров».

Шондіа тувсов лунө, сэтшөм кадө, кор войвыв шонді көть ньөти оз шонты, но ёна ёрө синтө, пемыд өчкитөг оз позь видзөдны, ми верөскөд пырим тайө өдзөс сайө, көні ыджыднас вөлі Николай Федорович Богданов, век нюмъялысь гөгрөс чужөма, шөркодь арлыда морт.

— Пуксьөй, виччысьыштөй, — тшөктіс сійө мянлы.

Сылөн пызан дорын пукаліс томиник нывка, паськөм сертиыс сійө ёнджыка муніс зонкалань: гача, болонь курткаа, юрас еджыд көзыра кепка.

— Ме тай шуа, Анастасия Андреевна, — шыасис Николай Федорович нывкаыс дорө, — Уединение вылө ыстыны ог вермы. Гөгөрво өти-тор: Лескино вылө веськавны — шуд. А тэ он көсйы. Лескино вылын — мича тундра, озыр лэбач базар, чериён тыр тыяс... А сэн? Пөшти полюс дорын, морж клык моз ваысь мыччысьөм ыджыд из, код вылын нинөм оз быдмы: ни турун сі, ни нэр дзоридз. Сэтчө оз лэбны поздысьны дзодзөгъяс, тулыс воөмсө юөртас сөмын ичөтик пуночка. Зато еджыд ошкыс сэн уна, верман сюрны сылы шамырас. Со тэныд направление Лескино вылө, и вай помалам сёрни. Лун-мөд виччысян самолөтсө да и лэбан местаө.

ПОЛЯРНОЙ КОЧ

ВИСЬТ

— Но ме көсья Уединение вылө! — пөся шуис нывка.

Ме чошкөді пельөс: өд ми чукөртчим туйө, мөдөдчим стөч Уединение вылө. Богданов тайөс казяліс жө, мый лөкөдіс ми дырйи дісө, флюгер моз өдйө бергөдчис. — Дерт, и Уединение вылын йөз олөны, оз элясьны, но ме шуи нин тэн: сэтчө метеоролог оз ков, сэн тыр штат! Мый тэ сэтчө воштін?

— Меным сэтчө колө! — нывка бөрддзөмөн петіс кабинетысь.

Кор ми час кымын мысти прөст-мим, нывка век на бөрдіс, видзөдіс өшиньө, чуньнас стеклө кузя новлөдлө, а ачыс сыркъялө. Менам жальөй петіс, матыстчи сы дорө да дзоляөс моз юрөдыс малышти: — Эн бөрд, ставыс лоас бур!

Нывка сибөдчис ме бердө, юалис:

— Тіянөс кытчө ыстөны? Уединение вылө? Ой, кутшөм ті шудаөсь! Ме көть колльөда тіянөс, ладнө?

— Ми ог на төдөй, кор лоас самолөтыс.

— Да и ме ог төд, кор Лескино вылө лэба! Со и виччысям өтлаын.

Арктикаын мед местаөдз лэбны кык-куим час, позьө виччысьны төлысь. Ми виччысим вежон. Кыпөдчыліс бушков Диксонын, и кык лун ми пукалім ывлаө петавлытөг общжитиен; воссис Диксон — тупкысьөма Челюскин мыс, а сэсся Уединение юөртөма поводдя тшыксьөм йылысь. Суткиясөн ми пукалім аэропортын, виччысян залын, көні йөзыс жуис кодзувкоткарын моз. И век ми дорын вөлі Настя, кодкөд ме весиг нывьөртаси. Нылыс шань вөлөма, кыпөд лола, ичөт туша вөснаыс ме сійөс куті шуны Тусьөн. Отчид ме гарыштли, мыйла сэтшөма кыскө сі-

йӱс Уединение вылӱ, но Тусь сӱмын ӱмидз дзоридз моз ыпнитлис. Та бӱрын сӱсся ме эг нин юась. Выннад он на пыр морт сьӱлӱмад, ачыс кӱоз лӱдз.

Воис и сӱтшӱм здук, кор ми сӱвтим «Аннушкаӱ» уна лыда мешӱкьяс да ящикьяс, пуксим самолӱтӱ. Тусь помся гӱгралис ми дорын, отсалис кыскавны груз. Ми кӱсйим сыкӱд пӱся прӱщайтчыны, но видзӱдам да некӱн нин абу. «Но инӱ,— такӱдӱ ме ачымӱс,— пышйис, мед сӱдтӱд синва не кисьтны».

Недыр кӱжлӱ ми пуксьылӱм Челюскин мыс вылӱ, сӱсся бара лӱбим войвылӱ. Ме крепыда ойбыртлӱ да эг и казав, кодакостӱ воим Уединение вылӱ. Садьми, самолӱт исковтӱ йи полоса кузя, а сы бӱрся бӱжьяс сӱ зӱлӱдӱмӱн вӱтчисны поньяс, кодьяс, тыдалӱ, некыдзи эз вежӱртны, кутшӱм сӱтшӱм ыджыд лӱбач пуксьӱ енӱжыс на дорӱ. Виччысисны самолӱтсӱ и йӱоз, морт кызь сулалисны ӱтчукӱрын, ӱвтчисны кияснас, нюмьялисны. А кыдз нӱ он нюмьяв? Помасис кузь полярнӱй вой, шондӱ эз нин саймовтчыв, век гӱгралӱ енӱжтӱ ыргӱн таз кодь ыджыд да гӱрд. Кык шуда морт со мӱдӱдчӱмаӱс шойччыны отпускӱ, найӱ окасьӱны колльӱдчысьяскӱд, кутлӱны кияс. Найӱс вежны локтӱм ми.

Неылын ургис трактор, сы бӱрвылӱ пысалӱм доддьӱ ми петкӱдӱм кӱлуйнымӱс. Груз ректыны эз на заводитны, кор самолӱтыс мыччысис зӱв кузь тушаа лӱтчик, а шошаӱдыс сӱйӱ кутис... Настяӱс, кодлӱн кекьясыс эз судзны йиӱдз, лӱтъялисны сынӱдын.

— Виктор Ильич!— шыасис лӱтчик полярнӱй станцияса начальник дорӱ,— дивӱ тай: полярнӱй кӱчӱс аддзи ящикьяс костыс! Вевттысьӱма брезентӱн да тӱралӱ сӱнӱ. Тӱз, зонка, кутшӱм классын велӱдчан? Школаыс пышйин, мед приключениеяс корсьны?— шыасис лӱтчик Настя дорӱ, вештылис сылыс кепкасӱ, шутӱвтис:— Пардон! Да ӱд тайӱ, буракӱ, нывка!— И лӱдзис медбӱрти Настяӱс.

— Да тӱ мый ставныд менӱ ичӱт пыдди лыддянныд?— скӱрпырыс

горӱдис Настя,— ме верстьӱ морт, мен кызь арӱс! И абу ме кӱч, а метеоролог Анастасия Андреевна Кристалева!

— Но тӱнӱ сопроводиловкаас абу пасйӱма, и ме кӱсъя юавны: кыдз тӱ сюрин самолӱтас?

— М-ме...— нывка, тӱдчӱ, ӱна шӱйӱвошис, но недыр кӱжлӱ.— Ме сӱвтчыны отсалӱ, а чеччынысӱ самолӱтыс эг удит. Но бӱр Диксонӱ ме ог лӱб! Ме метеоролог, полярнӱй курсьяс помалӱ, кӱсъя уджавны танӱ!

— Но ме метеорологӱс эг кор,— шуис Виктор Ильич.

— Да?— жугыля юалис Настя.— Ис ме верма кӱть уборщицаӱн!

— Ми асьным идрасям!

— Ме медик, медучилище помавлӱ. Кута тӱянӱс лечитны. А?

— Аттьӱ, но ми дзоньвидзаӱс.— Виктор Ильичлы неуна и тешкодь, и скӱр босьтӱ: сылы некор кадсӱ воштыны морт вӱсна, кодӱс сӱйӱ дӱ вылӱ эз кор.

— Пыр самолӱтӱ да виччыс. Бӱр лӱбан Диксонӱ,— тшӱктис лӱтчик,— сӱмын фокусьястӱг!

Настя пырис самолӱтӱ, ме тайӱс аддзылӱ, но матыстчыны, мед сӱрнитыштны сыкӱд, эг сяммы: зоньяс ректисны самолӱт, и сӱтчӱ он сибав. Кор став вайӱмторыс вӱлӱ тӱчӱма доддьӱ, ме матыстчи самолӱтлань, кытыс сы кадӱ мыччысис лӱтчикыс да горӱдис начальниклы:— Кӱн нӱ бара кӱчыс? Абу нин самолӱтас тай!

Ставӱн ми кутӱм видзӱдны ас гӱгӱр, но нывка эз тыдав.

Самолӱт лӱбзис, и бара сылӱн вуджӱр бӱрся котралисны поньяс, а йӱоз трактор бӱрся мӱдӱдчисны изья берегӱд керкаяслань.

А кӱнӱ нӱ Настя?

Настя эз лысьт петны ыджыд тӱрос сайыс. И сӱмын самолӱт кыпӱдчӱм бӱрын повзис: «Мый нӱ ме вӱчи? Мый менӱ водзын виччысьӱ?» Самолӱтас дзебсясигӱн сӱмын ӱтик мӱвпӱн олӱс, кӱть здук кӱжлӱ сюрӱдчывны Уединение вылӱ, сӱмын видзӱдлыны синьясас Санялы, и ставыс сӱк лоас гӱгӱрвоана.

И со сӱйӱ Уединение вылын, а Саняӱс эз на аддзав, и тайӱ зӱв бур.

Кытчö эськö воштысис яндзимысла, Саня кö аддзис, кор сійöс шошаöдыс петкöдiсны самолётысь! Саня эз лок ёртъяссö колльöдны, сiдзкö, та вылö вöли помка. Помкаыс вермас лоны öтик — сійö уджалö! Сiдзкö, час мысти сійö петас метеоплощадка вылö, сэтчö и колö мöдöдчыны Настялы. Со метеоплощадкаыс, татысянь тыдалö. Нюмъялöмөн мöдöдчис ныв тракторөн да йöзөн писькöдöм туй кузя и любöпырысь заводитiс мöвпавны Санякöд коркöя тöдмасьöм йылысь.

Саняыс — москвич, некымын во нин полярнöй дiяс вылын уджалö, а сэки вöли локтöма гортас отпускö, сьöрсъыс тшöтш вайöма коймöд приступ аппендицит. Ковмис московскöй врачьяслы тöждысьны сы вöсна.

Настя медучилище помалöм бöрын кык во нин уджалiс медсестраөн хирургическöй отделениен. Сылы кажитчис уджыс, ёртъясыс, весиг висъысьясыс. И выль висъысь, дас коймöд палатаысь полярник, сьöлöм вылас воис. Том полярниклөн мугов чужöм, сьöд синъяс и читкыльöсь сьöд юрси. Пырас Настя палатаö уколъяс вöчны — нель том зон гигзöны, сойяснысö пуджöны.

— Ноко, капризъястö! — стрöга öлöдö Настя да матыстчö öшинь дорын куйлысь Саня дорö.

— Дасьты, Санёк, сійö местатö, көн мышкуыд воштö ассьыс нимсö, — серампырысь тшöктöны орччөн куйлысьяс. Саня яндзимысла пöсялö, но кывзысьмөн бергöдчö кымыньөн.

Висъысьяс зэв кöсйöны, мед нывка кöть этшаника манитчас на дорын, полярник панö сёрни Арктика йылысь, но прöст кадыс постöвöй сестралөн абу, и сёрнияс век дженъыдöсь артмöны.

Регыд казалис Настя, мый ачыс сійö удж вылö мунан кадсö виччысьмөн виччысьö. Водзтi татшöмыс эз вöвлы.

Вежон мысти Саня паныдалiс Настяöс да сувтöдiс:

— Со и бурдi ме, Настуся! Тэ вöсна та öдийсö бурдi...

Неылын тыдовтчисны обход вö-

чысь врачьяс: медсестралы татшöм здукö, дерт жö, абу кивыв зонъяскöд варовитны. Настя повзис, кок улас джоджыс быттьö пöлыньтчис.

— Настуся, мый тэкöд?! — повзёмпырысь юалис Саня, кутiс сійöс сойбордiöдыс, но нывка восьтiс нингырысь лөз синъяссö; нюмъевтiс. — Нинöм... — и тшöктiс, скöра: — Вольпасьö, öдийö!

— Телефонтö висътав. Гортса телефонтö.

— Вольпасьö котөрөн! — зэлыд гөлөсөн корö нывка, а зонмыс вельмис:

— Телефонтö висътав, а то öни жö нюжöдча джоджас.

— Кутшöм öд сюсь, кывсьö! — во малiс сійöс Настя, а мöдыс сöмын нюмъялö да бара на корö.

— Ыкпаш, — содтö Настя, но некытчö воштысьны, висъталö ассьыс телефонсö.

Рытнас, эз удит гортö воны, мам юөртiс: кодкö пö помся звөнитö, тэнö юасьö.

Мамлы, коньöрлы, уна майшасьöм вичмис тайö лунсянь. Öд сійö гөгөрвотөг эз ов, мый Настя вежсис, дзик мöд мортөн лои. Но нылыс быдмис восьса сьöлöма, мамысь дзедны нинöм эз кут.

— Ме радейта сійöс, мамук! Сійö сэтшöм... сэтшöм... сэсся сы кодыс му вылас абу!

Мамыс нюмъевтiс: со и верстыамис нылыс. Батыс Настялөн, коркö уна йöзлы зэв тöдса спортсмен, а öни самбо кузя тренер, корис нывсö: — Тэ кызкö вайöдлы гортö ассьыд геройтö. Тöдмасям, видзöдлам, кутшöм йöз мян доблестнöй полярникъясыс! Тэнö сійö кöть оз öбижайт, надейтча?

— Медым эськö ме сійöс эг öбижайт-а, — серöктiс нылыс. — Эг на öд вунöд тэнсьыд велöдöм приёмъястö.

Коркö гулайтыштiсны рытъя Москваöд ныла-зонма да Саня корис:

— Пыралам вай менам школьнöй ёрт ордö. Сійö аслас пöдругакöд да тэа-меа... маг кывзыштам. Колялөн зэв бур гижöдыяс эмöсь.

Нем думайттөг кöсйысис Настя, и сöмын кор веськалiс тыртöм патераö, падмыштiс: пöрйöдлiс али мый

сійос Саня? Зон асногыс лөньюдїс:—
Эн пов, Настусь, Колькалон смен-
ной удж. А ми пукалыштам, да?
Музыка эм, танцуйтыштам.

Сёрнитігмоз ваялө Саня пызан
вылө сёян-юан. Дасьтысьома, гаш-
кө, да? Йожгыльтчис быдсөн ныв.
— Настуся, миян радейтчөм вөс-
на!

Настя юыштіс неуна шампанскөй.
Саня сылы мырдөн эз тшөкты юны,
да и ачыс, шампанскөйысь кындзи,
нинөм эз ю, и тайө кажитчис ныв-
лы. Мудзтөдз йөктісны, варовитіс-
ны, сералісны, сэсса Саня гитараөн
ворсігмоз сыліс полярникъяслысь
некымын сыланкыв, а бөрыннас
элясьны кутіс:

— Со тадз ми олам, Настуся! Та-
лун тан, аски мөдлаын, гортө волам
во джын кежлө, и сэсса бара дзонь
кык во еджыд ошьяс дінын. И не-
код абу орччөн сэтшөмыс, код эсь-
кө менө радейтіс. Со и тэ...— Саня
дыркодь видзөдїс Настялы синь-
ясас, быттьө мыйыськө мыжаліс ны-
лөс,— тэ мыйла пырин татчө мекөд,
а? Тэ либө йөжук, либө...

— Колльөд менө гортө, а? Менө
мамө виччысьо,— корис Настя.

— Кутшөм мам? Эм сөмын ме да
тэ... Настуся.— Саня, серөктігмоз,
нюжөдїс кияссө, а сэсса эз и төдлы,
кыдзи нюжмуніс джоджө. Кор ас
саяс воис, Настя бергөдліс нин
өдзөс игансө!

— Эк тэ, полярник. Синмөн ад-
дзыны сэсса ог көсйы тэнө!

Настя та бөрын чорыда тшөктіс
аслыс вунөдны зонсө. Сьөкыд өмөй
вунөдны, кор ёна тайөс көсьян?
Дерт, эськө, Настя вунөдїс Саня йы-
лысь и некор сійө эськө сэсса и дум
вылас эз усылы да зонмыс бара ку-
тіс звөнитны. Отпускын да мый сэс-
ся сылы керны? А сэсса и кутіс кы-
йөдны Настяөс быдлаын: удж вылө
кольөдө, горт дінөдзыс бөж моз
вөтчө, некытчө он дзевсы. Дыр эз
вермы сёрнитны сыкөд Настя, и эз
вермы вунөдны өбидасө, век виччы-
сис, коркө өд дөзмас жө ачыс,
эновтчас. Но водзджык дөзмис ачыс
Настя, юаліс өтчыд скөра:— Тэ мый
сирасин ме дорө? Вешйы син во-
дзысь, мед эн тыдав!

— Кытчө сөмын этатшөм ичөт

морт пыткас та мында скөрлуныс
төрө?— шензё Саня.— Ладнө, лад-
нө, тырмас видчыны! Да, ме дурак,
сэтшөм-татшөм морт, но ме тэнө
радейта, и ковмас тэныд, коньбөрлы,
нэмтө менө татшөмөс терпитны. Ой-
ой-ой!

— Мый?— чуймис Настя.

— Мый, мый? Ме тэнө верөс сайө
корала. Помасис менам холостяц-
көй олөм-вылөм.

— Эн шогсы, некод тэ сайө оз
тэрмась.

— Петан.

— Ог пет.

— Öні он пет, бөрын петан. Сө-
мын виччысьнысө сьөкыд... Пет öні,
он кут каитчыны.

— Тэ вөсна? Ха-ха и нөшта куи-
мысь ха!

Тыр-бур лад на костын сідзи и эз
ло, век өта-мөдөс дэльөдөм кодь
сёрниясыс. Но Саня и та вылө рад,
көть воддза моз чөв оз овны.

— Настуся, век өд этшаджык кад
кольө менам отпуск помөдз! Быд
лун, кутшөмөс ми тэкөд торйөн
олам — кыкнаннымлы воштөм лун.
Вай гөтрасям!

— А водзөсө мый?— юалас Настя.

— Ме төвйыны сөні кута и төд-
ны, мый тэ менө виччысян.

— Ыджыд тай шуд! Аддзысьлы-
ны сөмын кык во мысти...

— Но тэ өд менө радейтан, ме
төда.

— Да? Тэ, вөлөмкө, ме йылысь
унджык төдан, мыетш ме ачым ас
йылысь. Радейті кө, ме эськө тэкөд
муні! Көть кутшөм ді вылө! Гөгөр-
воан тэ тайөс, йи сьөлөма морт?

— Менам гөтыр некор оз кут төв-
йыны сөні, ме ог лэдз. Арктика эм
Арктика, а нывбаба эм нывбаба, и
сылы абу сэн места. Сідзкө, тэ менө
он радейт?

— Меным верөс сайө водз на.

— Тэныд? Да тэныд нин кызь
арөс!

— Тасянь и коліс заводитны сёр-
нисө. Корсь, сідзкө, томиникөс, а ме
дорө эн сирась.

Тадз и гожөмыс коли, өтлаын
дзескыд, а торйөн гажтөм.

Өтчыд асывводз Саня звөнитіс:

— Настусь, меным лэбны колө!
Телеграмма төрыт вайисны, мед

лэби Диксонё. Уединение ді вылө муна! Ме öнi такси вылын тэ дорö кежавла, колльöдан Шереметьеводз?

— Саня, тэ лэбан, да?— унзильпырысь на сёрнитис Настя, и тöдлытöг артмис.— А кыз нö ме?

— Виччысь, ме регыд!— радпырысь кöсийысис Саня.

Таксиын нин Саня юалис:— Гижны кутан тшöкыда? Гиж, тэнсыд письмöястö ме пöлучайтны кута, тöвбыд самолётысь шылалöны, а ачым тэныд гижны ог вермы. Гижны, дерт, верма, а ыстыны ог.

— Оз и ков. Ме ог жö радейт письмöястö гижны.

Но Саняöс он ылöд, сийö тöдö нин нывлысь сямсö да гөгөрвоö ставсö. И вочавидзö:— Позьö, сідзкö, телеграммаяс. Нöшта на бурджык. Дженъдыка: «Радейта». И кырымпас: «Тэнад Настусь».

— Ме абу тэнад, ачым аслам на. Дзугыльмыштіс таысь Саня, шуис:

— Аттьö кöть колльöднысö воин... Эн казтыв лөкөн, Настусь...

— Некедзи ог кут,— шуис ныв.

Торйöдчан здук нин, а найö век зыксöны. Саня копыртчис, окыштіс Настяöс. И тайö вöлі вöтын кодь, öд гожöмбыд Настя öтдортіс зонсö, и мöдыс инмöдчыны сы дорö полис. Повзис Настя, но тшетшйöдчыны Санякөд зэв нин этша кадыс. Мый нö сийö вöчö? Öд торйöдчыны, янсöдчыны кык во кежлö! А Саня меліа шöпкö:

— Настусь, янсöдчöм водзын кöть менö окышт.

Топöдчис Настя Саня морöс бердö, здук мысти чатöртчис, синъясыс вазьöмаöсь, кияснас сывъяліс сьыліöдыс Саняöс, окыштіс öдва инмöдчылöмөн, и дзикöдз вылö бөррдзис.

— Тэ бөрдан?!— весьöпöрис Саня.— Настусь, донай, эн бөрд... Виччысь менö. Ёна виччысь!..

Колльöдіс Настя зонмöс ылі туйö и оз тöд, мый вöчны. Кыдзи водзö овны. Сы ыджда карын, сы мында йöз пöвстын друг лои гажтöм. Öнi некод нин оз звöнит водз асылын да чолöмав меліа: «Бур асыв, Настусь!» Настя весиг дözмис Москваысь, кöть таöдз медся ёна радейтіс

чужан карсö. Настя омöльтчис, сöмын лöz синъясыс важ моз мичмöдісны сийöс, öзйöны некор куслытöм мёвпөн. Öтчыд мамыслы висьталіс:— Ме, буракö, решиті, мамук...

— Мый решитін?— юалис мамыс.

— Ме вежа профессияöс, сэн медикъяс оз ковны.

— Көн сэн?— повзис мам.

— Дяс вылын. Ме ветлі Главсевморпутьö, юаси.

— Медикъяс колöны кöть көн!

— Дяс вылын олöны висьтöм йöз. Больничаяс эмöсь сöмын берегыввса гырысь посёлокъясын, а Саня öд зимуйтö ді вылын. Ме кöсья сы дсрö. Пыри велöдчыны полярнй курсъяс вылö. Тулыснас муна.

— Кыз тэ сэн кутан овны? Кынман öд!— бөррдзис мамыс.

Сöмын тай сылөн, Настялөн, эз лючки артмы Уединение вылö воöмыс. Сийö эз гижлы Санялы велöдчöм йылысь. Корис начальствоöс, мед ыстісны Диксонё, а воис да эз жö думыштны вермы, мый сийöс Уединение вылö оз кутны лэдзны.

Со и дзуртыштіс лым. Да, Саня Неверов. Тош быдтöма, и ус-тошсö пужъялöма кöдзыдыс. Видзöдліс муыввса термометръяс вылö, флюгер вылö, матыстчис самописецъяса будка дорö, кайис кум тшупöда сод кузяыс, восьтіс дзирья öдзöссö и копыртчис самописец весьтö. И сэки будка сайысь петіс Настя:

— Видза олан, Саня! А со и ме!

— Настуся, збыль али мый тэ? Кытысь нö тэ усин?

— Тайö тэ усин,— сералö ныв,— а ме со зэв зумыда сулала кок вылын,— и Настя весиг йöктыштіс.

Тайö здукö налань тюрöдіс сьöd гона кычипи, меліа никсігтыр чечыштіс Настялөн нюжöдöм кияс вылö, кутіс нювны чужöмсö, кепысьтöм кияссö.

— Но, Шарик, тöдмалін ассьыд кöзъякатö?— юалис Саня.

Метеорологъяслөн неыджыд котыр буретш вöлі пуксьö пызан сайö пажнайтны, кор кают-компанияö пырис Настя, а сы бöрысь— сьöd юрсиа кузь тушаа Саня. Саня радпырысь юöртіс:

— Тöдмасьöй, ёртъяс, ме дінö локтіс гөтыр! Настуся!

Медводдза жоньяс




Иван Григорьевич Истомин чужис 1917 вося февраль 7 лунö Мыжы сиктын, Урал сайын. Куим арöсөн висьмис полиомиелитöн — челядь параличöн. Нэм кежлö коли калекаöн. Кöкъямыс арöсöдз сöмын кыскасис джоджöд. Сэсся сувтис кöстылыяс вылö. Помалис Салехардса ледучилище. Уджавлис Войвывса школасын 12 во.

Медводдза кывбур «Көр» йöзöдис «Нарьяна Нгэрм» («Красный Север») окружной газетын 1936 вося мартын. Сийö кадсяныс заводитис печатайтчыны не сöмын округын, но и областной да деитраальной газетьясын, журналъясын. издательствоясын. Ленинградын ненецкöй кыв вылын петис «Маня Нгэрм» («Миян Войвыв») кывбур чукöр; повесть «Утро Ямала» — Тюменьын. Сэни жö петисны сборникъяс «Любимый Север» рочöн да ненецкöйöн, «Дети тундры», «Радость» висьтъяс — «Советская

Россия» издательствояын; «Счастливая судьба» (повесть да висьтъяс) — «Советской писательын»; повесть «Пудана ямдава» («Медбөр каслайтöм») ненецкöйöн — Тюменьын; «Винёв» («Живун») роман — Свердловскын, Москваын, «Современникын»; «Медбөр каслайтöм» повесть да «Винёв» роман — Москваын, «Художественной литератураын»; «Винёв» роман — Новосибирскын. Комедия «Цветы в снегах» пунктöма Тюменской областной драматической театрын 1963—65 восяö.

Истомин 1945 восянь КПСС-са член, 1955 восянь СССР писателъяс Союзса член.



«Сöмын дас воөн ми вöчим пармасö странаса нефтяной базаöн, — шуис Леонид Ильич Брежнев комсомоллөн XVIII съезд вылын. — Öни сэни сöвмö газлөн да химиялөн индустрия. Тюменской областълысь серпассö öни оз сöмын вöралан да көр видзан ордымъяс мичмöдны, а каръяс, нефть да газ перьяннъяс, заводъяс, көрт туйяс, автомагистральяс. А масштабъясыс кутшöмсь! Думыштчылöй, ёртъяс: Обь вылын ловзьö öти миллион квадратной километр вылын выль олöм. Сийö пöшти Испаниялөн, Италиялөн да Англиялөн öтлаöдöм территорияс».

Дерт, Леонид Ильич тайö кывъяссö шуигөн тöд вылас кутис первооткрывательяссö, кыдзи шулöны, «медводдза жоньясöс».

И менам казътысис том кадöй, öд мянöс, том учительяссöс, сидзи жö шулисны, «медводдза жоньясöн».

1934 воын ме помали сизимöд класс Мыжы сиктын. Дум кути велöдчыны водзö, медым мунны художественной институтö — ме дзольсянь радейти рисуйтчыны. Но Мыжыын көкъямысöд классыс сэки эз на вöv, и арнас вои пароходөн Обдорскö (Салехардö). Кык вежон ветли школаö, узлы пач сайын школаса стөрöжика ордын. Школалөн

интернат эз вöв, а менам эз вöв сьöм мынтысьны патераысь. Да и ветлі ме кöстыльяс вылын, коліс овны школасянь матынджык.

Матыстчис тöв, ме думыштi бөр мунны пароходон Мыжыö, пырны кытчöкö счётоводон да дасьтысьны, медым экстернөн сдایتны кökьямысöд классö.

Кор кыин нин кутi документьяс, висьталісны — мунöма Салехардысь медбөрря пароходыс — тупкысьöма навигация. Ме шöйöвоши.

Усис лым, лои кöдзыд, бырис менам комын шайта капиталöй, кодöс ме босьтлі сиктысь.

Сэки и веськöдчи Салехардса педтехникумö.

Менö босьтисны кыв шутöг, вердісны, нулісны даддьон пывсянö, пасьтöдісны-көмөдісны. Овмөдісны интернатö да нöшта на пач дорö.

Педтехникумын велöдчысьясöс шуисны студентьясөн, ставныс вöліны олöма йöз, унджыкыс весиг 30 арöса. Сöмын нель-ö-витөн ме кодь дас сизымаыс.

Педтехникумын студентьяслы сетісны весиг куритчантор. Медводз рытнас жö менö шензьöдіс, кызд завхоз вайис малича кышöд бöжас общежитиеö уна восьмушка табак, дзонь пачка тшынасян кабала, некымын мича выль трубка — да ставсö гузьгис пызан вылö.

— Верманныд, зоньяс, пöттöдзыд тшынасьны, сöмын оз ков куритны спальняын, — шуис сійö.

И зоньяс тшынасьны весиг воспитательница да директор дырйи.

Педтехникумын сэки вöлі 20—25 студент, кызвыннас ненецьяс, кымынкö ханты да öти селькуп. Яраньяс пöвстысь, медясö Шучьереченскöй тундраысь воöмаяс. Найö бура тöдісны изьватас кыв, и ме öдйö ёртаси накöд. Тайö вöліны Янгасов Петя, Вануйто Устин, Иван и Гоша, Окатэтто Илья да мукöдьяс. На пысь öткымыньяс велöдчисны нин во. Техникумын медводдза студентьясөн вөлöмаöсь Салехардскöй консервнöй комбинатса дас кökьямыс курсант. Дерт, унджыкыс ненецьяс да став медводдза студентьясыс гожöмнас каникул вылö мунасны чумьясö да некод бөр оз бергöдчы

Салехардö. Мөд во чукöртисны выль йöзöс. Велöдчисны и олісны кызь сизим морт дзоля керкаын. Вöлі дзескыд. Асывнас вештывлісны топчаньяс вылысь матрацьяссö да сибöдчылісны ыджыд пызан гөгөр, көні бöрыннас пажнайтлисны. Вых студентьяс пöшти ставыс вöліны неграмотнöйöсь, сöмын Вануйто Г., Вануйто У., Окатэтто И., Ненянг М. да Яр Аничи кужисны лыддысьны да гижны роч кывйөн.

Менам выль другьяс пöся казьятылісны асыыныс учитель Петр Емельянович Чемагинöс, кодi öні эз вöв техникумын, велöдчис Ленинградын квалификация кыпöдан курсьяс вылын. Петр Емельянович ветлөдліс студентьяскöд кино вылö, нуöдіс ненецкöй кыв велөдан кружок, гижис налөн висьталөмьяс серти ненецкöй мойдыас, нөдкывьяс, лэдзис стенгазет. Но торья окотыпырысь юкисны ёртьясöй Свердловскö экскурсияөн ветлөм йылысь. Меным, кызди и унджык педтехникумса студентьяслы, кодьяс некор эг аддзылөй джуджыд керкаяса карьяс, трамвайяс да автомашинаяс, тайö висьтыясыс кажитчисны зэв тешкодьөн. Вануйто Устин шуис, мый студентьяс пö кодсюрö пыкисны экскурсия вылö мунöмысь, полисны ылыстчыны тундраысь. Öд кор веськөдчисны Салехардö, кулакьяс да шаманьяс повзьöдлісны найöс: мунанныд пö карас да салдатö тiянос сэнi босьтасны, йöзöс виавны тшöктасны. Сюясны пö сэтшөм машинаö, көні пуртөн быдласянь сутшкавны мөдасны. Сэсса ловйөн он нин аддзылөй тундранытö. Та вöсна студентьяс кодсюрö эз мунны Свердловскö.

— А ми ветлім и ловья колим, — висьталіс Окатэтто Илья. — Зато мыйсö ми эг аддзылөй! Со көні бура олөны йöзыс!

— Мөдысь кө татшөм ветлөм лөö, бара сюртча мунысьяс лыдö, — содтис Айваседа Шура. — Төвбыд кута бура велөдчыны.

Тадзи сёрнитисны колян вося велөдчысьяс, а унджыкыс налысь висьтасьöмсö лыддисны прöста тешитчөмөн. Салиндер Александр нурбыльтис:

— Тундраысь бур некытысь он аддзы. Ме эськө өні чумйö пышйи. Уль яйтöг да черитöг кызди олан?

И тайöн ставыс сöгласитчисны. Быд лун гаралисны уль яй да уль чери йылысь. И техникумлөн дирекциялы ковмис тайöс пыдди пуктыны, полисны воштыны студентъясöс. Ужын дырйи ми кутим сёйны кын яй либö чери. Мукöд дырйи көрсö начкылісны общежитие йöрын. Студентъяс чöсмасисны шоныд көр вөрөн, ньылалисны пöсь муссö.

Но век жö öти асылö казялім — Салиндер Александр войнас пышйöма тундраö тöдса көр видзыськөд. Пышйысьяс вöліны и водзö, көть быд сэтшöм случай эз коль видлатöг комсомольскöй да профсоюзной собранияяс вылын.

Дирекциялы, комсомольскöй да профсоюзной организациясылы уна тöжд вайлісны öткымын студентъяслөн гажъялөм. Көр воывлісны на дорö тундраысь тöдсаяс, найö öтлаын юисны да кампужитчисны.

Царизм велөдіс öти народöс ыджыдавыны мөд вылын. Та вöсна ненецъяс увтыртлісны ханты да селькупъясöс, а найö асьыныс пайзырсылісны ненецъяс вёлö. Помнитсьö, кызди тышкасисны ненец Тусида да селькуп Тамалькин. Öбед дырйи найö дыр лёкысь видчисны, сзсся кутісны шыбласыны öта-мөдыслы паньясөн, чашкаясөн, тшöгырөн, медбöрын юрсианыс кутчысисны. Öдва янсөдісны, зонъясыс вöліны ёнöсь.

Со тадзи пондіс чужны войвыв йöзлөн медводдза интеллигенцияяс.

* * *

1934—35 велөдчан во педтехникумын заводитчис сёрөн, буракö, октябрь помын. Кажитчис, эз тырмыны велөдысьясыс, да и велөдчысьясыс ньöжмыда локтісны. Кодкө округса либö районъясса сотрудникяс пиысь век кыскылісны тундраысь виль велөдчысьясöс, коді вöлі верстыö мортөн нин, уджалан паськөма, дінсыс чери либö чумдук кылö, чужöмыс сьöдөдз төлөн сотöма. Виль воём морт тшöкыджыка овліс жугуль. Дыр оз сёр-

нит да синкым увтыс видзөдлывлö. Унаысь колö вылысь воёмалы тшöктыны пöрччысьны, вежны паськөмсö. Тшöкыда сылөн малича улас эз вöv весиг дөрöмыс, кучик дінас, гашкө, некор на эз инмывлы пöсь ва да майтöг, няр моз лөсталис. Ковмис зэв уна вын, медым сійöс мыскыны пывсянын, шырны юрсисö, дөрөмөдны, гачөдны, суйны кокас гынкөм, велөдны узылыны топчан вылын.

Ог вунөд Салиндер Лассаöс. Сійö вöлі 21 арöса зэв статной ненец. Чери кыйысылөн вылысас косясьлөм маличаысь да налим куысь вурөм гачысь öтдор нинөм эз вöv. Техникумö воём бöрын сійö шуис чорыда: кутанныд кө тшöктыны мыссыны пывсянын да новлыны роч паськөм, муна пö бөр. Медводз лунъясö Ласса сідз и узыліс ас паськөмнас джоджын, полис топчан вылысь войнас усьны. Век жö некымын лун мысти ми Лассаöс нуөдім пывсянö. Ниртісны сійöс вель дыр, медясö зілісны Янгасов Петя да Вануйто Устин, ас окотаысь педтехникумын уджалысьясылы отсасысьяс. Васö Ласса бырөдіс дзонь чан, но помөдз эз и мездысь няйтысь.

— Ладнö, колясö мыскам мөдысь,— висьталісны ёртъяс.

А Ласса майшасис:

— Öні, гашкө, кута кынмыны.

Пасьтөдісны миянөс руд рöма гимнастёркаясөн да гачьясөн, ватной пальтоаясөн да ной шапка-ушанкаясөн, кокö сетісны гынкөм либö көр кысысь вурөм пимияс. Нывъяслөн паськөмыс, найö вöліны витөн ли квайтөн, казтысьö, быттьö мөдкөдьжык вöлі.

Олім ми куим жырйын: öтилаын нывъяс, а кыкын — зонъяс. Жырйын, көні ме олі, сулалісны дас топчан. Быд асылö воспитательница чуксалис физзарядка вёлö. Сзсся йöрын пыркөдісны прöстыняяс да ной шебрасьяс. Ме тайöс вöчны эг вермы, ёртъяс асьныс босьтісны первой лунсянь öчередьөн төлөдны вольпасьöс.

Медводз лунсянь педтехникумын олігөн казялі, менам ёртъяс, студентъяс, ёна радейтöны кывзыны мойдыяс. Мойдлім узьөм водзын.

Рөднөй фольклорсө бура төдіс Ян-гасов Петя — кызы вит арөса, ыджыд тушаа, стройнөй ненец. Сійө сөр-нитіс нель кыв вылын — ненецкөйөн, зырянскөйөн, хантыйскөйөн да рочөн. Миян жырыын олісны куим национальностя йөз. Петя висьтавліс өтиторсө куим пөв. Первой ненецкөйөн мойдыслысь кутшөмкө юкөн висьталас, сэсся хантыйскөйөн да комиён. Артмыліс, ставөн кывзөны да костыясас мөвпалөны.

Вөлі миян жырыын и мөд гижтөм закон, коді медводз садьмө, сійө сьылө, медым садьмөдны мукөдь-ясөс. Лөсьыда сьывліс Николай Тимофеевич Няруй — Ямальскөй тундраса йөз пиысь СССР-са Верховнөй Сөветын медводдза депутат.

* * *

Көть эськө миян велөдчанінным новліс педагогическөй техникумлысь ним, весиг коймөд велөдчан онас эз на вөв основнөй курс. Сизимөд класс помалөмаыс вөлі ме өтнам. Нель-ө-вит морт вөліны вит-квайт классаөн, а мукөдлөн начальнөй образование, дзик неграмотнөйөсь. Сы вөсна техникумын котыртисны некимын подготовительнөй класс. Öти-лаын велөдісны букварь, мөдын — начальнөй школаса программа. Менам группаын велөдісны витөд, квайтөд да сизимөд класса материал. Ме ёнджыкасө отсаси налы, кодъяслы омөля сетчис велөдчөмыс.

Уна вын ковмис пуктыны учительяслы. Николай Петрович Печёркинөс, Алексей Евгеньевич Стопкевичөс да мукөдөс позис аддзыны техникумысь либө общежитиеысь любөй кадө — водз асылын и сөрытын. Медсьөкыдөн студентъяслы вөлі роч кыв. Сьөкыда сетчис и алгебра, көть унаөн лючки венісны математика.

Вой шөрөдз пукавлі зонъяскөд-нывьяскөд гортса удж вөчигөн. Унджыкысьсө отсалі Вануйто Гошалы да Вануйто Устинлы.

— Ой, мышкөй висьмис татшөм пукалөмысь, өддьө, гашкө, мышка лөа, — норасьліс Гоша.

— Вот абу аддзылөмтор, — вөйп-ліс кодкө ненецкөй урок вылын. —

Гижан кутшөмкө шыпасыяс, а арт-мө збылысь яран кыв!

Сын, мый ме велалі гижны кыв-буръяс и ненецкөйөн, эм ыджыд пай и менам ёртъяслөн — Вануйто Гошалөн, Вануйто Устинлөн, Ян-гасов Петялөн, Окаттэто Ильялөн да уна мукөдлөн.

Ёна зілісны тундраын олысьяс рисование да черчение вылын, сідз жө радпырысь студентъяс котөрт-лісны физкультура урок вылө.

* * *

Первой велөдчан онас художе-ственной самодөятельность, позьө шуны, эз на вөв. Праздникъяс дыр-йи студентъяс сьывлісны, кывбуръ-яс лыддьывлісны, весиг инсцениров-каяс пуктісны, но самодөятельнөй кружокъяс эз уджавны. Помкаыс вөлі сын, мый старшөй классын велөдчысьяслы эз тырмыв прөст ка-дыс. И век жө Первомайскөй празд-ник дырйи студентъяс выступитісны окружнөй культура керка сцена вылын. Устин ворсіс баянөн, Ян-гасов Петя сьыліс яран сыланкывъ-яс, а Хатанзеева Лена декламируй-тіс менсьым кывбуръяс.

Быд субөта да вөскресеннө пет-көдлісны педтехникумын кино. Вөлі-ны: асланым кинопередвижка да ки-номеханикъяс — Ненянг Костя да Окаттэто Илья. Кытөн найө велөдлісны киноаппаратсө, ог төд, гашкө, ме вотөдз на, но аппаратсө бура төдісны и фильмъяссө петкөд-лісны лючки.

Кинозалыс миян — столөвөй. Уж-ын бөрас ми вештавлім пызанъяс, улөсьяс. Видзөдысь пыр вөлі тыр. Миян студентъясысь өтдор тшөкы-да воывлісны совпартшколаын велөдчысьяс

Электричество миян керкаясын эз на вөв. Студентъяс өчерөдөн бер-гөдлісны динамо. Сійө абу кокни удж, но динамо век жургис, и мед-ся ён зонъяс ньөтчыд эз дышөдчыв-ны тайөс вөчөмысь. Салиндер Миша, Ян-гасов Федя, Салиндер Ласса и мукөд зонъяс бергөдлісны динамо-сө пөттөдзныс, вылыс дөрөмсө пөрч-чөмөн.

Фильмъяс сэки вөліны немөййөсь,

и найос петкөдлгөн пөшти пыр вор-
сис кык рада гудокөн Баринов Ка-
питоша.

* * *

Велөдчан восө помалім июнь за-
водитчигөн. Миян подготовительной
курс вылысь вуджөдісны первой ос-
новной курс вылө Айваседа чойяс-
өс — Александраөс да Аннаөс, Ва-
нуйто Гошаөс, Скворцова Зинаөс
(мамыс серти ненка), Хатанзеева
Ленаөс да менө. Техникумса педа-
гогыя нимкодясисны: локтан ве-
лөдчан восянь лоас основной курс.

Быд студентөс каникул вылө му-
нигөн лэдзисны татшөм условиеөн —
вайөдны сьөрсьыс выль мортөс. Пед-
техникумса директор служебной
могыясөн мөдөдчис областной цен-
трө — Омскө, а сэтысянь Москваө,
Наркомпросө. Аскөдыс нуөдіс некы-
мын студентөс — Вануйто Устинөс,
Янгасов Петяөс, Ненянг Катяөс да
менө. Менө сийө көсийс петкөдлыны
Омскын врачьяслы.

Колана врачыс Омскын эз вөв, и
ме кори, мед менө сийө жө парохо-
дөн бөр ыстисны Салехардө. Менам
сьөлөм вылын вөлі жугыль, мый эг
вермы көть неуна бурдөдчыны, көть
мынтөдчыны көстыльясысь. Туй вы-
лын чорыда решиті: воа Салехардө
да вода больничаө, и мед чинтасны
парализуйтөм кокөс, кута ветлы-
ны протез вылын.

Педтехникумын суи Тазовской
тундраысь воөм Ненянг Костяөс,
ылыс Красноселькупской районуысь
Тамалькинөс да сирөта Баринов
Капитошаөс. Мукөдьяс вөліны ра-
зөдчөмаөсь асланыс стойбищясө да
грездясьө. Мөд луннас жө, некод-
лысь кывзысьтөг, ме воді больни-
чаө.

Куим вежон мысти звөниті пед-
техникумө, медым кодкө отсалас ме-
ным вуджны общежитиеө: опера-
ция бөрын ме вөлі зэв слаб. Недыр
мысти воис Баринов Капитоша, кор
аддзис менө кок пөлаөн, повзьөмыс-
ла кельдөдіс да лөкысь горөдіс:

— Мый нө тэ вөчин! Мый нө тэ
вөчин!

Туй чөжыс сийө видзөдіс менам
тыртөм сапөг пөв пытшкө, кодөс сй-
йө нуис зэв видзчысьөмөн.

Ме кысси зэв нөжйө, помся сув-
товкералі, лолөс шедөді.

— Вот кутшөм лөк, но мыйла тэ
вөчин тадз?— долис Капитоша.

А кор вуджим Шайтанка юсө да
кутім кайны кыр паньд, ме дзикөдз
эбөсысь уси, лэдзчыси веж луд вы-
лө. Капитоша уськөдчис лэптыны
менө.

— Доймин?

Ме пыркөді юрнам, мися, эг. Ер-
төй пуксис мекөд орччөн и, тыртөм
сапөг пытшкө синъяссө дзебөмөн,
виччысьтөг бөрддзис.

Гожөмбыд ме тупляси вольпась
вылын.

* * *

Выль велөдчан восө педтехникум
заводитіс ас кадө, көть унаөн на эз
воны тундраысь. Вөлі примитөма
уна том изьватасөс, кодьяс кольөм
во помалісны Салехардской непол-
ной школа. Миянысь өтдор, первой
основной курс вылын лон нөшта өти
морт — Киселев Лөня, рочө пөрөм
ханты.

Кыдзи и кольөм во, классьясын
вөлі дзескыд, велөдчисны кык сме-
наөн. Техникумлы өна коліс поме-
щение. Туй мөдар бокас кыпөдісны
кык судта шөр школа, кывсис, мый-
такө сэтысь личөдасны и миянлы.

1935—1936 велөдчан воө вөлі зэв
көдзыд. Көть кыдзи эгө лөдсалөй
пачьяссө, миян оланінын темпера-
тураыс нульысь вылөджык эз и кы-
пөдчыв. Кысь помещениеас шоны-
дыс лоас, штукатуриттөм да зэв
ыджыд өшиньяса. Узьны водігөн ми
пасьтасьлім, быттө мөдөдчам вөрө
песла, зэлыда көрталам шапка пель-
яснымөс, гөна кепысясям.

Нывьяслөн оланіныс вөлі шоныд-
джык, зымвидзис лөсталысь көрт
евта өн керка. Кор ми вуджим шөр
школалөн выль зданиеө, делөыс
бара жө эз бурмы. Пачьяс тэчтө-
мөсь на вөліны. Классьясын ломты-
сисны көрт пачьяс. Урокьяс вылын
ми и преподавательяс пукалім паль-
тоөн да шапкаөн. Кынмис чернила.
Унджык и унджык студент да пре-
подаватель висьмисны гриппөн. Сэс-
ся педтехникумсө ковмис тупкы-
ны — паськаліс ангина да свинка
висьөм. Некодлы вөлі пусьыны да

„СТОРОЖЕВСКОЙ“ СОВХОЗЛЫ — 20 ВО



Нёбдін сикт.



Вомынысь полеводтвеса бригадир Г. В. Каракчиева.



Совхозса гл. агроном, Коми АССР-ысь народной овмёсса заслуженной работник В. В. Даньчиков.



Подбельска доярка, Коми комсомоллӧн премия лауреат
Э. А. Ширяева.



Подбельск отделеннеса управляющӧй,
Коми АССР-ысь народнӧй овмӧсса заслу-
женнӧй работник Ф. А. Королев.



Пӧскӧтина вылын.



Нёбдін сиктса библиотекаын.




Октябрьскöй Революция да «Знак Почёта» орденьяса кавалер, шөр от-
деленинесь сйлосуйтчöм кузя зве-
ньевöй В. Е. Латкин.



Нёбдинын пуктöны картофель.



Эква вылын асыв.



ЦРМ-са токарь, комсомольскöй организацияса секретарь М. Б. Микушев.



Сторожевскын идралöны силоснöйяс.

Снимокъяс В. В. Жевлöн.

дөзбөрүтнү висьсысыяс бөрся. Директорсянь да пөварөдз ставыс куйлісны температураөн. Сөмын ме, Вануйто Иван да Янгасов Федя кутшөмкө чудоөн эг сетчөй висьсөмьяслы. Миянлы ковмис төждысьны став вөсна. Иван да Федя поткөдлісны пес, ломтісны пачьяс и отсасисны пусьсыс нывбабаяслы. Ме врачьяс индөм серти юклі висьсысыяслы лекарство, мерайті температура.

Самөй сійө луньясас «Нарьяна Нгэрм» газет йөзөдіс менсьым медведдза кывбур — «Көр».

Көдзыдьяс кутчысисны март джынйөдз, техникум вөлі пөдса кум төлысь сайө.

Висьөмыс эз коль и миянөс. Кор став курсьяс нин заводитісны велөдчыны, Вануйто Иван, Янгасов Федя да ме веськалім больничаө, весиг өти палатаө. Куйлім ми төлысь дорө.

Сьөкыд вөлі тайө төлыс, ни өти студент миян техникумысь эз пышый аслас чужаніно, мый вермим бертім вося программа.

* * *

Гожся каникулъяссө коллялі чужан Мыжы сиктын. Вои бөр техникумө стөч велөдчан во заводитчигөн. Медводз синмө шыбитчис — зэв уна вьль студент, медсясө рочьяс, кодьяс эз вөвны миян пөвстын водзджык. Интернатын югзис электрической би. Занятиеяс нуөдөм могысь прөстмөдісны содтөд корпус.

1936—1937 велөдчан во педагогической училище (сідз кутісны шуны миянлысь педтехникумсө) заводитісны нин кык первойөн, өти второй основнөй курсьясөн да кум подготовительнөй классьясөн, көні вөліны 86 велөдчысь. Училищөын велөдісны нин педагогика, музыка, методика.

Овны и велөдчыны лои гажаджык. Рочьяскөд өтвив олөм отсаліс ненецьяслы, хантыяслы, изьвастасьяслы да селькупьяслы өдийөджык велавны сөрнитны рочөн, сідзкб, зільджыка мөдісны ляддысьны.

Вөлі миян велөдчысь ненец Хэно Миша, дзоля тушаа зон. Сійө зэв

яндысьөмөн сөрнитіс, сөмын ас кыв былас, и во чөжөн сійө төдмаліс сөмын дас кымын роч кыв. Сійөс колөдлісны мөд во кешлө первой подготовительнөй классө. Öнi жө рочьяс пөвстын өти төлысьөн велаліс сійө сөрнитны, зэв гораа шульвліс столөвөйын:

— Кде моя большая лоска? Опед кусать нато!

И нюмьяліс сэтшөм кыпыда, мый зоньяс да нывьяс вак-вак серөктылісны.

* * *

Второкурсникьяс зэв зіля босьтчисны велөдны педагогика. Тайө дисциплинаыс вөчис миянөс кутшөмкө ногөн верстьөдджыкөн. Быд рыт ми чукөртчылім кутшөмкө тыртөм классө, өглаын дасьтім урокьяс. Зэв бура велөдчис Киселев Леонид. Айваседа чөйяс — Александра да Анна кокниа сөрнитісны рочөн. Томджык чөйыс, Анна, сьөд снма, зсөй ненка, зэв ёна радейтіс художественнөй литература. Сійө ляддис художественнөй литературасө весиг мукөд урокьяс вылын, мыйысь преподавательяс сійөс вомавлісны. Сөмын Вануйто Гоша, пыр нюмьялысь да нывьяс дінө сибалысь, сьөкыдпырысь гөгөрвоис велөдан материалсө, көть рочнас сөрнитіс лючки.

Математика урокьяс вылын миян өнi тшөкыда ковмыліс занимайтчыны ас кежысь. Тайө дисциплинасө миян курс вылын нуөдіс ачыс вьль директорыс Чудинов. Директорлы быдлаө колө ветлывлыны.

— Мед Истомин да Киселев пуксясны менам местаө и вызывайтасны мукөдьясөс дөска дорө, а ме ветла...— шуліс сійө.

Зэв тешкодьөн вөліны музыка кузя урокьяс. Училищөын музыкасө велөдіс Валентина Александровна Луканина. Сійө сяммис медводз уроксянь миянөс кыскыны музыка дінө. Педтехникумын ме вотөдз на вөлі рояль «Беккер». Но водзджык сы вылө некод эз видзөдды. Öнi рояльсө сувтөдісны өти классө, көні кутісны нуөдны музыка кузя урокьяс. Училищөын тыдовтчис уна велөдчысьлөн бур музыкальнөй слух.

Ыджыд сямлун петкөдліс Киселев Лёня. Нывъяс-второкурсницаяс и ме сідз жö öдйö велалім лыддыны музыкальнöй грамотасö. Сöмын Вануйто Гошалы ковмис пуктыны уна вын да упорство, медым велавны всрсны кöть прöстöй сьылöм, кызди «Во поле березонька стояла».

Рытъяснас ми дыр öчередьöн пукавлім рояль сайын. Гоша тшöкыда менö корис отсавны сылы:

— Тэ босът линейкасö, да кызд кута ме öшыбайтчыны, шаркнит чуньяс кузя.

— Ме сідз шаркнита — китöм-сян.

— А тэ нöйт жалитöмөн.

Бек тшöкыджыка ми кутім во-лыны урокьяс вылö Салехардскöй среднöй школаса начальнöй классьясö. Заводитчис практика. Чиннöя пукалім да кывзім, кызди нуöдö уроксö учитель. А бöрыннас методисткöд öтув донъялім уроксö. Училищеö школасянь воигөн мый вынысь петкөдлім асьнымöс стрөгөн да серъезнöйөн, кызди и колö лоны ас туй вылö петысь йöзлы. Но, буракö, торъя старайтчим, миян вылö видзöдигөн мукöдъяслөн петіс нюмыс.

— Кöрт тув öмöй нылыштінныд? — шушмыльтас вöлі Киселев Лёня.

— Велöдысьяс тай воöмаöсь,— шмонитіс Янгасов Федя.

— Учителяс-мучителяс,— содтö тэрыб Канев Закар да корсьö здук кодöскö конйыштны кок йывсьыс.

Мöдöд курс ми помалім ставным бура да вуджим коймöдö, училище-ын медбөръя курс вылö.

* * *

1936—1937 велöдчан воö педагогическöй училищеын ыджыд вын вöлі пуктöма художественнöй самодеятельность котыртöмлы. Быдсяма кружокьяс вылын занятыес содтісны студентьяслысь тöдöмлуньясö, стсалісны чужтыны крепыд коллектив.

Преподавателяс да комсомольскöй актив медводз вежонсянь ныртчисны лючки пасйыны апрельын училищелысь вит вося юбилей. Сыысь öтдор, февральын страна

дасьтысис А. С. Пушкинлөн кулöм-сянь 100 во тыригкежлö. Тайö юбилей кежас миян коллектив сідз жö ёна лöсьöдчис.

Литературнöй кружокыс училище-ын вöлі кык — ненецкöй да роч. Ненецкöй литературнöй кружокөн веськөдліс чужан кыв велöдысь Петр Емельянович Чемагин, а рочнас — Алексей Евгеньевич Стопкевич,— кыкнанныс сяма воспитательяс, зэв ёна радейтісны литература. Велöдчысьяс пиысь петкөдчисны кымынкö литературнöй уджö сюртчысьяс. Ненецкöй кружокын вöлі вит морт. Кружковецьяс медсясö чукөртісны фольклорнöй материал — яран да öстяк кыв вылын мойдьяс, важ преданиеяс, нöдкывьяс. Тани дум вылö уси Янгасов Петя, коді тöдліс уна мойдкыв, но пеляс бытшкан висьöмысь регыд кувсис. Ме öні на мыжда ачымöс, мый сылөн висьтасьöм серти этша гижлі мича да гажа яран мойдьясö.

Студент Окатэтто Илья кружок вылын гижис кывбур:

Выль моз муно тундраын олөм,

И öти туй миян:

Тайö туйыс Сöветö нуöдö,

Тайö туйыс колхозö нуöдö.

Заводитісны кывбурьяс гижны и мукöдьяс. Ме ветлөдлі кыкнан кружокас. Ненецкöй кружок вылын ми вуджөдалім роч кыв вылысь А. С. Пушкинлысь мойдьясö «О попе и работнике его балде» да «О рыбаке и рыбке», некымын кывбур роч авторьяслысь войвыв тема вылö, а сідз жö гижисны ненецкöйөн П. Е. Чемагин веськөдлөм улын неыджыд пьеса «Тадебя-пöрйöдлысь», кодлысь сюжетсö босьтіс первой ненецкöй драматург И. Ф. Ного аслас «Тадебя» («Шаман») пьесалы.

Роч литературнöй кружокын вöлі дас вит морт, унаөн гижисны кывбурьяс, висьтъяс, очеркьяс. Веськыда кö шуны, «произведениеясыс» тшöкыда вöліны зэв на жебöсь, но литкружокысь торъя членьяслөн тыдовтчис нин литература дінö сямлун, кызди Киселев Лёнялөн, Кузнецов Женялөн, Сытник Ванялөн. Ме бара жö уна кад сеті литератур-

нөй уджлы. Гижи рочөн, изьватас да яран кывъясөн.

Кружоклөн занятияс вылын ми эгө видлалөй ассыным гижөдъяссө, но кывзём литературалөн теория кузя неыджыд докладъяс. Дасътім найөс тшөкыда асьным. Татшөм занятияссыс кыкнан литкружокас мунлисны өтлаын.

Первой ассыным гижөдъяссө ми йөзөдлим стенгазетын. Но недыр мысти тыдовтчис, мый тайö этша. Заводитём лэдзны быд вежонъя «Литературной витрина», аслыспөлөс литературной газет, көнi петавлисны ставыс, мый лыддылим коланаөн. Тайö сетлис позянлун кывны миян произведениеяс йылысь не сөмын литкружокасаяслысь, но и став училищеса коллективлысь мөвпсө.

Ас кывбуръясөн ми выступайтём и училищеса концертъяс вылын. Но регыд миянлы кутис кажитчыны, мый и сийö на этша. Сэк ми решитём лэдзны «Литературной витринаысь» өтдор рукописной (машинка вылын печатайтём) литературно-художественной журнал и сетём сылы нимсө «Ямал тату» («Искры Ямала»). Медводз рукописной журналсө сиим училищелөн юбилейлы. Сысянь Салехардской педагогической училищын быд во (военной вояс лыддытөг) петö тайö журналыс — ас гөгөр чукөртö литература динö сюртчясыс.

Ыджыд да колана удж вöчис педучилищеса кукольной театр. Гажапырысь ми видзөдлим сыөн пуктём мойдъяссө.

Роч да изьватас хорөвöй кружокъясөн веськөдлис музыка да сылём кузя велөдысь В. А. Лукина. Училищеса хорөвöй кружоклөн интереснойөн вöлины концертъяссыс. Уна солист сылисны ненецкөй, хантыйскөй кывъясөн. А кутшөм мылаөсь вöлины гөлөсьясыс изьватас хорын! Сийö, кыз и роч хор, сылис йөзкостса сыланкывъяс, советской композиторъяслысь песняяс, революционной маршьяс, частушкаяс. Изьватас кыв вылө вуджөдны сетлисны меным. Сидз ме вуджөдли сыланкывъяс Дунаевскийлысь «Чужан му йылысь песня», «Кыпыд йөзлөн марш», «Физ-

культурникъяслөн марш», «Водолазъяслөн марш», «Гажа төв», «Паганельлөн песня», Покрасс вокъяслысь «Майскöй Москва», Блантерлысь «Щорс йылысь песня» да уна мукөд сылөмъяс. Пушкинскöй лунъясö роч хор зев бура сылис «Евгений Онегин» операысь «Нывъяслөн сылөм».

Велөдчысыс видлисны и асьныс чужтыны музыкасö. Ладмис сийö уджыс Поповлөн да Промоторовлөн. Кымынкö менам кывбур вылө найö гижисны музыка да хор либö солистыяс сылисны сцена вывсянь. Кымынкö аслам кывбур вылө и ме ачым гижли музыкасö да ачым жö сыли кодкө ворсөм шы улын.

Педучилищеса хорөвöй кружокъяс тшөкыда выступайтлисны культура керка сцена вывсянь, ветлисны матысса колхозъясö.

Виль вося көдзыд лунö ми колльөдлим походö педучилищеса медся бур спортсменс. Ямалса вит отважной лыжникъяс лыдын сылы вичмис шуд венны Салехардсянь кык тысячаысь унджык километра туй тундратi, парматi да стептi. Тайö вöли Салиндер Ласса, стöч сийö, кодi училищын эз көсий маличасö пөрччыны, а пывсянö ветлөм бöрын полис кыммөмысь. Öнi сийö вöли еджыд свитера да лөз лыжной гача — статной, паськыд пельпомъяса, дзоньвидзалунөн ыпъялысь том зон.

Ямалса повтём лыжникъяс ыджыд чөстьөн вайисны областса центрö Заполяръеса уджалысь йөзлысь пөсь чолөм. А училищын Ласса окотапырысь юксис ёртъясыскөд туй вылын аддзылөмторъясөн. Зiля кутчысис спортö, медым коркө лыжи вылын котөртлыны Москваөдз.

Училищеса физкультурной коллектив тайö воö вöли ыджыд — 60 морт. Котралисны лампа вылын, уджалисны гимнастической, конькобежной да шахматной секцияяс.

* * *

Училище матысса кадö лөсьөдчис лэдзны (мед абу на уна) медводдза учительяссө Ямал Войвывса школаяслы. Сийö, мый ми абу нин сө-

мын студентъяс, а збыльысь аския учительяс, мянлы преподавательяс казътылісны быд лун. Тадзикӧн гырысьджык ёртъяс ышӧдісны мянӧс ашӧр олӧмӧ пыригӧн. Дерт, вӧлі аслыныс нимкодъ видзӧдны медводдза петасъяс вылӧ. Ӧд пунктӧма сы мында вын да сьӧлӧм. Петр Емельянович Чемагин коркӧ вайӧдіс тундраысь сирӧта Айваседа Аняӧс да тӧждысис ичӧт нывка вӧсна кызди бать. Ӧні яран нывка ачыс кӧсйис лоны воспитательӧн да учительӧн.

Бӧръя велӧдчан воын ми нуӧдім урокъяс педучилищелӧн подготовительнӧй курс вылын. Сэні прӧйдитісны начальнӧй школаысь программасӧ, кӧть велӧдчысьяс вӧліны и верстыӧ йӧз. Он астыӧ кызди колӧ кыв арлыда да гырысьджык водзын, мукӧдыс на нерыштасны.

— А ӧні, челядь, босытӧй задачникъяс, кутам решайтны.

«Челядь» серӧктӧны, да ачыл бара нюмъёвтан и гӧрдӧдан. Либӧ ученик таджикӧн шыасяс:

— Выль пӧв висътав, Лёня, кутшӧм лист бок восьтыны.

Асыӧ Леонид Филимоновичӧн лыддысь бара гӧрдӧдӧ.

Сёрӧнджык ми практикасӧ нуӧдім шӧр школаса начальнӧй классъясын. Мыйтӧм дӧжнасьлім урокъяс кежлӧ лӧсьӧдчигӧн, мыйта пӧсь кисьтлім план вӧчигӧн! Кӧть кызди эськӧ бура эг лӧсьӧдчылӧй ми практической урокъяс кежлӧ, мыйкӧ бара на оз лючки ло. Зэв тшӧкыда вӧлі мянлы оз тырмы кадъяс. Звӧнок суліс мянӧс выль материал шӧрын, вӧвлі и мӧдарӧ: ставсӧ нин висъталӧма, а звӧнокӧдз зэв на былын.

Ыджыд практикаыс мян бара жӧ вӧлі Салехардын. Ме уджалі начальнӧй базӧвӧй школаын первой классын. Мен ковмис ветлыны занятие вылӧ ылӧдз. Мед урокъяс вылӧ эг сёрмы, ме чеччылі водз. Ученикъяс да тетрадьяс киняулын кутӧмӧн, ме дыр варгыльтлі бедьяс вылын став посёлок кузя (сэк Салехардыс шусис на посёлокӧн). Меным сьӧкыд вӧлі гижны дӧска вылӧ. Меным урокъяс вылын заводитліс отсасыны практика бӧрся видзӧдысь учительница, но ме эг лэдз татнӧм-

торсӧ. Окотапырысь мӧдісны отсасыны асыныс челядь.

Уна дум менам вӧлі тайӧ кыв кутана лунъясӧ. Ме велӧдчи не сӧмын учительскӧй уджӧ, но и венны асыным физической тырмытӧмторъясӧс.

Практикаыс меным пунктисны «отлично».

* * *

Государственнӧй экзаменъяс сдایتім ми ставӧн. Ог вунӧд медбӧръя экзамен педагогика кузя. Мянлы висъталісны: ставным кӧ лючки сдایتам, то мянлы бесплатнӧ сетасны билетъяс «Коварство и любовь» областнӧй драматической театрлӧн спектакль вылӧ, коді Омскысь воис Салехардӧ. Ми сэтшӧм кыпыд лолаӧсь лоим, весиг слабникъяс сдایتісны бура. Ас олӧмын первойысь ми видзӧдім Шиллерлысь трагедия.

А кутшӧм озыр выпускнӧй рыт вӧлі лӧсьӧдӧма! Тӧдісны нин, Салехардскӧй педагогической училищесысь лӧбзьӧны «медводдза жоньяс». Педагогъяс ыджӧдлісны мянӧс сӧмын нимӧн да вичӧн. Асылӧдз ворсіс духовӧй оркестр, асылӧдз йӧктісны. Июльса шондіа войыс вӧлі шоньд да лӧнь, сійӧ тшӧтш козыналіс «медводдза жоньяслы» нимкодъ-лун.

Тайӧ гажа рытсыс на водзджык мянлы индалісны уджалан местаяс. Леонид Киселевлы — Гыдаӧ интерната школаӧ, Айваседа кык чой — Пурӧ, мукӧдыс — Ямалӧ да Приуральскӧ. Менӧ колисны Салехардӧ политико-просветительнӧй школаӧ велӧдны рисование, роч да ненецкӧй кывьяс.

Недыр мысти менам однокурсникъяс мунісны индӧм школаясӧ, а ме кольччи Салехардӧ.

Сійӧ кадсяныс ме дас кык во вӧлі учительскӧй удж вылын Ямало-Ненецкӧй округса уна сикас учебнӧй заведениеясын да эг эськӧ, тыдалӧ, ӧтдортчы аслам колана профессияысь ещӧ дыр, эз кӧ корны газетӧ.

Война нуис мянлысь Борис Моисеевич Годисовӧс, Александр Кле-

ментьевич Москвитинёс, Леонид Киселёвёс, Костя Ненянгёс, Саша Терентьевёс, Женя Кузнецовёс, Илья Окатэттоёс, Закар Каневёс да мукөдёс. Анатолий Зверевлы усьём бөрас нин сетисны Сöветскöй Союзса Геройлысь ним да öнi Салехардскöй педучилище шусьö сылөн нимсн. «Медводдза жоньяс» пиысь уна во велөдiс школаын Анна Яковлевна Пантелеева (Айваседа), кодлы сетöма РСФСР-са заслуженнöй учительлысь ним. Александра Яковлевна Айваседа бура жö дыр уджалiс школаын, сэсся вöли партийнöй удж вылын. Öнi кыкнанныс пенсия вылынöсь.

* * *

Уна лым да уна гожöм аддзылiс тундра сiйö кадсянныс. Салехардскöй национальнöй педагогическöй училищелы öнi тырö 50 во. Сiйö сетiс Рöдиналы ылыс Войвывса районьяслы челядьöс велөдöм могысь кык сюрс дорö учительöс, на пиысь нельöд пайыс войвывсаея.

Училищеса уна выпускник водзö велөдчисны педагогическöй институтьясын да университетьясын Тобольскын, Тюменьын, Омскын, Свердловскын, Ленинградын.

Салехардскöй педучилище талун — ыджыд учебнöй заведение. Кык судта учебнöй корпус, карын медбур спортивнöй зал, современнöя оборудуйтöм кабинетьяс да лабораторияс. Библиотекаын фондус нелямын тысяча гөгөр книга. Училищевын уджалöны ветымынысь унджык преподаватель.

Öти кывiён, ставсö вöчöма, мед Ямальскöй Войвылын тырвiйö мөмдны педагогическöй кадрьясөн быд школа да учебнöй заведение. Öнi Ямало-Ненецкöй автономнöй


округын ветымынысь унджык общеобразовательнöй школа — среднöй, восьмилетнöй да семилетнöй. Сэни велөдчöны кызь öти тысячаысь унджык челядь ненецьяслөн, хантыяслөн, комиаслөн да селькупьяслөн. Округса школаясын дас кум интэрнат, көнi дзоньнас государственнöй обеспечение вылын олöны чери кыйысьяслөн, вөралысьяслөн, көр видзысьяслөн, звероводьяслөн челядь. Районнöй центрьясын да посёлөкьясын вөссисны том йöзлөн рытья школаяс. Округын национальнöй кадрьяс быдтöны педагогическöй, медицинскöй, культурно-просветительнöй, торговöй, зооветеринарнöй техникум да мукөдьяс. Тюменьын ненецьяс, хантыяс, комияс да селькупьяс велөдчöны миян округын медколана профессиясö — лоöны газ, нефть да дона металльяс корсысьясөн да тундралысь помтöм-дортöм озырлуньяссö перйысьясөн.

Коркө важөн нин, 1936 вося март төлысьын, ме том пöраö гижлi «Көр» кывбурöс, кыдзи став йöзыс эски, мый «тундранымлөн сьөлөмлы пыр лоас муса көр». Но миян сöветскöй олөм петкөдлiс мөдтор, пармалөн да тундралөн вандейясын вөлöма и мөд сикас озырлун, кодi дзоньнас вежис войвывлысь чужöмбансö. Салехардысь öтдор, быдмисны виль карьяс: Надым, Лабытнанги, Уренгой, а сiдз жö виль посёлөкьяс — Газ-Сале, Харп, Медвежье... Центрö, Урал-Из вомөн, вуджö «Вой кыа» газопровод. Карскöй мореöдз төв и гожöм вайöны вына атомоходьяс да ледоходьяс Харасавэйö суднояслысь караваньяс. Пыр ылөджык Уренгойлань муно Сургутсянь көрт туй. И ачыс Салехардыс бара жö мичаммö, мөдөн лоö.

Антти Тимонен чужліс 1915 воын Кемскöй уездса Луусалла сиктын, крестьянин семьяын. Челядь дырыс сылөн коли Финляндияын. Кор тыри 11 арös, мамыскöд бөр воисны Карелияö. 1932 воын помалис Петрозаводскын педагогическöй техникум. Уджалис учительөн, журналистөн. Велікöй Отчественнöй война дырйи вöлі фронт вылын. Наградитöма I степеня Отчественнöй война да Краснöй Звезда орденъясөн. Гижны заводитіс 1933 восянь. 1946 восянь — писательяс Союзса член.

Гижис да лэдзис уна книга. Миян странаын унаысь петалисны «Карелиясянь Карпатöдз», «Югдöдөм берегыяс» повестьяс, «Ас трöпаясöд», «Еджыд бордья лэбач», «Марья», «Тані менам керка», «Ми — карельяс» романъяс.

Литературнöй уджысь сійöс наградитöма Ленин да «Знак Почета» орденъясөн. «СССР — Финляндия» всесоюзнöй общества член, сылөн Карельскöй отделениеын — председатель.



Антти ТИМОНЕН

ТЫ ДОРЫН

ВИСЬТ

Пöрысь чери кыйысь да пöрысь пон локтöны гортаныс чери кыянинысь. Пыж пыдöсас кебöс чери сьöмысь дзирдалисны тывъяс. Пыж мегырас кыкнан кокнас паськыда мыджсьöмөн, старик öтмоза мудзлытöг сыніс. Сійö майшасигтыр видзöдывліс ты вылас, көні сьöкыда гөвкъялісны гырысь гыяс. Чери кыйысьлөн сьöкыд пыжыс чаг моз бовъяліс гыяс вылас, то качліс гы веркöсас, то сунліс гыяскостса сьöдпемыд пыдöсас. Позис чайтны, мый старик оз справитчы пыжнас да тöлыс нөбöдас сійöс дяс костöд осьсаинö, море кодь паськыд да гораа ызгысь тылөн помтöм ва веркöсö.

Но старик эз пов арся бушколысь. Ты вылын сійö эз ниң öтчыд вермасьлы татшөм гыасыскöд. Но сійö майшасис мөдторйысь: мыйла буретш талун колö вöлі ышмыны тыыслы!

Водз кокъяссö зумыда паськөдöмөн, пон пукаліс пыж бөжладорас. Сійö важысянь нин велалис тазни пукавны гыяс вылын öтарö-мөдарö сунласысь пыжын. Сійö сюся ви-

дзöдіс көзяинныслөн быд сыныштөм вылө, ышлолаліс, быттьөкө тöдіс көзяинлысь мөвпъяссö.

Хийсиниэми ді көдждз, либө кызд сійöс шуисны Лешак көджөн, көні стариклөн вöлі керкаыс, ылынкодь на. Арся асыв рөмыдас, буситысь зэр да гыяслөн резсысь ва пырыс, старик эз вермы казавны арся виждөм вөр дорын сулалысь асьыс пöлыньтчөм ичөтик керкасö.

Сійö, пöрысь чери кыйысь Игнатта, лэптис тайö керкасö том дырйыс на, кор локтіс Японскöй война вылысь. Игнаттаöс лэдзисны отпускö, а сійö шуис армияö бөрсö не мунны. Воюйтны сійö воюйтис, колö кө нин вöлі, да воюйтис эз омöля — весиг генерал ачыс сетис сылы Георгиевскöй крест. Но кор войнаыс помасис, сылы эз ло окота зымöдны подкова сапöга кокъяснас бусöсь плацьяс вылын.

Аслыс оланінсö шуис лөсьöдны Хийсиниэми көджö сөмын сы вöсна, мый, кызди көджыслөн аслас нимыс нин висьталö, сэні олісны сөмын лешакъяс. Сэні сійö эз пов ни урядникъясысь, ни некодысь. Сысянь матысса сиктöдз вöлі сизимдас кымын километр.

Первой кык восö дзебсясис чомъясын, берегыяныыс ылын, а сэсса, кор кутис тöдны, мый сійöс некоднин оз корсь, вайöдіс татчö асьыс Муарнэ пöдрусасö. Найö тшуписны татчö ичөтик керка, пывсян, сарай. Тані, Хийсиниэми көджас, чужис

налён өтка пиыс, коді быдмис да лоис вөр лэдзысьён. Пиыс гөтырыскөд ветлөдлісны лесопунктъясті, а налён ичөтик пиыс, Игнатталён вну-кыс, оліс дедыс ордын.

Нелямын өтиөд воын пиыс пась-таліс руд шынель да медбөрьяысь прөщайтчис старик-батъыскөд. Ленинград дорын пиыслөн усьом йы-льсь юрсо старик видзис жөчөн асыкалом ичөтик сундукын.

Ставыс тайө, кажитчис өні, вөлі важөн-важөн — и Муарнэ, и пиыс, и пиыслөн гөтырыс. Ловйөн колины сөмын Хуоти внукыс да сійө ачыс, пöрысь Игнатта. Внукуыс воліс де-дыс дорө гожөмьяснас — первойсө Петрозаводсксянь, көні сійө велөд-чис лесной техникумын, сэсся ылыс механизированной лесопунктсаянь, көні вөлі начальникөн. Таво сійө эз на волы. Талун сійөс и виччысис пöрысь Игнатта. Хуоти төлысь са-йын на юөртліс дедыслы та йылысь. Не локтас-ө катер татшөм бушков дырйиыс?

Пыжыс матыстчис берег дорө. Пöрысь пон кутіс никсыны да жөдз-ны места вылас.

— Эк тэ дыш поз! — видиштіс сійөс старик да чеччис пыжсыыс пидзөсөдз ваө, медым нуөдны изьяс костөд пыжсө; босьтіс понсө моздо-рас да петкөдіс берегө.

Сөмын бөрья воясас Мусти вич-чысис көзяинлысь отсөг. Войдөр сійө ачыс чеччыштіс ваас, весиг берег-сяньыс ылысянь на.

— Пöрысьман тэ, другө Мусти, — жалитыштіс понсө старик.

Талун чериыс шеді вель уна, и старик поліс, удитас-ө катер лок-төдз мездыны тывьясысь черисө да эштөдны гортса уджьяс. Кор по-маліс мездавны черисө, сійө бура мыськаліс тывьяссө да өшөдіс на-йөс лөбөд улө косьтыны. Талун, вну-кыс локтан луно, тывьяссө сійө оз вөйтав. Бесыс сыкөд, черинас и ставнас! Аслас нэмөн сійө кыйис черисө эз этша, и абу грек, тарыт кө шойччыштас.

Игнатта вөлі орслөн чери кыян бригадаын, но кыйис век өтрасөн. Колө шуны, сійөс унаысь корлісны вуджны чери кыйысыяс посөлокө, но старик ырьянитіс, эз көсйы энөвтны

ассыыс Хийсиниэмисө, сы вөсна, мый тани сійө төдіс тысьыс быд гуран да быд гөп, быд ляпкыдін. И внукуыслы тани лөсыыд коллявны отпусксө. Де-дысь лэдзчысисны. Да и мый сыкөд вензыны, кор сійө вуджис нин көкьямысдасөд вылө?! Да шуны кө ещө, бригадаса өртъясыс дорысь че-рисө сійө сдайтліс өна унджык.

Игнатта нуис чери тыра көрзина-сө, а сэсся пырис, юрсө копыртөмөн, керкаас. Кор кыліс өдзөс шысө, кар-таас бакөстіс мөскыс.

— Энлы, удитан на! — старик ва-жөн нин велаліс гораа сёрнитны понмыскөд и мөскыскөд. Сэсся сылы сёрнитнысө вөлі некодкөд.

Сійө кыскис пачсыыс пөжөм турун чугун да лэччис картаө. Бөр кайліс посводзө, босьтіс тыртөм ведра, гартыштіс чигарка, матыстчис мөс дорас, пунктис сы дорө ичөтик улөс да заводитіс лысьтысьны. Мөссө сійө век лысьтыліс куритчигтыр и чигар-ка биыс со бара инмис мөскыслы пакас. Мөс скөрысь чужийис бөрья шуйга кокнас, и Игнатта муртса удитіс босьтны ведрасө. Сэсся ста-рик скөрмис да кулакнас тувкис мөскыслы кынөмас, мөдыс сьөкыда ышловзис да ланьтіс.

Кор старик лысьтіс мөссө, Мусти пукаліс сыкөд орччөн да видзөдіс старик вылө, кызни сійө лысьтысис, юрсө копыртліс то өтар бокас, то мөдарас. А кор старик сувтіс, Мус-ти, кызни и пыр, первойөн уськөдчис керкаас, лапаяснас йөткыштіс чулан өдзөссө. Тадзи сійө вөчліс важысянь нин, код төдас кымын во нин.

Игнатта сысьяліс йөвсө. Завтрак вылө талун сійө нинөм эз пу — ка-дыс эз вөв. Сійө шөри вундіс чери-нянь, да джынсө пунктис джоджас — Мустилы. Мусти бура төдіс асыыс сөян дозсө. Талун сійө сөйис эз азы-ма, частө видзөдлывліс көзяинныс вылө. Чериняньыслысь мөд джынсө старик сөйис ачыс, кылөдіс улльө-лөн.

Ошинь стеклөясыс друг сярмуни-сны да кутісны тіравны. Сэсся гы-мөбтіс мөдысь, коймөдысь, нельө-дысь. Игнатта видзөдліс стенин өшалысь часі вылө. Мусти чошйөд-ліс пельяссө, кутіс помавны асыыс сөянсө. Старик да пон важысянь нин

төдөны тайо грымгөмсө — тайо поткөдлісны-взрывайтисны Хийсиниэмилысь из гөраяс, кыті өні писькөдісны **виль көрт туй**. Сійо гөраяс костодыс, кыті войдөр вермисны прөйдитны сөмын Игнатта да ещө некымын вөралысь, өні кутасны ветлөдлыны поездьяс.

Завтрак бөрын старик кутіс идравны керкасө. Джоджсө сійо мыськис төрыт на. Өні кос ветьөкөн бура чышкаліс бус радиоприёмник выльысь. Игнатта ньөбліс приёмниксө кольөм во, внукуыс локтігкежлө, а то внукуыслы вөлі гажтөм овнысө музыкатөг либө не кывзыны бөрья юөрьяс. Правда, внукуыс мунөм бөрын, кор старик көсийс ачыс кывзыны музыкасө да кутіс бергөдлыны приёмникыслысь рычагьяс, мыйкө сын трачнитіс и приёмникыс пыр жө ланьтіс. Буракө, приёмниксө вөлі вөчөма сідзи, мый сылөн рычагьясыс эз терпитны пөрысь чери кыйысьлысь чорыд кияссө. Старик некодөс эз кор приёмниксө лөсьөдны, көть и матын вөліны көрт туй стрөитысьяс пөвстысь төдысь йөз. Мед внукуыс ачыс ремонтируйтас да и кадыс сылөн өдийөджык коляс. А оз кө вермы лөсьөднысө, позьө ньөбны и выльөс.

А приёмник вылас рамка пиын сулаліс портрет. Рамка пытшыяныыс видзөдіс сы вылө еджыд юрсиа да чангылякодь ныра том морт. Старик чышкис соснас портрет вывсьыс буссө да нюммуніс. Нюммунігас весиг вошлісны чужөм вывсьыс чукырьясыс. Со сійо, сылөн радейтана внукуыс! Внукуыс вөлі снимайтчылөма, кор муртса на заводитіс велөдчыны лесной техникумын. Кор сійо вөлі ичөт на, дед да внук чорыда радейтісны өта-мөдсө. Вөлі арся либө төвся рыгьясө каясны паччөр вылө, водасны орччөн, и дедыс заводитас мойдны. А мойднысө дедыс кужис, төдіс уна-уна мойд. Ичөтик Хуоти лов шысө кутөмөн кывзіс. А кор дедыс помалас мойднысө, внукуыс вөлі кутыштас дедсө сылігөгөрыс да шөпкөдө:

— Дедук, кор ме ыджыда быдма, ме тэныд стрөита зарни дворец! Быдса дворец!!!

А тыыс помтөг ызгө и ызгө...

Кутшөм визув да шань вөлі ичөтик Хуоти! Көть сійо и быд во воліс дедыс дорө гөститны, быд волөм сылөн дженьдаммис и дженьдаммис. Гөгөрвоана, дерт, сылы вөлі тані гажтөм, дедыс гөгөрволіс тайөс, но век жө сьөлөм вылас эз вөв лөсьыд. А мый?..

Комнатасө идралөм бөрын Игнатта кутіс лөсьөдчыны мунны выль поселокө, коді вөлі километр дас сайын. Поселокас локтас катер. Старик пасьталіс выль костюм, кодөс сөмын пасьтавліс внукуыс дырйи да праздник луньясө, кор ветліс поселокө. Жөчөн асыкалөм сундук пыысь старик перйис сберегательной книжка — колө мыйсюрө ньөбны поселокысь. Старик видзөдліс книжкаас. Бөрьяысь сэтчө гижөма ыджыкодь сумма. Вот талун тайо книжкасө сетас внукуыслы — мед босьтө и видзө, мый сылы колө. Сійо том на, деньгаыс ковмас, а сылы, стариклы, уна-ө колө?

Игнатта перйис сундуксыыс внукуыслысь письмө чукөр, кутыштіс киас, меліа малалыштіс, сэсса бөрпуктіс сундукас. Рыгьяснас сійо частө босьтлывліс тайо письмөяссө да лыддывліс, көть синьяснас омөля нин аддзис.

Но колө вөлі мунны. Игнатта босьтіс сынан да пемдөм ичөтик рөмпөштан водзын сыналіс юрсиө да пушыд тошсө.

Игнатта петаліс нин посводзө, но бөр косіс, шкапсыыс перйис коньяк сулея да пуктіс пызан вылө. Мед внукуыс пыр жө аддзас, кор пырас керкаө. Коньяксө ньөбөма сы могысь, медым бурджыка сөйсыс. Сэсса рытнас найө ломтасны пывсян, пывсян бөрас аддзасны мый йылысь сөрнитны. Да и абу грек юышты!

Старик петіс ывлаө да кутіс думайтны. Өні төлыс лөньыштөма, но ты вылын гыясыс өна на вальясысны. **Пыжөн мунны поселокө өпаснө.** Төв паныд сьөкыд лоө сынны, и ещө лөкджык лоө, бөр локтігас кө көтасяс внукуыс. Бурджык мунны подөн.

Стариклөн керка дорө некутшөм туй эз вөв да и эз вермы лоны — нюрас вөйисны эськө став туйясыс найөс стрөитысьяскөд. Коркө өна нин важөн, кор Игнатта вөлі на том

да ён, зыбуч местаясас сійо ваявліс да тэчліс керьяс. Керьясыс унджыкыс нин сісьмисны да и кёнсюрө вөялісны зыбучас, весиг оз вөлі тыдавы. Но старик синьяссө куньомөн вермис эськө мунны сәті. Со и өні мунө нильзём няйтөдыс, а Мусті келіс кынөмөдзыс ваөд.

Нюрсө вуджөм бөрын старик гажаа восьлаліс небыд яла нитшка ягөд. Мусті өні котөртіс көзяиныс водзын: сійо бура төдіс кытчө мунны.

Кор өтнасөн кывтліс пыжөн либө ветлөдліс вөрөд, старик радейтліс мөвпавны. Да и эм мый йылыс мөвпавнысө. Со тасянь неылын стрөйтөны выль посёлок: тані лоө ыджыд механизированной лесопункт. А өд сылөн внукуыс буретш механизированной лесопунктса начальник. Вермас лоны и сідз, мый сійөс вуджөдасны татчө. А гашкө и аслыс окота лоө локны ас рөднөй местаясө. Кутшөм бур эськө вөлі! Сійө, Игнатта, кытчөдз эбөссьыс оз усь, кутас чери кыйны. Оз кажитчы внукуыслы Хийсиниэми, но и мед. Сі-йй: вуджас жө чери кыйысьяс дорө базаас. Сійө оз ло внукуыслы да сылөн том гөтырыслы ковтөмөн, оз кут мешайтчыны налы. Лөсьыд-ө лоө том гозьялы, кор налөн квартираын пошкыны да кызы кутас старик? А вот гөститны на ордө кутас ветлывыны... Вот тадзи жө найө Мустикөд локтасны внукуыс ордө, и сійө шуас: «Эй, начальник, примит вай гөстьясөс! Тайө ми, старикьяс,— тэнад пөрысь дедыд да пөрысь Мусті!»

Дерт, частө сійө оз кут ветлыны — дедыслөн и сытөг уна уджыс. Сідз, корсюрө, субөта луньясө...

Со бара кыліс чорыда грымөбтөм шы. «Грымөдчөй ёна, вөтлөй лешакьяссө! — нюммуніс старик. — А внукуыс көть оз тані кут уджавны, гожөмнас сійө босьтас көрт туй билет Хийсиниэми станцияөдз, век жө локтас дедыс дорө... — старик весиг серөктіс. — Думайтан жө мыйкө!»

А со и посёлок. Пожөма вөр пытшкын зымвидзөны ичөтик выль керкаяс — өтияс дасьөсь нин, мукөдьяссө помалөны на. Отилаө старик сувтис да кутис любөпырысь видзөд-

ны, кызди ыджыд бульдозер-трактор йөткәліс ыджыд из. Со көні выныс! Весиг Мусті топөдчис старик кокьяс бердө... Со татшөм жө машинаясөн да на вылын уджалысьясөн и веськөдлө внукуыс.

— Чолөм, Игнатта дядь! — чолөмәліс сійөс тракторист да өвтыштис кинас.

Старик, дерт, эз кыв трактористлысь кывьяссө, но гөгөрвоис да воча копыртліс юрсө. Татшөм шумас өмөй мыйкө кылан!.. Тракторист мыйкө ешө горөдіс сылы, а старик вежөртис: «Внуктө встречайтан?» И сійө гораа вочавидзис:

— Да, да, внукөс! Сійө талун локтө! Но локтас-ө катерыс татшөм бушкол дырйныс?

Пристаньын чукөртчөмаөсь нин йөз. Старик өддзөдіс воськовьяссө. Нимкодьясла частө кутис тпкыны сьөлөмыс: йөзыс кө чукөртчисны, сідзкө, катерыс локтас.

Друг сійө сувтис, кисө тэрыба суюліс зептас да пыркнитис юрнас: сберегательной книжкәсө сідзи и вунөдіс пызан вылас! Пөрысьми, пөрысьми. Али нимкодьясла садьөс вошти... Но нинөм, ковмас кө деньгаыс, судзөдас: сійөс тані быдөн төдөны.

Пөрысь чери кыйысьөс йөзыс чолөмәлісны, юасисны, кызди олө-вылө, шедө-ө чери? Сійө быдөнлы вочавидзис, и синсө эз вештыв гылысь ты вылысь.

— Со сійө! Аддзан ді веськыдывысьыс сьөд чут, — петкөдлісны йөзыс.

— Да, да, аддза, — юрнас довкийөдліс старик, көть и некутшөм сьөд чут оз вөлі аддзы.

Синьясыс абу сәтшөмөсь, кутшөмөсь вөліны том дырйныс. Но сійө эскис йөзыслы, мый ты вылас эм сьөд чут, эскис аслас Мусті понмыслы, коді друг быттьө ловзис, кутис эргыны да жөдзны места вылас. Сідзкө, катерыс збыль локтө!..

Регыд мысти гыяс швачөдчөм шы пырыс кыліс сійө моторыслысь өтсыа шумсө. Синмыс көть омөля аддзис, пельяснас бура на кыліс. Колис ешө мыйкө дыра кад, сійө аддзис катерсө, коді, гыяс пиө сунласигтыр, вочасөн матысмис береглань.

Катер вель дыр эз вермы сибодчыны пристань дорё. Гыясыс шыблалісны сійёс то вывлань, то увланы. Сэсся коркё и домассис. Каютаясысь мыччысисны пассажирьяс. Игнатта лов шысё кутёмён видзёдіс да виччысис. Но кёні нё внукуыс? Дерт жё, сійё каютаас на. Кёнкё, кёлуйсё чукёртё.

Пассажирьяс заводитісны петны пристаньё. Мусті өвтчис бёжнас — чолёмаліс катер вылысь петысь йёзёс.

И друг сёлёмсё кодкё быттьё сылысь кырыштіс: эз өмөй лок?! Внукуыс кё вёлі катер вылас, Мусті кыліс эськё да увтчигтыр уськөдчис эськё трап дорё.

Бөрьяён петіс ыджыд, кыз сумкаа почтальонша. Кор адзис Игнаттаёс, шуис:

— Ок, кутшөм бур, мый тэ тані, дедук, а то ковмис эськё меным тапиктыны Хийсиниэмё. Тэныд письмё эм. Внуксяньыд, кёнкё...

Почтальонша кутіс корсысыны сумкаас.

— Кёсьян кё, мунам почта вылө, сәні ме тэныд лыддя письмөтө.

Найё мөдөдчисны почталаны — нывкаыс водзын, сы бёрын сёкыда восьлаліс Игнатта, а сы бөрвылын — Мусті. Лэчыд төлыс тракйис нывкалысь плащ пёлаяссө. Сынөдас гартчисны виж корьяс. Пөвьясысь вөчөм москыны вёлі няйтсыс вилыд.

Почта вылын нывка пөрчис плащсө, шапкасө, лөсьөдіс юрсисө. Сэсся сійё восьтіс сумкасө да кутіс перьявны газетьяс, журнальяс, письмөяс. Ставыс тайё кыссис вель дыр, весиг Мусті водіс өдзёс дорё. Сэсся коркё и перйис внукуыслысь псьмөсө.

— Лыддыны тэныд? — юаліс нывка.

Оз нин первойсысь лыдды сійё Игнатталысь письмөяс, эз нин этша гижлы сы пыдди воча кывьяс. Шуны кё, Игнатта и ачыс вермис эськё лыддыны письмөяс да гижны воча кывьяс, но сійё кёсйис, медым тайёс вөчис тайё шань нывкаыс.

— Дедук, вай инё кывзы!

Нывка пуксис да заводитіс лыддыны.

«Менам дона дедук!..»

— Сійё век тадзи меным гижё, — шуис старик, — буракё, радейтё на, абу на вунөдөма.

«Менам дона дедук! — мөдысь лыддис нывка. — Менам олөмын лоис зэв ыджыдтор. Верман чолөмавны менө: менө индісны ыджыджык удж вылө. Ме өні абу нин лесопунктса начальник, а трестын быдса отделса начальник. Овны ми вуджим карё. Регыд сетасны квартира — кык комната да кухня. Тэ ачыл, дедук, гөгөрвоан, мый тэ дінө өні ме ог вермы локны. Пыр жё босьтчи выль уджө...»

— Сідзкө, быдса отделын начальник? — юаліс старик, кор казяліс, мый газетьясла пырисны йёз. — Коді эськө кужис думыштны? Внукөй... — Сійё гордөя видзөдліс йёз вылас, а ачыс кыв эз вермы шуны: горшыс гөрддзасис.

А нывка лыддис письмөсө водзө:

«Ог төд, кор локтан воын сетасны отпуск да кёні ми сійёс кутам колльөдны. Ми өд ньөтчыдысь на эгө ветлөй шоныд лунвылө, море дорё. Кыдзи тэ олан, дедук, кыдзи здоровьеыд? Кёнкө век на сэтшөм ён, зумыд, кыдзи и войдөр? Молодеч, дед! Тэныд кё лоө сёкыд деньгаөн ли мый ли, эн яндысь, гиж миянлы. Ме тэныд кута отсавны. Ачыл гөгөрвоан, уна ыстыны, дерт, ог вермы. Ёні колө мыйсюрө ньөбны выль квартираө. Да и тані, карын, колө бурджыка пасьтасыны — абу өд лесопунктын. Дедук, ещө выльтор: тэнад регыд лоас правнук. Бёрынджык ме тэныд унджык гижа. А, гашкө, тэ ачыл төвзылан миян дорё недель кымын кежлө? Но та йылысь ми тэкөд сёрнитчам бёрынджык... Гиж! Муөдз копытчылам тэныд, дед!

Тэнад внук Хуоти».

Почтальонша бөр кусыньтіс письмөсө нель пельө и, быттьө мыйыскө мыжмис, крута бергөдчис мөдарё. И йёзыс эз лысытны видзөдны стариклы синмас, ньөжйөник босьталісны газетьяс да кыв шутөг пөталісны.

— Но, мый нө, Мусті, мунам!

— Воча кывсө он кут өні гиж-

ны?— ньөжйөнник юалис нывка.— Ме гижи эськө...

— Бөрүн,— старик сувтис өдзөс дорө.— Тэ вот меным со мыйын отсав... Кыдзи эськө деньга мөдөдны? Онi өд сылөн рөскодыс ыджыд... Вот сберкнижкаос ме вунөди гортө... Но ладнө, мөд пөрийө...

Нывка чуймөмөн видзөдлис сы вылө.

Морт да пон бөрся өдзөсыс пөдласис.

Төлыс төдчымөн чорзёма, гирысь гыяс чорыда швачөдисны изъя берегас. Тылөн ызгөм шы пырыс старик бара кылис моторлысь жургөм,— сiдзкө, бушков вылө видзөдтөг, катер петис бөр туйө.

Старик бөрсө мунис ньөжйө, частө сувтлывлис шойччыны. Сы бөрся сiдз жө ньөжйөнник кыссис и Мусти, корсюрө весиг ылөкодь кольччылис көзьяинсьыс.

— Тэ нө мый, другө, гортө он көсйи мунны?— юалис сийө, кор понмыс матыстчис сы дорө.

Мусти өвтыштіс бөжнас да водис кокъяс дорас.

Нюр вуджигөн старик частө коньясьлис да ёна резсис кизьөр няйтнас. Сулик көтасьөм Мусти нориника никсис.

Заводитис нин пемдыны, кор найө всисны гортас. Ошинь ув йөрас старик дорө матыстчис мөскыс. Старик чорыда кучкис кулакнас мөскыслы плешкас.

— Тэ ещө суйсян, кытчө оз ков! Сюра лешакысла тэ меным колан!..

Но сэк жө скөрыс прөйдитис, и мөссө кутис малавны да шуавны:

— Эн скөрав, эн скөрав... Ме өд прөста сiдз... Торйөдчыны миян тэкод ковмас... Базаө ме тэнө ог босьт...

Керкаын пызан вылас гажтөма сулалис коньяк сулея. Старик ыджыда ышловзис, быттьокө сөмын өнi гөгөрвоис, мый внукуыс эз лок и водзө вылө некор оз лок. Игнатта сьёкыда лэччысис пызан дорын сулалысь крөвать вылө. Сийө весиг эз пөрчы шапкасө да кутис видзөдны

кытчөкө өтилаө жугыль синъясөн.

Мусти водис өдзөс дорө, нюжөдис воддза лапаяссө да пуктис на вылө юрсө. Пемдис. Старик ньөжйөнник чеччис, өзтис карасин лампа, сэсса всьятис коньяк сулеясө, кисьтыштіс винасө стөканө.

Сэсса бара веськөдис синъяссө өтилаө, кутис думайтны, весиг вунөдис юны коньяксө.

Мусти нораа никөстис. Старик юалис:

— Мый лоис, Мусти? Али вөтнад никсан?

И сэк жө вунөдис Мусти йылысь. Старик эз казьяв и сийөс, мый сувтөма часыс. Вунөдис асывнас лэптыны гирасө. Но керкаын друг пуксьөм чөв-лөньыс садьмөдис старикөс ыджыд думьясысь. Сийө пасьталіс чери кыян курткасө да шуис:

— Мунам, Мусти, видзөдлам. Гашкө, вөйталам кулөмъяссө...

Мусти гөгөрвотөма кыпөдліс юрсө — абу-ө сёр нин? Но век жө чеччис да мөдөдчис көзьяиныс бөрся.

Ты вылын вөлі дзик пемыд. Старик майшасьөмөн дыр сулалис берег дорын, сэсса бөр мунис гортас. Сийө босьтис важ тыв да карасин лампалөн слабиник югөр улын кутис сийөс дөмлыны. Но уджыс мыйлакө эз ладмы, оръясис сунисыс. Старик талун эз вермы уджавны. Сэсса сийө друг гөгөрвоис, мый сэсса татчө оз вермы кольччыны, оз вермы тані өт-насон овны... Тайө керкаас сэсса некод оз лок... А базаын — сәні шоньд жө, югыд, сәні эмось йөз...

Пызан вывсьыс казьялис сберегательной книжкасө, кодөс вунөдліс сэтчө асывнас. И стариклөн вежөрас вирдыштіс виль мөвп... Внукуыслөн, көнкө, деньганас өнi дзескыд?

Игнатта вештіс бокө тывсө да сувтис. Сберегательной книжкасө сьйис зептас да пасьталіс брезент плащ.

— Мунам вай, Мусти, посёлокө,— шуис сийө.— Миянлы тані вөчнысө нинөм... А аски волам да мыйсюрө нуам... Чеччы вай!

КЕРАЛӨМ КОЙТ

Татысь ме юмов пув вотлі,
Ялаось дјасас гөрд гобыс тшем.
Рысь рөма яласьыс көр тани пөтліс,
Ошкөс на узигас өвад оз вен.

Гажаа пөткаяс койтисны тулысын,
Вичмывліс быдөнлы сьөлөмас шуд.
Сир көрнас сөстөммө сынөдыс пу лысын,
Оз пөтлы лолавны морөслөн куд.

Таво ар бара на мөдөдчи сэтчө,
Өктыны тшакъяс да вотыштны пув.
Вои кор, шогөйла сьөлөмөй чеччө,
Ягыслөн кольөма лөп, мыр да ув.

Шулөмны: ас муыд сөвмөдө вынөн,
Мам моз пө такөдө. Некор оз дойд.
Мыйла нө горшасям, овлам ми кынөн,
Кералам сәті тшөтш, көні эм койт?

Елена КОЗЛОВА

НЫВЛЫ

Көсья, медым юр весьтад
Енэж вөлі сөдз.
Көсья, медым сьөлөмыд
Эз вөв тэнад гөч.

Ковмас мортлы отсавны —
Нюжөд китө, ныв.

Ковмас шуны веськыда —
Мед оз джөмды кыв.

Ме ог си тэд, ныланөй,
Чөв-лөнь оласног.
Сьөлөм бинад, донаөй,
Став мисьтөмсө сот.

Петр МАРКОВ

НАЙӰ ДОРЙИСНЫ ОЛӰМ

ВОЕНФЕЛЬДШЕРЛӰН КАЗЬТЫЛӰМЪЯС

«Великӱй Отечественнӱй войналӱн историяыс тӱдӱ сӱветскӱй военнӱй медикъясӱн петкӱдлӱм героизмлысь уна пример. НайӰ эз жалитны ассьыныс олӱмсӱ ранитчӱм воинъясӱс спаситӱм могысь. Со лыдпасьяс: война воясӱ 72,3 процент ранитчӱм да 90,6 процент висьысь воинӱс вӱлӱ бӱр пыртӱма стройӱ. Военнӱй медикъяслысь тайӱ уджсӱ позьӱ ӱткодьявны ыджыд тышын вермӱмкӱд. Армияса да флотса 44 медицинскӱй работниклы вӱлӱ сетӱма Сӱветскӱй Союзса Геройлысь ним, 116 тысяча сайӱ мортӱс наградитӱма СССР-са орденъясӱн да медальясӱн».

«Здоровье» журнал.



1941 вося июнь тӱлысьын ми слайталӱм Сыктывкарскӱй фельдшерско-акушерскӱй школаын выпускнӱй экзаменъяс. «Сдайтам медбӱрря экзамен и мунам уджавны сиктъясӱ», — татшӱм мӱвпъясӱн олӱм сийӱ лунъясӱ. Но лоис эз сӱдз, кыдзи мӱвпалӱм. Заводитчис война, и мӱд луннас жӱ мунӱм горвоенкоматӱ. «Сдайтӱ медбӱрря экзаментӱ да виччысӱй повестка. Карысь мунны некытчӱ оз позь», — висьталӱс военком Пыстин.

Некымын лун бӱрын ВЛКСМ обком да горком чукӱртӱсны техникумъясса да пединститутса выпускникъясӱс митинг вылӱ. Митингыс вӱлӱ Сӱветскӱй улича вылын ВЛКСМ обком керка дорын. Сӱрнитӱс комсомол обкомса секретарь А. Ф. Ракин. Сийӱ висьталӱс странаын военнӱй положение йылысь да сувтӱдӱс чукӱртчӱмаяс водзӱ матыса лунъяс кежлӱ могъяс.

— Ставлы — кылӱдчӱм вылӱ! — помалӱс секретарь ассьыс речсӱ. Аскинас уна сӱ морт, кодъяс сӱмын на босьтӱсны высшӱй да среднӱй учеб-

нӱй заведениеяс помалӱм йылысь дипломъяс, Нижнӱй Чов посӱлок улын Эжваӱ быглялӱсны берегӱ да лыа кӱсаяс вылӱ косьмӱм керъяс.

Но кылӱдчыны эз дыр ковмы. Военкоматсянь кутӱсны воны повесткаяс. Сыктывкар пристаньсянь пӱшти быд лун кывтӱсны Архангельсклань парходъяс, кодъяслӱн палубаяс вылын вӱлӱны фронт вылӱ мӱдӱм йӱз.

Мунӱм фронт вылӱ и ми, том фельдшеръяс. Тӱрытъя студентъяскӱд тшӱтш мунӱсны тышкасьны фашистъяскӱд и техникумса преподавательяс. На лыдын А. И. Мишарин, И. И. Чебанов, кодъяс война бӱрын лоисны паськыда тӱдса хирургъясӱн, студентъясӱн радейтана физрук Ф. И. Чукичев да военрук П. А. Жеребцов, кодъяс пуктӱсны юрнысӱ Рӱдинаӱс дорийгӱн. Неуна водзджык мунӱс запасса командир А. А. Старцев, кодӱ техникумын велӱдӱс история.

Ме первой веськалӱ запаснӱй полкӱ, кодӱ сулалӱс неылын Архангельсксянь. Сӱсся вуджӱдӱсны 33-ӱд отдельнӱй стрелковӱй бригадаса ме-

дико-санитарной рота, кодо воли дасьтоны мододны Волховской фронт выло. Медводдза боевой крещениесо примити Волхов кар дорын, кодо мян войска сомын на воли мездомны немецьясысь. Мян бригада мунис фронтлань туй кузя торья группасон. Енежти лэбалисны вражеской самолетьяс, бомбитисны фронт выло воысь частьясос. Оти бомба взорвитчис мян динсянь дзик мато. Ми, дерт, пыр жо водалим му выло. Самолетысь ыло нин лэбзис, а ми век куйлам да ог лысьтой вөрзёдчыны.

— Мый, повзинныд? — шыодчис командир.— Сувтны стройо. Мододчам водзо!

Повзян, дерт. Окота али мый кувны да ешо тани, фронт выло вотодз. Но приказ эм приказ. Армияд коть эг на служитой, но военной дело велдим техникумын. Таысь отдор, сэни ыджыд удж нуодисны добровольной оборонной да спортивной обществояс. Быд велодчысь сдайталис ГТО, Красной Крест, ПВХО да «Ворошиловской стрелок» значокьяс выло нормаяс. «Медик» спортивной обществоысь пыр медся унаон участвуйтисны карса спортивной ордыйсьомьясын да босьтисны призвой местаяс. Оборонно-спортивной уджон юрнуодис комсомольской комитет.

...Волховской фронт. Унаон тани воуйтисны и Комиысь. Татчос войскалон шор могнас воли мездыны немецкой блокадаысь Ленинград кар. 1942 воын мян бригада куймысь участвуйтис Ленинград мездом всна тышьясын. Кыдз тодса, блокадасо воли ородома сомын 1943 вося январын. Но Волховской да Ленинградской фронтясса частьяс тайо ыджыд победасо дасьтисны ена водздзык — гитлеровецьяскод вир кистана чорыд тышьясон, кодыас волины 1942 воын. «Черная речка», Круглая роща, Мясной бор, Невской пятачок да мукод местаяс волины тодсаось Волховской фронтса быд салдатлы да офицерлы. Сэни советской войска тышкасисны гитлеровецьяскод мулон быд лоскут всна.

Медсанрота батальоньясысь дугдывтотг вайисны раненойясос. Врач-

яс да фельдшерьяс уджалисны брезент палаткасын, кони доймом салдатьяслы да командирьяслы вочисны прстой перевязкасянь сложной операцияодз. Отсог сетом борын раненойясос машинаяс вылын медсанротаясь мододалисны полевой госпитальо.

Медикьяс асланыс боевой пост вылын сулалисны суткиясон шойчывотог, кыз шуласны, сунтодзыс. Они на син водзын серпас: военврач Ф. Е. Шкробнев пуксис улос выло, медым оти здук шойчодны кокьяссос, кор санитарьяс нуасы операцонной пызан вылысь раненойос да ваясны модос. Пуксис да пыр жо чорыда унмовсис, весиг усис улос вывсысь.

Уджавны лоис не сомын мудз тодотог, но и опасность выло видзодтотг. Коть палаткаяс дорю усялоны артиллерийской снарядыас, авиационной бомбаяс, он дзевсы траншеяо либо блиндажо. Од раненойяс виччысьоны тэсянь отсог.

Мянлы, том йозлы, та боксянь бур пример петкодлис ведущей хирург, коммунист Ф. А. Козунин. Чужлома сийо Архангельской области. Участвуйтома финской война вылын. Арлыднас мян повстысь медся ыджыд. 1923 воын, сточ сэк, кутшом воо ме чужи, Филипп Алексеевич помалома Московской университетлысь медицинской факультет. Оти кадю уджалома врачон Кировской областяса Опарино станцияын. Бур специалист йылысь кывсылома и Прилузской районса Верхолузье сиктын. Сэтчос войтыр лечитчыны доктор Козунин дорю ветлывлломаось вор туйод кызь верст сайсянь.

Коммунист-хирурглон збойлун йылысь висьталот татшомтор. 1942 вося апрель. Передовой позицияс вылын мунис вир кистана тыш. Эз вое лонь и медсанротаын. Сындын жургисны немецкой самолетьяс, лыйлисны пушкаяс. Палатка, кони вочисны операцияс, некымынлати воли розьясьома «мессершмидтясь» веськалом пулясон. Но хирург, кыз пост вылын сулалысь салдат, паникатог вочис асысь делю. Сылон смеллуныс вуджис мукод ме-

дикъяслы. Операционной пызан вылын куйліс раненой. Операциясö вöлі помалöма нин. Козунин диктуйтис сестралы журналö гижöм вылö: «21 час 00 минут. Николаев Виктор Александрович, радöвöй, беспартийной. Мина осколокъясысь артмöm дойяс: веськыд гырдызын да кынöмлön улысса веськыд юкöнын. Отсöгсö сетöма ранитчöм бöрас куйм час бöрын. Сювьяс вурöма 12 рана, суйöма 1.000 кубической сантиметр вир. Операция вöчис хирург Ф. Козунин».

Зэв матын грывöбтис бомба. Взрывысь артмöm гыс чорыда нетыштитис операционной палаткаöс. Орччön сулалысыс казялісны, кыдзи шатовтчис хирург. Но здук мысти сийö бөр веськöдчис да кинас пыкис операционной пызанö. Кодкö горöдис:

— Ранитчис!

— Немтор, немтор,— слабеник гөлөсөн шуис врач. Сэсся восьтис гимнастёркаыслысь шуйга зепсö да перйис сэтысь чорыд коркаö суйöм, вирөн ойдöм партийной билет. Ньöжйөнник чышкыштитис чышъяннас, суйис мöдар зептас да сэсся пуксис улöс вылö.

Операционной журналын лоис выль гижöд: «21 час 15 минут. Козунин Филипп Алексеевич, коймöд ранга военврач, ВКП(б)-са член, ранитчöма морöсас, сьöлöм весьтас, ордлыяс абу жугалöмаöсь».

Козунин öткажитчис эвакуациясысь. Кык лун мысти локтитис операционной палаткаö. Сылы тшöктисны мунны куйлыны. Колис ещö лун-мöд, и Козунин бара локтитис уджалан местаö. Буретш вайисны сьöкыда ранитчöм салдатöс. Хирург пасьталис халат, мыськис кияссö да сувтитис операционной пызан дорö.

— Йöзлы колö мясянь отсöг. Сидзкö, меным колö тані лоны, — шуис командирлы, коді тшöктис сылы мунны госпитальö.

1942 вося гожöмын ранитчис военфельдшер Алексей Макаров. Сыкöд ми велöдчим техникумын öти группаын куйм во. Уджалис Алексей мян бригадаса батальонной санчастыын. Ранитчöма сийö вöлі кияс.. Ми прöщайтчим Алексейкöд вокьяс

моз да выльысысь аддзысим сöмын война бöрын. Госпитальын лечитчöм бöрын сийö бара мунöма фронт вылö. Война бöрас помалöма Ленинградской военно-медицинской академия. Олö Ригаын, омöль здоровье вöсна демобилизуйтчöма военной служба вылысь да велöдö медицинской институтын военно-санитарной делö. Рöдинанас Алексей Кörtкерöсской района Вомын сиктысь.

Дзик виччысьтöмön лоис операционнойын Александр Юшковкöд аддзысьöм, кодкöд техникумын öти группаын жö велöдчим. Зеленецысь сийö вöлі. Виччысьтöмön сы вöсна, мый водзджыксö фронт вылын эг аддзысьлöй. Вөлöмкö, сийö воуйтöма орчча бригадаын. Öнi на быттö син водзын: палаткаö нöсилка вылын пыртисны дубья пася том мортöс, чужöмыс лым кодь еджыд, синъяссö куньöма. «Да, тайö öд Юшков!» — гора шуи ме, кыз быттö мукöдыслы сийö тöдса жö.

Кор ме шыöдчи сы динö комиön, Саша восьтис синъяссö да тöдис менö. Сёрнитнысö сылы вöлі сьöкыд. Шуис сöмын некымын кыв, кытысь ме гөгөрвои, мый разведротакöд ветлöма вражеской тылö, ранитчöм бöрас зэв дыр абу веськалöма санчастьö да уна воштöма вир. Кор ножичьясөн вундалім паськөмсö, тыдовтчис: Сашалөн кынöмас зэв уна пулевой ранаяс. Врачыс вöчисны сылы сьöкыд операция. Сэсся мөдöдiм полевой госпитальö. Война бöрын нин кывлі, мый Саша гортас абу вома. Буракö, туяс и кувсьöма. А, гашкö, бомбёжка улö веськаліс да пöгибнитис содтöд дойясысь. Тадз нас вермис жö лоны. Раненойясöс эвакуируйтны вöлі зэв сьöкыд. Туыйс муніс нурьяс пöлön. Газушкаяс, кодьяслөн тупкөс кузовьясын мөдöдалім раненойясöс, весиг кос поводдя дырйи сидалісны. А зэрыштас кö... Сэк жö туйсö флангыясынь немецьяс пöшти быд лун лыйлісны пушкаясынь либö бомбитисны. Передöвöй позицияс кöть вöлі эз матын, бокьясыньыс вражеской артиллерия татчö бура судзис. Прöтивник зілис бырöдны мянлысь машинаяс, кодьясөн фронт вылö кыскалісны боеприпасьяс да сёян

юан. Ыджыд сьёкыдлунъяс венёмөн, татшөм лёк туйясөдыс ветлісны газушкаяс вылын, кодъясөс лөсьөдөма санитарной машинаяс вылө, шофёръяс: Сыктывкарысь Александр Коюшев, Павел Мысов да Алексей Кетов, Архангельской областъяс Саша Амосов, Украинаысь Николай Боровик да мукөдъяс. Враглөн би улын найө ваялісны ранитчөм салдатъясөс да командиръясөс стрелковой батальонъясысь медсанротад да сэсянь нунсны полевöй госпитальö.

Война помасьөм бөрын ми аддзысим Саша Коюшевкөд да Павел Мысовкөд. Павел Алексеевич Мысов казтыштис, кызди сійө 1942 воын аслас «санитаркаөн» ветлөдліс Синвинской нюръясывса туйясөд.

— Артиллерийской снарядсыд он пов. Сійө косыштас, он и төдлы,— казтыштис П. А. Мысов.— А кор юр весьтад жургө «мессершмидт»— шөйөвошлан. Прөтивник аддзө тэнсыд машинатө быттьө ки пыдөс вылысь, вөтлысьө тэ бөрся, зільө инмыны бомбаясөн либө лыйлө пулемётсянь. А энөвтны машина да дзевсыны туй бокө водителылы оз позь. Од кузов-фургонад абу кутшөмкө груз, а ловъя йөз — раненöйяс.

Отчыд удайтчис Мысовлы прамöя бөбйөдлыны фашистской лётчикөс. Самолёт лэбзис туй весьтөд зэв улити, көсийс машина вылө шыбитны бомба. Мысов өдийө сувтөдіс ассыс «санитаркасө» да пыр жө сетис бөрө. Бомбаяс усисны водзөджык да осколокъяс эз судзны машинаөдз. Но недыр мысти «санитарка» весьтти лэбзис мөд «мессершмидт» да бомбалөн осколокъяс веськалісны фургонын куйлысь кык ранитчөм салдатлы.

Тадзи лунысь-лун рискуйтисны асланыс олөмөн медсанротаса шофёръяс.

Война бөрын менам пансис бур дружба медсанротаса вөвлөм шофёр Александр Алексеевич Коюшевкөд, кодi и талун олө Сыктывкарын. Частө пыралам өта-мөд ордө, казтылам ассыным том дыр, кодi прөйдитис сьёкыд война воясө.

Тувсов наступательной операция бөрын мянлысь соединение петкөдісны шойччыны да примитны содтөд йөзөс. Военной медикъяс тайө кадсө эз воштыны весьшөрө. Вөчисны уджлы итогъяс, эрдөдалісны тырмытөмторъяс да нелючкияс, төлкуйтисны, кызди бурджыка котыртны раненöйяслы медицинской отсөгсө. Сзк жө дасьтисны-велөдісны выль санитаръясөс да санинструкторъясөс.

Тайө жө каднас военврач В. Гусевакөд ми лөсьөдім ас вөчөм шина, кодлы нимсө сетім «мян марка». Фронт вылын зэв уна боец ранитчалисны киясас да кокъясас, кодъяслы колө пуктыны сідз шусяна «Крамер» шина. А шинаясыс эз тырмыны. Зэв ёна отсалис «мян марканым». Конструкция сертиыс сійө зэв прөстой. Босьтам вөлі фанера кусөк, небзөдам ваөн, нюгыльтам, кызди мянлы колө, кусыннитыс дорышьяссө вундышталам да вурам шпагатөн. Шиналысь чертөж ыстылім весиг военно-медицинской журналө.

Войнасө, кодi кыссис матө нельво, оз позь гөгөрвоны кызд сөмын дугдывтөг лыйсьөм. Сійө ещө и йөзлөн ыджыд удж — созидательной, творческой, налөн корсысьсөмъяс, переживайтөмъяс.

Эз вөв кокни олөмыс фронт вылын салдатлөн. Но ещө на сьёкыджык вөлі нывбабаяслы. А найө танi вөліны эз этша: санитаркаяс, связистъяс, снайперъяс, разведчикъяс. А көни эмөсь мужичöйяс да нывбабаяс — сэни и радейтчөм. Олөмыд сійө олөм и эм. Военфельдшер Е. Дергачева дасьтысис декретальной отпускө, и шуим вөчны Леналы пөдарок. Но мый эськө пөдаритан? Од салдатлөн, ружьеысь, котелокысь да панысь кындзи, нинөм сэсса абу. Мездис военврач Ф. А. Козунин.

— Менам эм новлытөм шөвк беллө пара. Резьөдöй сійөс да вурöй кага эшкын,— тшөктис нывъяслы. Ставөн сөгласитчисны. Леналы кажитчис пөдарокыс.

1942 вося сентябрын мян войска нуөдісны вир кыстана тыш Сивино — Мга направленииын. Гитлер вөлі көсийө өдийөджык пырны Ленинградө да «сорлавы карсө муыс-

көд». Та могысь татчө вуджөдіс уна войска Крымысь.

Медым ордны враглысь көсйөмсө, Волховской фронт вуджис наступление да ас вылас кыскис уна немецкой дивизия, кодъясөс вөлі индөма Ленинград штурмуйтөм вылө. Август кызь сизимөд лунө волховчана, тшөтш и мян 33-өд отдельной стрелковой бригада, Синявино — Мга весьтысь жугөдісны немецкой оборона. Немецьяслөн передөвөй линияыс вөлі минируйтөма, потшөма чуткасысь сутугаөн, кытчө лэдзөма электрической ток. Волховчана ыджыд воштөмъясөн венисны фашистъяслысь «босьтны позьтөм» оборонительной валсө да кутисны наступайтны Ленинградлань. Ещө уна и Волховской да Ленинградской фронтъяс эськө өтлаасисны. Но блокада ордны сэк эз удайтчы. Немецкой командование татчө вештис зэв уна войска да вооружение да пөдтис мянлысь наступлениесө. Но шөр могсө, кодөс вөлі сувтөдөма Волховской фронт водзө, вөлі пөртөма олөмө: Синявинской нюръясын вөлі пасьвартөма немецкой войскалысь группировка, код вынөн Гитлер көсийс штурмөн босьтны Октябрьской революциялысь кар — Ленинград.

Немецкой пленнойяс Синявино дорса сражение йылысь вөлі шуоны: «Тайө адас өти тышын участвуйтөм дорысь бурджык дас пөв штурмуйтны Севастополь».

Сентябрь кызьөд лунө рытнас медсанрота вылө кутис лыйлыны вражеской артиллерия. Снарядъяс взрываютчисны дзик матын палаткаяс дінсянь. Но медикъяс эз дугөдчыны уджысь. Ме отсаси военврач Гусевалы, коді вөчис операция, ампутируйтис ранитчөм боецлысь осколөкөн жугөдөм коксө. Операцияыс вөлі помасьө нин, колө вөлі көртаны ранасө. Сийө здукө чорыда гымыштис да палаткаын пыр жө пемдіс. Ме уси. Вежөрөй воис, кор вөлі нин операционной пызан вылын. Рана обработайтөм бөрын журналө гижисны: «Марков Петр Ильич, военфельдшер, ВЛКСМ-са член. Сквөзной осколочной рана веськыд пидзөс суставын, жугалөмаөсь бед-

ренной, большеберцовой лыяс да пидзөс чашка. Суйөма витсө кубической сантиметр вир, пунктөма Томослысь шина. Отсөг сетөма доймөм бөрын 40 минут мысти. Оперировуйтис военврач Ф. Шкробнев».

Меным висьталисны, мый сийө жө снгарядысь осколөкөн сьөкыда ранитчөма кокас врач Валентина Ивановна Гусева, кодкөд ми уджалим өти пызан дорын. Осколокөн ордөма олөмсө боецлысь, кодлы сөмын на Гусева ампутируйтис коксө да кодлы сідзи эг и вевъялөй пуктыны көртөдсө.

Менам сьөлөм вылын вөлі зэв шог эз сөмын чорыда доймөмысь. Но и сыысь, мый ковмас, оз кө пыр кежлө, то зэв дыр кежлө торийдчыны өртъясысь, кодъяскөд тайө каднас дружитчим сідз, кызд быттө өтлаын олөм уна во. Тыдалө, сьөкылдунъясыд өнджыка матыстөны йөзтө өта-мөдыскөд, торийөн нин война вылын.

Куим вежон лечитчи Боровичи да Рыбинск каръясын. Сэсся санитарной поездөн нуисны Уралө, көні куйлі вит төлысь сайө. 1943 вося мартын лэдзисны гортө. Меным сэк вөлі муно 20-өд арөс.

Гортын, Занулье сиктын, менө виччысьөма 33-өд стрелковой бригада кузя приказысь выписка, көні гижөма: «Смеллунысь да мужествоысь, фронт вылын самоотверженной уджысь старшой военфельдшер Марков Петр Ильичлы объявляйта благодарность да представляйта правительственной награда вылө.

33-өд отдельной стрелковой бригадаса командир, полковник Зарецкий».

Дерт, меным вөлі өна нимкодь. Абу вунөдөмаөсь менө өртъяс! «Өд тайө приказсө гижисны налөн водзмөстчөм серти», — думышти ме. Онөдз видза тайө донна бумагасө аслам архивын, коді казътылө меным аслам том дыр йылысь, фронтвывса өртъяс йылысь.

Уна во ме немтор эг төд на йылысь, кодъяскөд вөлім Волховской фронт вылын. А төдны көсийссис. Кор страна пасийс Победа лунсянь кызь во тырөм, ме гижис писъмө обо-

рона кузя министерствою. Сэсянь вочавидзисны, коді кутшом областьо демобилизуйтчома. Но од сы борын колис нин кызь во! Вермисны мунны модлао. А колөкө, абу нин и ловьяюсь. Лоис зэв дыр гижасьны, медым төдмавны налысь адресьяс. Оти, вөлөмкө, олө Белоруссияын, мод — Москва дорын, коймод — Чечено-Ингушетияын, нельөд — Крымын.

Адресьяс төдмалом борын ме радпырысь гижиналысь писъмояс. Найо пыр жө вочавидзисны, гижисны, кызди олөны, көни уджалөны. Тадзи война борын 25 во мысти кутим төдны өта-мод йылысь. А Ф. А. Козунинкөд да В. И. Гусевакөд удайтчис аддзысьлыны.

Ф. А. Козунин ордын ме гөстити. Сийо олис Евпаторияын. Уджалис хирург-гинекологон. Войнаборса уджсө сылысь Рөдина пасйис Ленин орденон. Олис Филипп Алексеевич 84 во и медборья луньясөдз эз торйөдчыв аслас радейтана делөысь, кодлы синс нэм джынйысь унджык кад.

В. И. Гусевакөд аддзысьлим Москваын. Московскөй областьса Ногинск карын сийос төдөны кызди опытной хирург-анестезиологос. Ранитчөм борас Валентина Ивановна зэв дыр лечитчөма. Жугалөм кокчөр лыяссө клиникаын йитөмаөсь көрт пластинкаясон да кызь квайт

арөссянь лоис ветлөдлыны чотөмон.

Найо, кодьяс 1941 воын помалисны Сыктывкарса фельдшерско-акушерскөй школа, комын во борын чукөртчылысны карө, медым аддзысьлыны өта-мөдыскөд. Школа помалом борын разөдчим дас көкьямыс арөсаөсь. 1971 воын аддзысим, кор уналон нин вөлины внукьяс да внучкаяс.

Первой, дерт, казтыштим найос, кодьяс ассыныс ловнысө пунктисны Рөдина дорйигон тышьясын. Сэся сөрни пансис ловйон кольөмьяслон олөм-вылөм йылысь. 1941 вося выпускникьяс эз янөдны ассыныс школасө да велөдысьяссө. Уналысь морөсьяссө мичмөдөны боевой да трудовой орденьяс. Найо и өни пунктөны став вынсө да сямлунсө уджалысь йөзлысь здоровье видзөм вылө. Вель унаос война борын босьтисны партийной да советскөй уджьяс вылө. На лыдысь Алексей Бобковос, Михаил Поповос да Виталий Шишкинос бөрийылысны КПСС райкомьясса секретарьясон. В. Е. Шишкинлысь уджсө Рөдина пасйис медыджыд наградаон — сылы сетөма Социалистическөй Уджвывса Геройлысь ним.

Чукөртчөмаяслы вөли мый йылысь рапортуйтны школалы. Тайо вояснас найо пыр мунисны партияон да комсомолон индом туйөд, сетисны став выньяс Рөдинаос сөвмөдөмлы.

НОШТА ИЧӨТ ИВАН ЙЫЛЫСЬ

Коми проза жанрын медводдза тӧдчана гижӧдӧн, дерт жӧ, вӧли Нӧбдинса Витторлӧн «Луча» висьт, кодӧ торъя книгаӧн петалис 1927 во заводитчигӧн. Гижӧма сийӧс вӧли 1925 воын Висер вожӧ коми сыланкывъяс чукӧртны ветлӧм бӧрын. Пӧжалуй, тайӧ абу и висьт, а документальнойӧй очерк Тист Иван йылысь, кодкӧд Нӧбдинса Виттор тӧдмасис Висер вожас ветлигӧн. Тист Иван — дошлӧй коми мужик, кодӧ поптӧг пыртас ассыс кагасӧ, дай ачыс воӧма сьӧлӧм вылас Виктор Алексеевичлы. Джиян грездса Тист Иван лои литературнойӧй геройӧн.

Висер вожӧ ветлӧм бӧрын жӧ Нӧбдинса Виттор гижис очерк «Мусюр» сайын» — уна сиктса йӧзкӧд аддзысьлӧмъяс йылысь, накӧд сӧрнияс йылысь. Гижӧма очеркӧ мича коми кывйӧн, вайӧдӧма уна коми сыланкыв, интереснойӧй бытӧвӧй серпасьяс. Очеркӧ вӧли йӧзӧдӧма «Коми му» журналын. Коми муӧс еджыд бандаясыс мездӧмлы Нӧбдинса Виттор сиис «Бӧрынтьчигӧн» очерк. И сӧрӧнджык Виктор Алексеевич эз ӧтчид кутчысьлыв гижны проза жанрын. Ми тӧдам сылысь «Медбӧръя ружтӧм» ыджыд висьт, неыджыд повесть «Менам том кадса олӧм», кодӧс сийӧ гижис 1931 воын да йӧзӧдис аслас «Гижӧд чукӧр» первой томын водзкыв пыди. Ми тӧдам: Нӧбдинса Виттор тайӧ гижӧдсӧ лӧсьӧдчылис паськӧдны романӧдз, но эз удит вӧчны.

Кызьӧд да комынӧд воясын проза жанрын ӧна уджалис и Тима Вень (В. Т. Чисталев), гижалис натур-серпасторъяс вӧрын уджалысьяс йылысь, вӧр кылӧдысьяс йылысь, а 1929 воын лыддысьсысьяслы сетис «Трипан Вась» висьт, пуктис зумыд подув реалистической коми прозалы. Тима Вень сӧдз жӧ

дасьтысис проза жанрын гырысь гижӧдъяс вӧчны, гижны паськыд полотно первой мирӧвӧй война вылын участвуитысь коми салдатъяс йылысь. 1929 воын Тима Веньлӧн петалис висьтъяслӧн чукӧр «Ыджыд висьт» гижӧдысь.

Кызьӧд вояслӧн мӧд джынйын коми гижысьяс радӧ сувтисны проза жанрын уджалысьяслӧн мӧд поколение — Ичӧт Иван (И. И. Сажин), Иливапыс (И. И. Пыстин), Сандрик Егор (Е. А. Шахов), Виль Паш (П. А. Шеболкин), Педь Гень (Г. А. Федоров) да мукӧдъяс. Найӧ коми литератураӧ пыртисны виль геройсӧс, найӧс, кодъяс заводитисны вежны чужӧмбансӧ коми сиктъяслысь — коммунистьясӧс, комсомолецъясӧс, сиктъясысь водзмӧстчысь йӧзӧс, а сӧдз жӧ вӧр делянкаясӧ уджлысь виль формаяс пыртысьясӧс. Тырмымӧн казтыштны, кызди коми гижысьяс, поэтъяс да прозаикъяс асланыс гижӧдъясын заводитисны петкӧдлыны коми вӧр лӧдзысьяслысь бригадаясӧн уджалӧм, медводдза вит вося план срукысь водз тыртӧм вӧсна тышкасьӧм. Та вылӧ чуксалисны коми вӧр лӧдзысьясӧс «Ударник» журналлӧн быд номерын йӧзӧдӧм кывбурьяс, висьтъяс. Тшук тайӧ воясас «Ударник» журнал йӧзӧдис да петисны торъя книгаясӧн Педь Геньлӧн «Сиктса асыв» повесть, Сандрик Егорлӧн «Вӧрын. Бригадиръяслӧн висьтъяс» повесть, Иливапыслӧн «Вермам» да «Запань» книгаяс, И. Изъюровлӧн «Тималӧн бригада» повесть, мукӧдъяс.

Сергей Морозов газетъясын да «Войвыв кодзув» журналын йӧзӧдис статьяяс Ичӧт Иванлӧн (И. И. Сажинлӧн) творчество йылысь сылӧн чужан лунсяныс 75 во тырӧм кузя. Ме ногӧн кӧ, С. Морозов аслас ста-

тьяын вöчö ыджыд методологическöй öшыбка — торйöдö Ичöt Иванлысь гижöдъяссö коми литературалöн туй визысь да вöчö та вöсна бура подулавтöг кывкöрталöмъяс.

Ме ачымöс ог вермы лыддыны Ичöt Иванлы матысса мортöн, но меным удайтчылис неötчыдысь адзысьлыны ськöд, сёрнитны, öтлаын пукавны писательяслөн собраниеяс вылын. Волевлис Ичöt Иван и Коми книжнöй издательствоö, көни ме заводити уджавны 1927 вося арсянь, а бöрынджык пыравывлис и «Ударник» журнал редакцияö, көни ме лои ответственной секретарөн.

Ичöt Иван вöли косöдиник тушаа, еджыд гöгрöс чужöма, зэв раминик том морт, кодi неважөн на воис Москваын велöдчöм бöрын. Иван Иванович эз вöв зэв варов, сёрниö пырöдчис сьöкыда, быттöкö пыр мыйыськö яндысис. Но синъясыс пыр вöлины гажакöсь. Пöжалуй, синъяс сертиыс и позис шуны серамбана гажак мортöн, корышмыштас да заводитас кокниа варовитны. Но татшöмнас сийö эз частö петкöдчыв. Эз ёна шыав и гижысьяслөн собраниеяс вылын.

Ичöt Иван медводдза коми гижöдөн лыддысьысьяс водзö петис нейджыд «Воз сөйöма» висьтөн «Югыд туй» газет лист бокъяс вылын 1926 воö. Буракö, тайö висьтсö вöли ыстöма на Москвасянь.

«Воз сөйöма», шуны кө збыльысь, вöли нейджыд бытöвöй серпастор сы йылысь, кызди эня-ныла чöжасны-чöжасны приданнöй, а жытникса кудъясын ставсö сөясны возъяс. Висьтын петкöдчис гижысьлөн сиктса олöмсö бура тöдöм. Лыддысьысьяслы сьöлöм вылас гижöдыс воис и сийөн, мый сэни вöли небыдик шмонь. Кызди öни эськö шумим, висьтсö гижöма серамбанөн, юморөн.

Сийö жö арнас заводитис петны коми журнал «Ордым», и медводдза номерас Ичöt Иван йöзöдис кык висьт: «Регыд нырвомад рабышта» да «Нинöм сөйны, либö сөсикас». Бара жö сиктса оласногын важсян көльöм предрассудокъяс

йылысь серпасъяс. «Нинöм сөйны» висьт гижöма нин кужöмджыкөн, сэни эм юмор, коми нывбабаясöс велöдöм, дивитöм, кызди найö төлысьясөн видзалöны, омöлика сөйöны, а гөстъясöс корасны да петкöдлöны асьнысö вывти лышкыдъясөн. Кöзаякка висьталö, мый сьлөн нинöм абу дасьтöма, а ачыс пачысь кыскалö да пызан вылö вайö сөян бöрся сөян.

1926—1929 воясö Ичöt Иван ставсö йöзöдис 14 висьт, а сэсса друг быттöкö воши, висьмöм вöсна мунис лечитчыны лунвылö да сэсь эз и волы. И эз шыасьыв некодлы коми гижысьяслы. Сидзкö, коми литератураын уджыс Ичöt Иванлөн ставыс вöли нель во. Кувсьылöма И. И. Сажин 1960 воö Крымын.

Дерт, медся тöдчанаөн Ичöt Иванлөн вöли «Ён тыш» висьт, кодi петалис торъя книгаөн.

Ме бура помнита, кызди 1930 воын «Ударник» журнал лист бокъяс вылысь ми лыддим Нёбдинса Витторлысь вель ыджыд статья «Гижöд сям Ичöt Иванлөн». Виктор Алексеевич видлалис том авторлысь кызвын гижöдъяссö — висьтъяссö и кывбуръяссö, донъялис вель крута. Сидз, Ичöt Иванлөн кывбуръяс кузя Нёбдинса Виттор шуис веськыда: «Ичöt Иванлөн оз сюр кывбуръяссыс медколанаторйыс, мый мичмöдö да вынсьöдö быдсяма гижöд, — образностьыс абу...» Сэсса критик содтö: «...сьлөн кывбуръясыс оз торъявны куштöмкö мичлунөн либö торъя художествоөн».

«Ён тыш» Ичöt Иванлысь Нёбдинса Виттор донъявлис вылöджык: «Миян ногөн, «Ён тышыс» абу на тыр висьт, сийö сöмын на быттö висьтыслөн сюрöсыс, панасыс. Колис эськö Ичöt Иванлы тайö висьтсö гижны (öти сайын ниг) ёна на ыджыда да паськыда... Мед эськөн коми войтырлөн некор эз вунлы, кызди коркö вермасьлисны, тышкасьлисны, ловнысö (юрнысö) пуктисны миян вокъясным, батъясным Октябрьскöй революция вöсна, Сöвет власть вöсна».

Ичöt Иванлысь «Ён тышсö» Нёб-

дінса Виттор донъяліс кызди «зэв бур (героической) висьт».

Нёбдінса Виттор, ме ногөн кө, тані прав и абу прав. Дерт, «Ён тыш» — героической висьт гражданской война мунан кадө коми сиктъясын ыджыд, ён тыш йылысь. Но кор ми талун бурджыка видзөдлам талунъя синъясөн тайö гижөд вылас, то вермам казавны: «Ён тыш» век жö ёнджыкасö аллегорической гижөд, позьö весиг шуны — аллегорическо-романтической. Тані ставыс мойдсянь, притчасянь. Тышкасьöны гольяс да озыръяс, гөрдъяс да еджыдъяс. Некоднанладорса персонажъяслы абу сетöма кутшöмкö индивидуальной чертаяс, найö оз сувтны миян син водзö асланыс чужöмбанөн, думъясөн.

Кызди ми тöдам, Ичöt Иван 1925—27 воясö велöдчис Москван, сэнi и заводитiс гижны. И гөгөрвоана, Ичöt Иван литература теорияөн тöдмасигөн эз вермы не тöдмасыны и Пролеткультөн паськөдан татшöм сяма теориясөн, РАПП-лөн теориясөн. Тöдса, Ичöt Иван аслас некымын литературно-критической статьясын выступайтлiс тайö жö позицияс вывсянь. Ме помнита, кызди Ичöt Иван выступайтлiс и паныд Тима Веньлөн «Трипан Вась» висьтлы, лыддылыс висьтсö öткөн олысь коми крестьянинöс ошкөмөн-жалитөмөн. Та вöсна и аслас «Ён тыш» гижöдын Ичöt Иван эз сувтöдлы ас водзас тайö могсö — петкөдлыны паськыда Коми муын гражданской войнанысь мунöмсö, а сетiс лыддысьысьяслы сы йылысь да сийö кад йывсьыс аллегорической гижөд. И тайö могсö, ме ногөн кө, бура пöртiс олөмö: ми öнi, уна дас во колöм бöрын, вылö донъялам «Ён тыш» висьтсö, көть эськö ме некыз ог вермы сöгласитчыны С. М. Морозовкөд, мый быттьöкö Ичöt Иванлөн «патриотической гижöдъяс вылын сöвмисны-быдмисны кызьöд да комынöд воясын эз öти поколение», мый сылысь «гижöдъ-

яссö велöдисны начальной да средней школаясын».

Тайöс шуöма вывтiджык. Ме ачым Сыктывкарын шöр школайн велöдчи 1924—27 воясö, ми велöдлим и коми кыв, но коми литература велöдöм йылысь сэки и сёрниис на эз вöв. Дай некодöс на вöли велöднысö, книгагасыс коми гижысьяслөн пöшти эз на петавлыны, Нёбдінса Витторлөн, Тима Веньлөн да М. Н. Лебедевлөн öтка книгагас кындзи.

И кор ми талун кыпöдам сёрни Ичöt Иванлөн миянлы колöм литературной наследие йылысь, көсья сетны сылы места коми литература историяын, мед көть Ичöt Иван уджалiс ставсö нель во коми литератураын, сэсся мунiс ылö да дзикöдз энöвтчис тайö уджысьыс, миянлы колö лоны тырвийö объективнойөн, не уськөдны том авторысьлысь нимсö, но и не кыпöдны сийöс подув пуктысьяс радöдз. Гашкö, Ичöt Иванысь и вермис лоны ыджыд коми гижысь, уджалiс кө сийö дырджык, эз сэтшöм кокниа энöвтчы сысысь. Дай эз нин öтнас вöв Ичöt Иваныд 1926—29 вояснад, ськөд орчөн литератураö пырисны уна талантливой том гижысьяс.

Вöли Ичöt Иванлөн öтитор, кодi петкөдчис сьлөн быд гижöдын — коми сиктöс бура тöдöм. Сийö чужлiс да быдмис Сыктыв вожса Чухлөм сиктын, адзылiс аслас синъясөн сиктлысь оласногсö, бура гөгөрвоис сиктса олöмын да олысьяс костын важъя колöм предрассудокъяссö, и сатириклөн перöөн востiс накөд тыш. Тайö вöли том гижысьлөн аслас тема. И колö шуны — зэв колана тема сийö кадö, кор вылысь да важыс сиктса олöмын крепыда зурасисны.

Сьöкыд шуны, кызди эськö водзö сöвмис Ичöt Иванлөн гижан сямыс, паськалiс видзöдласыс, гижысьлөн диапазоныс. Но сы серти, мый сьлөн коли миянлы, позьö шуны — позянлунъясыс да сямыс та вылö вöли сьлөн тырмымөн.

КНИГАЯСЫН — ПРЕДПРИЯТИЕЛӨН ИСТОРИЯ

1979 вося декабрын Москво чукортчылсны квайт социалистическэй странаыс — Венгрияыс, ГДР-ыс, Польшаыс, Чехословакияыс да Сөветскэй Союзыс историкъяс. Татшөм адзсылөмыс вөлі нёльөдыс. Учёнойяс видлалсны кык вопрос: «1972 — 1979 воясө социалистическэй странаысын предприятиеяслыс историсө велөдан итогъяс» да «Фабрикаяслөн да заводъяслөн историография: основной итогъяс да проблемаяс».

Учёнойяслөн докладъясын тёдчөдсис, мый фабрикаяслыс да заводъяслыс историсө велөдөм — сийлө рабочёй класслыс историсө велөдөм. Вөлі индөма, мый ёнджыка колө исследуйтны предприятияслыс өнйя олөмсө, пыдисянджык нуөдны уджсө национальнөй районъясын.

Коми АССР-ын фабрикаяслөн да заводъяслөн проблема кузя исследованиес заводитчисны медясө 60-өд воясө. Коми книжнөй издательство та кузя лэдзис кызыыс унджык книга да брошюра. Унджык материалсө сийма промышленнөй предприятияслөн историялы. Тайө и гөгөрвоана. Од мян республикаын предприятияссыс медяссө заводитчисны чужны первой пятилетка воясө. 60—70-өд воясө на пысыс унаөн пасийсны юбилейнөй датаяс. Вөлі лэдзөма тайө датаясыслы сийм книгаяс, брошюраяс, статья чукөръяс.

Коми АССР-са предприятияслөн историсө йылыс литературасө условнөя позьө торйөдны кык пельө: очерк сяма книгаяс, брошюраяс да сборникъяс (И. А. Добкин, В. П. Фролов. «Шахтерские горизонты». Г. Д. Кокарев, И. К. Чеботарев. «Сыктывкарский лесозавод» да мукөдъяс) и книгаяс, кодъяс монографическэй сямайс (В. С. Фотиев, А.Н. Туру-

банов. «Первенец индустрии республики», В. Ф. Мерц. «Белый поток» да мукөдъяс).

Книгаяслөн первой группаас оз петкөдлыссыс предприятиелөн тыр историяс, но тайө уджъясас вайөдсёсны фактъяс, юөртөмъяс, кодъяслөн зэв ыджыд историческэй төдчанлуныс. Татшөм литератураыс пырджык лэдзсө ыджыд тиражъясөн, воө лыддысысысөдз.

Книгаяслөн мөд группаас тырвйөджык нин петкөдлөма республикаса фабрикаяслыс да заводъяслыс котыртчөмсө да сөвмөмсө, вайөдөма выль материалъяс, вөчөма обобщениеяс да выводъяс.

Став тайө книгаясас петкөдлөма коллективъясса йөзөс: рабочёйяссө, инженеръяссө, техникъяссө; производстволыс эффективностьь да продукциялыс качеством кыпөдөм вөсна, народно-хозяйственнөй планъяс тыртөм да вевтыртөм вөсна, социалистическэй ордийсөм паськөдөм вөсна трудөвөй коллективъяслыс тышсө.

Уна уджъясын төдчана места босьтөны производство экономическөя сөвмөдан да удж котыртөм кузя вопросъяс. Унатор вөчисны та кузя наукаяс Академиялөн Коми филиалса экономистъяс. Налөн уджъяс серти ми төдмалам предприятиясын техническөй уровень кыптөм йылыс, промышленностьө, транспортө да строительствө выль техника да технология пыртөм йылыс; петкөдлөма выль машинаяслыс, механизмъяслыс, агрегатъяслыс экономическөй эффективностььсө, удж производительность кыпөдөм мөгыс налыс төдчанлуносө.

Но предприятияслөн историсө йылыс петыс уна книгаясын өткымын төдчана проблемаяс петкөдлөма тырмытөма. Коліс эськө

паськыджыка висътавын рабочёй коллективъяслөн состав йылыс, наын вужъясьөм нин традицияс йылыс. Оз өтмоза бура петкөдлыссыны предприятие историялөн торъя калъяс. Босътам В. С. Круковскийлыс «Шаги в неведомое», А. С. Томовлыс «Крылья республики» книгаяс. Кынан книгаыс бурджыка тыдалө войнаөдзса кад, зэв коса да топыда петкөдлөма предприятияслыс талунъя лунсө. Сэтшөм вопросъяс, кызди, шуам, рабочёйяс да инженерно-техническөй работникъяс костын ордийсян формаяс; государственнөй да хозяйственнөй управлениеын рабочёйяслөн участвуйтөм йылыс сёрныс коть и мунө, но найөс абу вөсьтөма помөдз. Татшөм серияа книгаясын жеба на тыдалө уджыс и партийнөй, советскөй, профсоюзнөй да комсомольскөй организацияяслөн.

Бөръя воясө бура сөвмө СЭВ странаяс костын экономическөй сотрудничестволөн выль форма — братскөй государствөяса рабочёй коллективъяс мян страналөн территория вылын стрөйтөны уна производственнөй предприятиеяс. Отувъя строительствө лыдын Усть-Илимскөй лесопромышленнөй комплекс, Оренбургага газоконденсатнөй месторождение — СССР-лөн Рытыввыв граница газопровод, Коми АССР-ын леспромхозъяс стрөйтөм да с. в.

Ме думыс, татшөм отувъя удж котыртан опытсө колө эськө петкөдлыны и литератураын. Мян республикаын петисны тайө темаыслы сийм торъя сборникъяс — «Дружба не знает расстояний», «Сердца открыты дружбе», советско-болгарскөй дружба йылыс статьяяс да очеркъяс. Но тайө этша на.

А. ТУРУБАНОВ.



КУТШӨМ КӨЗЯИН— СЭТШӨМ И ОВМӨС

Кольөм во ноябрса номерын миян журналын вöли йöздöма А. Ануфриевлысь статья «Сиктын тöдчана морт». Сэни висътавсис видз-му овмөсын шөр звеноса командиръяс йылысь, управляющöйяслөн, бригадиръяслөн да фермаса веськөдлысьяслөн удж котыртан передöвöй опыт йылысь, кодi крепыда йитчöма миян кадö сиктын специализация да выль техника пыртöмкөд. Статьяын кызвыннас петкөдлыссис «Сыктывкарскöй» да «Сторожевскöй» совхозъясса специалистъяслөн водзмöстчöмыс.

Партия да правительство пунктöны уна вын да видзöны гырысь средствояс РСФСР Нечерноземнöй зонаын видз-му овмөслысь продукция содтöм да производствольсь эффективность кыпöдöм вöсна. Дерт, ставыс тайö оз вермы веськөдöн кольны сиктса войтырöс. Буретш та йылысь и висъталöны Эжва йывса Дереваннöй сиктын олысь Василий Николаевич Чувьуровлөн да Изьва бердса Малое Галовоысь Андриан Данилович Каневлөн письмöясыс.

* * *

Ме век помсянь помöдз лыддя «Войвыв кодзув» журнал. И со ачым думышти гижыштны гоз-мөд кыв, көть эськө кадус менам оз ёна лишав та вылö. Делöыс сыын, мый уджала нёлöд во нин «Ручевскöй» совхоз-

лөн Дереваннöй отделениын завхозöн. А завхозалöмыд — сийö абу ма панялөм, лун и вой вичмö тöждысьны общественнöй делö вöсна — урожай примитöм, кöйдус видзöм да и общественнöй скöтлөн кöрым бöрся колö син да син. Дженъыдика кö шуны, завхозлөн уджыс ёна тöдчö удж производительность вылö и продукциялөн дон вылö. Та вöсна лыддя ассыым уджкө зев кыв кутанаөн и коланаөн. Көть и ыджыд тöждыс, но ог элясь аслам профессия вылö, вичмывлö и меным прöст кадус. Овлö сёлöм вылын торъя нин кыпид сэки, кодыр ас кадö лöидралöма урожай да тырмымөн заптöма общественнöй скöтлы кöрым. Сэки позьö петавлыны и ю вылö чери кыйны да вöравны. Но абу та йылысь öнi сёрныис. Сиктын олысь — сийö медводз крестьянин, йöv да яй вöчысь. Сы вöсна, кодыр ме лыдди А. Ануфриевлысь «Сиктын тöдчана морт» статьясö, сийöс сёлöм бердö босьтi. Гижöдыс меным кажитчö зев коланаөн, көть эськөн сэни оз тыдавны гырысь выль мөвпъяс да передöвöй опытыс этшаджык. Но шөр мөвпыс тыдовтчö ясыда — среднöй звеноса специалистъяслөн тöждысь, налөн вийсьöмысь чужö коллективлөн рабочöй сюрöсыс, уджалан атмосфераясы, медбöрын, вöчöм продукциялөн доныс и качестваыс. Ме аслам нэмын паныдасыли уна сикас организаторъяскөд, öтияс эськөн ёна велöдчöмабсь, институт помалöмабсь, но сиктса уджыс кианыс оз пыр, налы эськө сöмын ылысянь ве-

лөдны. Татшөм велөдысьыд көть и збыльысь коланатор висъталö, но му бердас уджалысьыд кызкө пель пырыс лэдзö сылысь такöдöмсö. Овлöны и сэтшöмъяс, кодъяслы ставыс веськодъ, сиктса ногөн кө, прöста дыш йöз. Босьтам миянылысь овмөс. Совхоз отделениын 120 уджалысь, видзам 700 юр лыда скöт стада, мөд во думайтöны юр лыдсö кыпöдны тысячаөдз. Ме ог тöд, тайö уна либö этша, но удж котыртöмыс и тайö коллективас ыджыдтор, öд кужöмөн колö сибöдчыны быд морт динö, тöлкөвöя наратитны удж вылö. Торъя нин оз лөсөв рабочöй мортлы öти торсö мөдысь вöчöм либö ылöсас уджалöм. Ме ногөн, бур управляющöйлөн да бригадирлөн и рабочöйясыс зильбсь. И мөдарö — зиль рабочöйясыс и сям бригадир вермö лоны, а тшöтш управляющöй и директор. Ме ог кöсий элясьны асламым бригадиръяс вылö, найö асланыс сямөн да опытөн, кыззи вермöны, зильöны котыртны сиктын удж. Но корсюрö и кывланна, мый сийö либö мөд бригадир лунтырөн весиг эз петкөдчывны рабочöй коллективö. Ме думысь, татшөмторсыс колö öлөдны бригадирсö не сöмын управляющöйлы, но и директорлы. Ме лыддя, бригадирлы быть колö пыр лоны йöз пөвстын, петкөдлыны пример уджын и олöмын, тöждысьны быд уджалысь вöсна, сылөн удждон вöсна, государстволөн интересъяс вöсна. Ме думысь, сöмын тазни позьö котыртны дружнöй коллектив, ёнмөдны дисциплина.

В. ЧУВЬУРОВ.

ИЗЪВАТАСЪЯС

Изъва ю пискьодчө веж парматі. Кор пукалан теплоходын и дзорган өшиньө, любуйтчан мича юбердса вөръясөн да видзьясөн, сьөлөмыд ыпъялө радлунөн. Некемын сюрс кубометр вөр сы кузя пуръясөн лэдзöны Нарьян-Марөдз. Изъва пөлөн шыльквидзöны совхозлөн угоддьяс. «Красноборскöй» совхозлөн овмöсыс кызвыннас нюжөдчöма сы пөлөн, но босьтыштö и Печора боксö. Совхоз лыддыссьö йöв-яй вöчысбөн. Йöвлысь да яйлысь плансö вевтыртöмабсь, совхозлы вичмылöны денежнöй премияяс да переходящöй знамяяс. Совхозөн веськөдлө Зиновий Семенович Семяшкин, коді тані жö чужліс. Водзджык совхоз котыртöмсянь (а тайö вöлі сизим во сайын) уджавліс главнöй инженерөн. Директорнад көть и оз на дыр уджав, но уналаын тöдчö сьлөн киподтуйыс. Кужö юавны прöгульщикьяс-лысь, сяммö и ышöдны томджык өртъяссьö, мыйысь сійöс ёна пыдди пунктöны.

Му-виддзыс совхозлөн 6400 гектар. Мöскыс 1345 юр. Пырö вит отделение: Діюрскöй, Красноборскöй, Вертепскöй, Кельчиюрскöй и Усть-Ижемскöй. Кельчиюрскöй отделение йылысь, көні ме веськөдла комплекснöй бригадаөн, көсья пасйыштны унджык. Отделениен совхоз котыртöмсянь управляющöялө Франс Конанович Сметанин. Водзджык уна во чöж уджаліс «Дружба» колхозын председателöн, морöссö мичмөдö Трудöвöй Краснöй Знамя орден. Франс Конанович став вынсö и кужöмлунсö пунктö овмöссö кыпöдөм вылө. А овмöсыс абу жö ичөт. Став му-виддзыс 1153 гектар. Мöскыс 298 юр. Тані жö быдтам куканьясöс государстволы сдایتөм вылө, öні лыддыссьö 400 юр. Том скötöс яй вылө вузалам бур вердасаөн. Куканьяслөн суткия весыс содö 800—900 граммөн.

Вый заводö унджык йöлыс мунö бур качеством.

Дженьыд миян войвывса гожöмыд, но и сійö таво эз вöв удж вылө ышöдысбөн. Гежöда мыччысьліс шонді. Бытьö енежыс вöлі пискьотма: лун-лун кисьтис-зэрис. Öти ногөн тайö и вöлі бур вылө, видзьяс вылө сукджыка быдмис туруныс.

1978 воын омöль урожай вöсна видзьяс вылысь босьтім 3500 центнер турун, а колöм во — 7500 центнер.

Кöрым заптам став сиктөн, ыджыд отсöг сетöны челядь. Миян отделениен котыртöма мехзвено, кодөн веськөдлө Семён Зиновьевич Семяшкин. Мехзвенолөн таво вöлі 8 трактор и мукöд көрым заготовитан техника. Кельчиюрскöй отделениелөн

куим бригада, куим сикт, Большое Галово, Кельчиюр и Малое Галово.

Малое Галово бригадаын гöран муыс 80 гектар, кытчö кодзам зөр сора аныкыш. Тулыснас мехзвено гöрис-кодзис и обкатайтис 5 лунөн, а арнас найö жö идралисны веж масса. Скöt карта дінö вöчисны 500 тонна вылө силоснöй бурт.

Звенолөн вöлі пунктöма сэтшөм мог: трамбуитгас мед эз веськавы бурт вылас комокьяс ни солярка войт. Ассьыныс кывнысö пöртисны олөмö. Öні скötлы вердам бур качеством силос. Асланыс бур уджөн пыр нималöны трактористьяс, кыдзи Анатолий Иванович, Иван Дмитриевич, Валентин Анисимович, Прокопий Васильевич Каневьяс да Леонид Александрович Филиппов. Налөн лунъя нормасы пыр вевтыртöма.

Бур, мый трактористö велөдöны асланым овмöс пытшкын.

Красноборскöй школаын 10 класс помалөм бöрын, көні велөдöны тшöтш трактор, унаөн пöлучитöны 3 класса трактористлысь да сельскöй механизаторлысь правояс. Том механизаторьяс локтöны уджавны асланыс сиктъясö.

Кельчиюрскöй отделение ыджыд вын пунктö и стрöитчöмын. Сöмын 1978 воын вöлі эштöдöма 120 юр вылө телятник, котельнöй көрым дасьтан цехөн. Öні стрöитсьö 150 юр вылө телятник, 50 местаа детсад, а выль во кежлö стрöительяс эштöдасны 10 машина вылө гараж.

Бöръя воясö тöдчымөн бурмис олөмыс рабочöйяслөн. Бöръя дас вит воён сöмын Малое Галовоын 40 рабочöй вöчисны новоселье, петисны ас керкаясö. Стрöитчыны отсалö государство, сетö ссуда. Отсалö йöзөн и техникаөн совхоз.

Чужöны выль семьяяс. Миян сиктын эм ыджыд да шоньыд сад-ясли. Майбыр!

Но, дерт, эм на тырмытöмторйыд. Батьясным да дедьясным 50 во сайын стрöитлөмаось сиктö öти жыръя ичөтик нардом. Öні поводнöя нин важмöма. Уна во чöж собраниеяс вылын, сессияяс вылын мунö сёрниыс лэптыны выль клуб. Но сёрниыс сёрниөн и помасьö, а важ клубыд ассьыс делөсö пыр вöчö. Пöрысь пöчö моз сьöкыда нин ружтö. Вот татшөм тырмытöмторсö кад жö нин бырöдны. Шуам, скöt картаясыд, дерт, колöны, а том йöзлы бур клубыд ещö на колөдджык.

А. КАНЕВ.

ПӖСЬ КӖЛӖБЪЯС

Ог тӖд, кыдзи тӗян, а мян рай-центрса учреждениясын чайтӖ ёна юӖны. Чай дӗно вайӖны кӖлач, пре-ник, кампет, а мукӖдыс и столӖвойӖ на петаласны котлетла либӖ жаритӖм черила. НинӖм танӗ дивитана-ыс, ме думысь, абу. Асывводзын кы-нӖмыд оз сюмав, сӗсся мукӖд дырйи дырдзык узьяс да удж вылӖ мун-тӖдзыд нинӖм нямлялыштны он и вевъяв.

И вот час дас гӖгӖр, видзӖдан да, быдлаын чай пузьӖдӖмаӖсь. Менам отделын юӖны жӖ. КолӖ шуны, менӖ татчӖ некымын тӖлысь сайын индӗсны юралысьӖн. Учреждениеным вель ыджыд, но менам отделӖй ичӖтик: кык нывбабаӖн веськӖдла. СьӖд синъяса збой нывсӖ ТаняӖн шуӖны, а олӖмаджыксӖ — Анна ФедоровнаӖ. ЗӖв зӗля уджалӖны: квартальной отчӖт срокысь водз сдайтам. Ӗнӗ бара жӖ водзын мунам.

Ставыс эськӖ бур, но Ӗтитор лӖк: кабинетным пельӖсса жырйын да кӖдзыд. Та вӖсна арсяныс сулалӗс электрической шонтӖдысь, но нева-жӖн спиральыс сотчис да Ӗнӗ нӖшта на ыркыдджык лои.

— ШонтысьӖй, Прохор Иванович,— сьӖд синъяснас дзирдыштӗс Таня да вайис стӖкан пӖсь чай.

— Котлетыс кӖдзыд,— ышловзис Анна Федоровна.— Шонтыштны некӖнӗ...

Мен эз ло лӖсьыд: некутшӖм тӖж-дысьӖм уджалысьяс вӖсна абу. Босьтӗ бухгалтерияысь сьӖм да мунӗ хозмагӖ: нагреватель, мися, ньӖба. Но вӖлӖма да бырӖма нин.

— НьӖб со электрической духов-ка,— вӖзйӖ вузасьысь.

— Мый нӖ ме сӗйӖн вӖча, кӖлӖб пӖжала али мый уджалан кабинетын?

— А мый кӖсьян. СӗйӖ быдтор вылӖ шогмӖ: пыткас позьӖ пусьы-ны, пӖжасьны, жаритчыны, а вылӗ-ас — гын сапӖгтӖ либӖ нямӖдтӖ косьтыны, а позьӖ и сӗдз чуткыв-ны — комнатаад шоныд лӖ.

— Хм... ПрамӖй добра тай... НьӖбны кӖ нин-а?

ПадъялыштӖм бӖрын ньӖбни, мый-кӖ Ӗд лӖ жӖ.

Менам сотрудинаяс зӖв ёна рад-лисны ньӖбӖмторлы. Кабинетын лои шоныд.

Анна Федоровна видзӖдлис осьса ӖдзӖса духовка вылӖ да ышловзис:

— ШонтынысӖ тай эськӖ шонтӖ да, а вот пӖжалӖ-Ӗ мыйкӖ?

— Видлыны колӖ!— дзирдыштӗс-ны сьӖд синъясыс ТанялӖн.

Ме нинӖм эг шу: мед мыйкӖ вӖ-чӖны.

Таня кытчӖкӖ ветлис да вайис... ведра джын картофель. Ме бара нинӖм эг шу, но сьӖлӖмӖй дрӖгмунӗ: начальникным кӖ казялас, сӗки мый лӖ?

Недыр мысти духовкаысь петӗс нин сӗтшӖм чӖскыд дук, менам тӖкӖ-тӖ дуль эз войтышт пызан вылӖ.

— Сӗй на здоровье, Прохор Иванович,— мелӗа нюмъевтӗс Таня да пуктӗс казенной бумага вылӖ куим печенча.

ПӖжалӖм картофельӖн чӖсмасиг-моз Анна Федоровна ышловзис:

— Көлөбсө бара пөжалө оз-а?

— Видлыны колө!

Сьод чардби кодь синвидзөдлас сотыштис менө. «А мый налысь босьтан, пөжаласны и көлөб!— көдзалис мышкөй.— Вот ньоби! Кывсям өні не сөмын асланым учреждениеын, но и став район пасьта. Вот серамыд лоө!»

Мөд луннас Анна Федоровна вайис миска...

Час дас өти гөгөр пөсь көлөб дук паськаліс учреждениелөн кыкнан судтаас. Быд отделысь сотрудникьяс петалөмаөсь коридорьясө да азыма исалөны сынөдсө.

Недыр мысти триньөбтис телефон. Начальник корис: воны пө сөрнитышты.

— Но вот, пөсь көлөб сөйны корөны. Прөщайтчөй өні духовканад, а менө, гашкө, и удж вылысь вөтласны...

Пыри начальник дорө.

— Тэ нө мый, Прохор Иванович, отделөн веськөдлан, али пекарня-өн?— көдзыда юалис сійө.— Печенчаөн чөсмасян, көлөбьяс пөжалан уджалан кадө...

Ме нинөмөн эг куж дорйысьны да чөв олі.

Тайө здукас воссис өдзөс да пырис Анна Федоровна. Тарелка вылын сійө пыртис пөсь көлөбьяс да ышловзис:

— Асывводзнас, Сергей Петрович, нинөм жө өд, көнкө, эн вевьялөй сөйыштнытө... А уджыс тиян — өхохо... Со пөсь көлөбсө көть видлөй.

Таня пыртис чай да сакар.

— Видлыны колө, Сергей Петрович!— нюмьөвтис сійө.

Начальник кыскыштис нырнас көлөб көрсө.

— Отделыс тиян, Прохор Иванович, сідзсө оз омөля уджав,— дульсө ньылыштігмоз шуис Сергей Петрович.— Квартальнөй отчөт ас кадө лөсьөдінныд....

— Вежон водзджык!— збойми ме.

— Вот, вот, сійө и шуа. А кори ме тиянөс, медым төдмавны, кутшөмджыка муно уджыс тайө луньясө?

— Зэв бура!— дзикөдз ловзи ме.— Анна Федоровна да Таня кужөны уджавны. Оз эськө мешайт көть ичөтик премия сетны...

Сергей Петрович босьтис пөсь көлөб, курччыштис да шуис:

— Думыштлам. Сөмын отчөтнад эн сөрмөдчөй. А картофельтө талун эн пөжалөй?



Василий РОЧЕВ

РЕКС АБУ МЫЖА

Асывсянь сулаліс шондіа жар повддя. Татшөм жар луныс быттьө ыджыд козин ылі войвывса йöзыдлы. Печора бокті пода туй кузя восьлалісны нельөн: Толя Котов, ар öкмыса, вöсни ки-кока, пельк дентинка; сылөн чойыс, Маша, коді ар витөн ыджыджык Толяысь; на водзладорын бабыс да мамыс.

Груня баб пельпом вылас кутö кокни куран да тэрыба тувчалö, сизимдас арöссö матö на он и сет сылы.

Гөгөр чөв, сөмын лэбачьяслөн дзользöмыс кылыштіс матысса пужа вывсянь, да пу коръяс вөрзъыштісны. Чөвлунсö торкис Рекс нима понмыс, коді шум-зыкөн петіс бадьяс костысь. Рекс эз öтлаын петав гортсыныс. Сійö асывводз на кытчөкö вöрас мунöма и сылөн сёяныс, кодöс петкөдіс Толя, колис дзоньөн чом дорас пöртйын. Öні Рекс матыстчыліс Толя дінö, тувкнитліс нырнас сылы кокас, легнитіс бöжнас, быттьö прöща корис, сэсся водзлань уськөдчис.

Регыд воисны найö ытшкөм видз вылö, кос туруныс кок улын шаракыліс. Груня баб перйис сёрсыыс вайöм сямөд да öзтіс бипур, лэччыліс ты дорö да катіс ва пöртйын пуны шыд. Сэсся босьтісны кураньяс да мөдөдчисны куртны, Толяöс колисны пöвар пыдди.

— Толя, вайышт, пиö, ещö öтчыд васö, содтышт сійöс шыд пöртас и сэтчö яйсö лэдзав. Со, Толя, яйыс, ыджыд пöртас вевт улын,— шуис Толялы мамыс.

Толя тшапкис бидон да котöртіс вала. Би дорö воөм бöрын Толя ад-

дзис чуймөдана серпас: яй тыра пöртыслөн вевтыс куйліс видз эж вылын, сөмын ичөтик яйтор колыштöма. Бокинджык, куест улын, куйліс Рекс и вильөдіс ыджыд тшегыр. Ставыс лои гөгөрвоана Толялы. Пон вомысь лы он мырдды. Толя мыськышталөмөн лэдзис коляс яйсö би вылын öшалысь пöртйö, содтыштіс сэтчö ва. «Мыйла гусясин, Рекс?»— дивитіс понмөс Толя. Сэсся вежöртіс, Рекс эз гусясь, сійö ылаліс: сылөн чом дорын пöртйыс дзик жö сэтшөм, кутшөм öні би вылас, весиг пöданыс сэтшөм. Пон асывнас эз сөй и думыштіс, мый сылы сёянсö пöртнас вайисны татчö.

Кодыр пуксялісны видз вылö сөйны, Толя висьталіс:

— Мамö, ме зэв ёна тшыгъялі да яйторсö сөйи, а лысö Рекслы шыбити.

Мамыс видзөдліс Толя вылö, гудыртіс пöртсыыс яйсö да шуис:

— Кыдзи нö, пиö, муртса на и пусыштöма да?

— Зэв ёна кынөм сямаліс,— гөрдөдіс Толя.

— Но ладнö,— радлыштіс мамыс.— Оз кө кынөмыд висьмы и.

— Ывла вылын ставөн азымөс сөйнысö,— шуис бабыс.— Со, Тольö, и воиссе аппетитыд.

Пажнайтігөн Толя сөйис, кыдз пыр, этшаник. «Но öд сійö сөйыштөм бöрын нин»,— думайтіс мамыс Толя вылö видзөдігөн.

Сөйөм бöрын ставөн муртса куйлыштісны видз вылас, а сэсся дружна босьтчисны уджö. Толялөн чойыс, Маша, турунсö куртігмоз сылыштіс частушкаяс:

Ю кузяыс теплоходъяс
Кывтöны да катöны.
Миян войвылын выль каръяс
Вовьсь воö содöны.

Толялы кажитчис, мый Маша чойыс ачыс и лöсьöдалö частушкаяссö. «Оз öд весьшөрö сийö быд стихотворениеысь «пять» вайлыв, быттö он и казавлы, кор велöдö-а?»— думайтис Толя.

Сийö куранöн жö öнi вöдитчис, кос турун чукöрталис. Сэсся важ зорöд пыдöсысь сийö аддзис кык нидзув да пуктис истöг көрöбö, а медым эз петны найö сэтысь, көрöбсö резинкаөн гаровтис да гач зептас суйис.

Теплоход öдийö шывгис-мунис ва парыд. Толя мамыскöд теплоходнас катисны гортö. Маша кольчис бабыслы отсасьны. Öнi Толя öшинь пыр видзöдис ва вылас и лыддьöдлис, кымын «Прогресс», «Крым», «Днепр», «Обь» пыжаяс паныдасылисны. Кор синмыс мудзис лыддьöдлыны пыжаяссö, сийö бергöдчис мамыс дорö да висыталис ассыс видз вылын шыд пуöмсö.

— Вии эськö ме вöрышкаöс, тöдмалi кö,— шуис мамыс.

Но Толя тöдис, мый Рекслөн öнi гөнчир нин оз вөрззы мамлөн грöзитчöмысь.

□ □ □

Ваньö мездö пышкайöс

Төвсая рыт. Челядь котыр кык пельö юксёмөн туй вылын ворсисны хоккейөн. Друг кодкö челядь костысь горöдис:

«Ваньö! Видзöдлы, тиян каньыд пышкайöс кутис».

Ставөн сутшкисны клюшканысö лымйö и бергöдчисны сылань, кытчö ликтис детинкаыс.

Потшöс бокын Ваньöяслөн руд каньыс кык лапа костас кутис пышкайöс, кодi мый вынсыс нетшкысис. Кодыр пышкай неуна лөнныштис,

кань тшапкис сийöс пиньяснас шошаöдыс.

Челядь костысь кодкö ошкыштитис каньлысь збойлунсö, кодкö жалитис пикö воём лэбачöс, а Ваньöлөн юрас югнитис ясыд мөвп: öд сийö вермас мездыны пышкайöс.

— Серöй!— мелiа чукöстис Ваньö. Кань нявöстис. А пышкайлы тайö и колö вöли — збоя жбыркнитис-лэбзис, пуксис кыз пу йылö да радпырысь öвтчыштитис бöжнас.

Серöй скöрысь видзöдлитис Ваньö вылö.

Коді медводз шуас лёсялана кыв

Мамöй — бур да мелі ань,
 Менам мамöй медся ... (шань).
 Мөслы турун вайим вөлөн,
 Сюрुक вердас чөскыд ... (йөлөн).
 Миян сикт дорын эм йир,
 Сэні олө ыджыд ... (сир).
 Зілөн сі кодь вөсни ныр,
 Зі кө чушкас, висяс ... (дыр).
 Талань локтө сюра меж,
 Мед оз люкав, өдйö ... (кеж).
 Мича Буран нима вөв,
 Миша, Буран вылас ... (сөв).
 Удж оз радейт, оз берт мыш,
 Татшөм мортыд, дерт жö ... (дыш).
 Бура чышкө небыд рос,
 Киным тэрыб, оз вись ... (кос).
 Гажа миян детскöй сад,
 Быдөн сэні овны ... (рад).


Алексей МИШАРИН

ПЕРВОЙ КЛАССÖ

Бывла вылыс ясыд,
 Мед көть аръядор.
 Сиктө пырö асыв,
 Сыкөд уджлөн гор.
 Садьмис тшөтш и Света,
 Торкис чөскыд ун:
 Школаö өд петö
 Сийö первой лун!
 Улич кузя мунö,
 Сумкаын — букварь...
 Нывлы тайö лунөдз
 Тырис сизим ар.
 Кышyd, мича школа,
 Челядь сэні тыр.
 Мый нö, нылöй, полан?
 Виччысьöны — пыр!

СТОЛИЦА РЕСПУБЛИКИ КОМИ, ЗДРАВСТВУЙ!

Сдержанно, величественно



Piano introduction in G major, 3/4 time. The music features a series of chords and a melodic line with triplets. Dynamics include *f* and *mf*. The piece concludes with a fermata.

Солоист



1. Сто- ли- ца ре- спу- бли- ки ко- ми,
Piano accompaniment for the first line of the soloist part, featuring triplets and chords. Dynamics include *mf*.

(Хор)

Солоист



здрав- ствуй здравствуй! цве- ти, Сыж- тыв-
Piano accompaniment for the chorus and soloist part, featuring triplets and chords. Dynamics include *mf*.



кар мой, цве- ти. Под сол- нцемс- ве- тов при-
Piano accompaniment for the chorus and soloist part, featuring triplets and chords. Dynamics include *mf*.

(Хор)

Солоист



зна- нью и сла- ве сла- ве те- бя не о- бой-
Piano accompaniment for the chorus and soloist part, featuring triplets and chords. Dynamics include *mf*.

Припев

Хор

ти, те-бя не о бой-ти Яр-ка-я

све-тит-ся ве-ха
Яр-ка-я све-тит-ся све-тит-ся ве-ха в тво-ей и на-

судьбе
род-ной судь-бе судь-бе: Два ве-ка, два бур-ных.

два я-рост-ных ве-ка све-тят те-

Солст II. Окончание
1. бе, све-тят те-бе 2. Сто бе

(Скандируя)

The image shows a musical score for a song. It consists of two systems of staves. The first system has a vocal line (treble clef) and a piano accompaniment (treble and bass clefs). The vocal line has the lyrics: "све- тят те- бе, све- тят те- бе". The piano accompaniment features chords and rhythmic patterns. The second system continues the piano accompaniment with more complex chordal structures and a triplet of eighth notes.

Столица Республики Коми, здравствуй!
Цвети, Сыктывкар мой, цвети.
Под солнцем Советов признанью и славе
Тебя не обойти, тебя не обойти.

Припев:

Яркая, яркая светится вежа
В твоей и народной судьбе:
Два века, два бурных, два яростных века
Светят тебе, светят тебе.

Столица Республики Коми, здравствуй!
Расти же и вширь ты и ввысь,
Чтоб виделась честному миру далёко
И мощь твоя и мысль, и мощь твоя
и мысль.

Припев.

Столица Республики Коми, здравствуй!
Дорога твоя лишь — вперед.
Так пусть же гудят вместе с северным
ветром
И ветры всех широт, и ветры всех широт.

Припев.

Столица Республики Коми, здравствуй!
Гляди же в лицо ты векам,
Чтоб все оценить нам по долгу и праву,
Советский Сыктывкар,
советский Сыктывкар!

Припев:

Яркая, яркая светится вежа
В твоей и народной судьбе:
Два века, два бурных, два яростных века
Светят тебе, светят тебе.

Авторы песни поэт Вл. Попов, композитор В. Петряков.

Техн. редактор И. Оплеснин.

Адрес редакции: 167610 г. Сыктывкар, Дом печати, комн. 26.

Телефоны редакции: 2-47-52 (редактор), 2-51-52 (отв. секретарь).

Сдано в набор 21/III-1980 г. Подп. к печати 14/IV-1980 г. Формат 70×108¹/₁₆. Печ. лист. 4+0,25 п. л. вклейка. Приведенных печ. листов 5,6. Тираж 6092 экз. Ц01828. Заказ № 2271. Цена 20 коп.

Республиканская типография Государственного комитета Коми АССР по делам издательств, полиграфии и книжной торговли. 167610, г. Сыктывкар, ул. Коммунистическая, 20а.



«Воргашорской» шахтаысь проходчикъяслён бригадир, Социалистической Уджывса Герой Анатолий Михайлович Сахаров.

Снимайтис В. Вещицкий.

20 кбп.

Индекс 73069



Апрель.

Снимайтс В. Вежев.